

1-1281-2

بر غمه چایی

آناتولینک جهت غربیه-سنده از میر سناغنگ بر غمه قضا سنده جریان ایدن باقر چاینه تابع بر کوچک نهر در، که دمرجی طاغندن نبعانله، جنوبه طوغری آقه-رق، بر غمه قصبه-سنگ یانندن کچدکدن و تقریباً 25 کیلومتره-لاک مسافه قطع ایتدکدن صکره، مذکور باقر چاینه منصب اولور. اسم قدیمی کتیوس #1در.

2-1281-2

بر غمه دولتی

1#

بیوک اسکندر دن صکره قبل المیلاد 283 تاریخنده (فیلتر) طرفندن تأسیس اولنمش بر کوچک دولت اولوب، ابتدا میسیا و لیدیانک برر پارچه-سندن یعنی قره-سی و صاروخانندن عبارت ایکن، بعده رومالیلرک یاردمیله سوریه حکمداری آنطبوخسندن بعض یرلر ضبط ایله، کوتاهیبه و آنقره-یه طوغری توسع ایتمشدی حکمدارلری کثرت ثروتلریله و علوم و معارف حمایه-لریله شهرت بولمشلردر. قبل المیلاد 132 تاریخنده بو دولت صغیره-نک حکمداری (آتال) وفاتنده ملکنی رومالیلره ترک ایتمکله، بونلر اوچ سنه ادعای وراثت ایدن (آرستونیکوس) ایله بعد المحاربه، مملکتی ضبط ایتمشلردر. بو وجهله بر غمه دولتی 154 سنه سوروب، یدی حکمداری کلمشدر، که تاریخ جلوسلریله برابر بر وجه ذیر ذکر اولنور:

###

فیلتر (والی صفتیله)

283 قبل المیلاد

برنجی اومن (حکمدار صفتیله)

263 قبل المیلاد

برنجی آتال

241 قبل المیلاد

ایکنجی اومن

198 قبل المیلاد

ایکنجی آتال (فیلا دلف)

157 قبل المیلاد

اوچنجی آتال (فیلمینتور)

157 قبل المیلاد

آرستونیک

132 الی 129

\$

3-1281-2

بر غو، یاخود برکو

1#

سودان وسطیده و دایک شمالنده، نیلک غربنده و چاد کولنک شمال شرقیسنده بر خطه اولوب، اهالیسنک وحشتی حسبیلله احوالی همان مجهولدر. *- سودانک غرب جنوبی جهتنده و %نیجر \$ ایرماغنک ساحل یسارنده دخی بو اسمله بر خطه واردر.

4-1281-2

بر غواطه

اقوام بر بردن مصادمه قومنه منسوب بر بيوك قبيله-در، كه مغرب اقصى سواحلنده ساكن اولوب، ايكنجى قرن هجرى اوائلنده رؤسالرندن (ابو صبيح طريف) ادعاى نبوتله مركزلرى اولان %تامسنا\$ قصبه-سنده اجراى حكم ايتمكه باشلامش؛ و بونك اوغلى صالح و احفادنندن بعضلرى دخى ظاهراً مسلمان اولدقلرى حالده، كاه نبوت و كهانت و كاه مهديك دعواسنى ايتمكه مداوم اولوب، كنديلرينى بو صفتله قبول ايتديرمك ايچون پك چوق نفوس قتل، و پك چوق بلاد تخريب ايتمشلردى. بو وجهله بر چوق وقت اجراى حكومت ايتدكدن صكره، بشنجى قرن هجرى اواسطنده مرابطين و بنى زيرى و بنى يفرين طرفندن مغلوب و منهزم اولوب، مملكتلرينى تركله، صحراى كبيره قاچمغه مجبور اولمشلردى.

5-1281-2

بر غودتيت

[[خيما(ه)) ماده-سنه مراجعت بيوريله.]]

6-1281-2

بر غوس، و زبازدى بور غاز

شرقى روم ايلينك ساحلنده و قره دكزك ساحل غربيسنده واقع همنامى اولان بر كور فزك ايچنده بر قصبه و اسكله اولوب، در سعادتك 250 كيلومتره شمال غربيسنده و وارنه-نك 130 كيلومتره جنوب غربيسنده واقعدر . 5000 اهاليسى و خيلى تجارتى واردر. بر غوس كور فزيناك جهت جنوبيه-سنده بر قاچ ليمان و امين قويلر واردر. بر غوس قصبه-سى اليوم شرقي روم ايلينك منقسم بولنديغى آلتى سنجاقدن برينك مركزى اولوب، بر غوس سنجاغى ايالت مذكوره-نك قسم شرفيسندن عبارت و بر غوس، ايدوس، سوزه-بولى، آخيولى، ميسوريه اسمريله 5 قضايه منقسمدر. روم ايلي دمير يولى خطنك در دست انشا بولنان بر شعبه-سى بر غوس اسكله-سنه منتهى اولمغله، بو قصبه-نك كسب اهميت ايده-جكى شبيه-سزدر. اسمى لسان يونانیده ((برج)) ويا ((قله)) ديمك اولان (پير غوس)دن محر فدر.

1-1282-2

بر غوس، و زبازدى بور غاز

بيغا سنجاغنك نفس قلعه سلطانیه قضاسنده و قتيبله ناحيه مركزى بولنمش بر كوچك قصبه اولوب، قلعه سلطانیه-نك 18 كيلومتره شرق شماليسنده و ساحل بحردن ياريم ساعت قدر ايچريده اوله-رق بر كوچك چايك كنارنده واقعدر.

2-1282-2

بر غوس

[[لوله بر غوسى)) ماده-سنه مراجعت بيوريله.]]

3-1282-2

بر غه

1#

اسپانيانك بارسلونه ايالتنده و بارسلونه-نك 80 كيلومتره شمالنده بر قصبه اولوب، 4800 اهاليسى واردر.

4-1282-2

برفروش

ایرانک مازندران ایالتده و بحر خزرک ساحل جنوبیسی قربنده بر قصبه اولوب، %ساری\$نک 40 کیلومتره قدر غرب شمالسنده و %امل\$ک ینه او قدر شرق شمالیسنده واقعدر. 10000 قدر اهالیسی، 10 کارونسرای و خیلی ایشلک تجارتی واردر.

5-1282-2

برق

هندستانک متأخرین شعراسندن اولوب، بنکاله-ده یاشامشدر. فارسی مرتب دیوانی واردر. شو بیت جمله اشعارنددر:

@@@

نمیکنجد درو راحت زیس تنکی سر مویی

فضای سینۀ من دیده مورست پنداری

\$

6-1282-2

برقعید

موصل جوارنده %بقعا\$ ناحیه-سنده بر قصبه ایدی، که اوائل دور اسلامده خیلی معمور و تجارتکاه اولوب، حلبده حکم سورمش اولان آل حمدانک و بر چوق مشاهیر علمانک مسقط رأسی بولنمشدر.

7-1282-2

برقوفچه

1#

بلغارستانک شمال غربی قسمنده و دینک 110 کیلومتره جنوب شرقیسنده و طونه-یه منصب اولان %اوکوست\$ نهری کنارنده واقع قضا مرکزی بر قصبه اولوب، 6000 اهالیسی واردر.

8-1282-2

برقوق، ملک ظاهر سیف الدین

مصرده حکومت سورن ممالیک چراکسه-نک برنجیسی اولوب، عن اصل ممالیک اتراکدن اولان بنی قلاوونک اخیرری ملک صالح حاجی بکک اتابکی اولدیغی حالده، مشار الیهک صغرسنی حسبیله، 785 تاریخنده اتفاق امرایله برینه صاحب ترجمه اقعاد اولنمشیدی. 791 تاریخنده-دک حکومت سوردکن صکره، امرای کندپسینی اخذ و حبس و کرکه نفی اید-رک، ملک صالح حاجی بکی تخت موروثه اعاده ایتمشلسه ده، سکز بچق آیدن صکره محبس و منفاسندن قورتل-رق، قاهره-یه عودتله، ینه مصر تختنی ضبط، و بو دفعه دخی 10 سنه حکومت سوردکن صکره، 801 تاریخنده 60 یاشنده وفات ایتمشدر. قاهره-ده بین القصربنده (مدرسه ظاهریه) اسمیله بیوک بر مدرسه بنا ایتمشدر. اوغلی ملک ناصر ابو السعادات فرح خلقی اولمشدر.

9-1282-2

برقه

آفریقا قطعده-سنک سواحل شمالیه-سندن بر بیوک خطه اولوب، خطه مصریه ایله %سرت\$ کورفری آره-سنده واقعدر. شمال غربیه-یه طوغری دکیزک ایچنه اوزانمش بر برج شکلنده-در. زمان قدیمده %کیرنایق\$ اسمیله

معروف اولوب، سواحلی بعض یونان مهاجرلری طرفندن اسکان اولنمشیدی. الیوم کاه طرابلس غرب ولایتله ملحق، کاه مستقل متصرفلق و بعضاً ده آیریجه بر ولایت صورتنده اداره اولنوب، مرکزی اولان %بنغازی\$ اسمیله معروفدر. سرت کورفزنده "30° 17' 43" عرض شمالی ایله "16° 39' 9" طول شرقیه و اقع نقطه-دن مصر حدودنده-کی %رأس الکنیس\$ بروننه-دک برقه-نک سواحلی 880 کیلومتره طولنده اولوب، مملکت جنوباً صحرای کبیره طوغری خیلی واسع ایسه ده، معمور ویا قابل عمران یرلری ساحلرله سواحله قریب اولان یرلری اولوب، ایچ طرفلری چولدر؛ و یالکز بعض محللرنده (اوجله) کبی بعض واحلره تصادف اولنور. واسع بر برج ویا شبه جزیره صورتنده دکیزک ایچنه اوزانمش اولان قسمی مرتفع و طالع بر محل اولوب، بو طاغلق سواحله طوغری اولان اتکلری صریجه ایسه ده، ایچ طرفه ناظر اولان اتکلری سطح مائل صورتنده چوله طوغری اوزانیور. بو طاغلق بر چوق دره-لر و چاپلر آقمغله، هر طرفی متنوع اشجاری و انواع چیچکلرله مزین چاپلری حاوی اورمانلرله و غایت کوزل مرعالر و چاپلرله مستور اولوب، اصلاً آفریقای آکدیرمیة-جق و ایتالیانک اک کوزل یرلریله ادعای مسابقنه کیریشه-بیله-جک بر حالده-در. زمان قدیمده کرک بو طاغلق اتکلرنده و کرک سواحله پک چوق معمور و تجارتکاه شهر و قصبه-لر بولنوب، اهالیسی کثرتلی و جمعیتلی بولنمش اولدیغندن، بو نعم طبیعی-دن خیلی استفاده اولنور ایکن، الیوم اهالیسی پک آز و اکثری بدوی اولوب، بحق استفاده اولنه-مدیعی مع التأسف آکلشیلور.

برقه-نک سواحله بولنمش اولان شهر و قصبه-لردن اکثرینک خرابه-لری الیوم مشهور اولوب، بونلرک اک بیوکلی برنیکه، توشیره (و نام دیکرله آرسینوئه)، برقه (و نام دیکرله بطولمانیس)، آپولونیا و کیرن (یاخود قیروان قدیم)در. بوبش شهردن طولایی برقه خطه-سنه %پنداپولیس\$ یاخود %بنطابلس\$ دخی دیرلردی، که لسان یونانیده ((بش شهر)) دیمکدر. ینه زمان قدیمده ویریلن %کیرناییق\$ اسمی دخی مذکور شهرلرک بشنجیسی و اک بیوکی اولان کیرن %یعنی قیروان قدیم\$ شهرینک اسمنه نسبتله حاصل اولمش بر اسمدر. برقه اسمنه کلنجه، ینه مذکور بش شهردن اوچنجیسنگ اسمندن مأخوذ اولوب، شهر مذکور بطالسه زماننده %بطولمانیس\$ تسمیه اولنمش؛ و بعده ینه اسم قدیمیه مسمی اوله-رق، دور اسلامده خطه-نک مرکزی اولمغله، عربلر طرفندن بو خطه-یه %برقه\$ اسمی ویرلمشدر. شمذیکی حالده مرکزی اولان و اسکی %برنیکه\$ خرابه-لری اوزرنده بولنان بنغازیدن بشقه ذکره شایان یالکز %درنه\$ قصبه-سیدر.

اهالیسی عرب و بربردن مرکب اولوب، جمله-سی لسان عربی ایله متکلمدرلر. هرابی، اوغیر، مغاربه و مرابطین اسملرله باشلیجه درت قبیله-یه منقسم اولوب، اکثری خیمه نشیندرلر؛ و دوه، خرکله، قویون، کچی و صیغیر سوریلرندن عبارت خیلی حیوانلری واردر. بیاغی و ساده یاغ باشلیجه اخراجاتلرندن اولوب، معیشتلری باشلیجه آریه اونیله یاغ، بال، خرما و سوددن عبارتدر. برقه-نک پورتقال، لیمون، مندلینه، زیتون، نار کبی میوه-لری دخی چوق و پک مقبولدر. هواسی معتدل و پک صاغلاندر.

بو خطه اسکیدن بری اقوام بربریه ایله مسکون اولوب، یونانیلر دخی سواحله و سواحله قریب بعض محللرده یرلشمش، و بر طاقم کوزل شهر و قصبه-لر تأسیس ایتمش ایدیلر. اسکندرین صکره برقه مصر بطالسه-سنگ الینه کچوب، او صره-ده علوم و معارفده دخی خیلی ترقیات حاصل اولمغله، بعض مشاهیر فلاسفه-نک مسقط رأسی بولنمشدر. بعده رومالیلرک الینه کچوب، نهایت 21 تاریخ هجرینده عقبه بن نافع فهری یدیله فتح اولنه-رق، مؤخرآ بنی طولونک، بنی اغلبک، فاطمیلرک، ایوبیلرک الینه کچوب، بر آره-لق تونس امراسنک تحت تصرفنه کیرمش، و نهایت طرابلس غرب اوجاغنه تابع اولوب، طرابلس غربله برابر طوغریدن طوغری-یه تحت اداره عثمانیه آلمشدر. بنغازی نامیله طرابلس غرب ولایتنک بر سنجای صورتنده اداره اولنمقده ایکن، بر قاچ سنه اول آیریجه بر ولایت اعتبار اولنمش؛ و اخیراً مستقل بر متصرفلق حالنه قونمشدر.]((بنغازی))

ماده-سنه دخی مراجعت.]

1-1283-2

برقه

هنامی اولان آنف البیان خطه-نک مرکزی بولنمش بر شهر ایدی، که اوائل دور اسلامده پک معمور و تجارتکاه اولوب، آلتنجی قرن هجرین صکره خراب اولمشدر. بو شهر میلاد عیسادن 551 سنه اول کیرن %یعنی قیروان قدیم\$ شهرینک بعض مهاجرلری طرفندن و بو شهرک 110 کیلومتره غرب جنوبینده تأسیس اولنه-رق، بعده بطالسه زماننده بونک اهمیتیه %بطولمانیس\$ شهرینه انتقال ایتمشیدیه ده، فتوحات اسلامیه-دن صکره خطه-نک مرکزی اتخاذ اولنه-رق، اهمیتیه آرتمشیدی. دکیزدن بر آز مسافه-ده واقع طاغلقله محاط بر اووه-ده کائن ایدی. اسکله-سی طلیمته %یعنی بطولمانیس\$ قصبه-سی ایدی. الیوم بعض خرابه-لری و قویولری موجوددر.

2-1283-2

برقه

مختلف رنگلى طاشلىرى بولنان ير معناسنى افاده ايتمكله، ديكرا اسملرله مركب اوله-رق جزيره العربده بر چوق مواضعك اسملرېنى تشكيل ايدور.

3-1283-2

برقى

بو اسمله اسكى عثمانلى شعرا سندن ايكي ذات بولنوب، برى استانبوللى و ديكري آيدنلېدر. شو بيت برنجينك جمله اشعار ننددر:

@@@

بر دم ايچنده غربى و شرقى

سير ايدر يلدرم كى برقى

\$

4-1283-2

برك

1#

مجارستانك %تيسه-\$ نك اوتله-سندھ-كى ايلاتندن اولوب، مارماوش، اوغوج، ساتمار، زمپلن، و اونكووار ايلتلى آره-سندھ واقعدر. 160000 قدر اهايسى اولوب، مركزى %مونقاز \$ شهريدر.

1-1284-2

بركت قوبى

1#

يكى زلنده-يى تركيب ايدن ايكي آطه-دن شمالييسنك شمال شرقى ساحلنده بيوك بر كورفز اولوب، بر طاقم جزاير صغيره-يى حاويدر.

2-1284-2

بركتلو

قونيه ولايتنك نيكده سنجاق و قزاسنده و نيكده شهرينك 30 كيلومتره جنوب شرقيسنده اوله-رق بوغا طاغى شعبه-لرندن الا طاغك شمالي اتكنده واقع بر قريه اولوب، جوارنده-كى قورشون معدنيله مشهوردر. قريه ايله معدن محلنده 2500 قدر اهالى، 5 جامع، 2 مدرسه، 1 كليسا، 2 اسلام و 1 خريستيان مكتبي واردر. معدن مذكوردن شمديكى حالده سنوى 200000 قيه قدر قورشون چيقاريلور. -*- روم ايلنده قواله جوارنده دخى بو اسمله بر بيوك قريه واردر.

3-1284-2

بركس، ياخود برقشير

1#

انكلتره-نك وسطلرنده-كى ايالاتندن اولوب، بوكينغهام، اوقسفورد، سوري و %ويلت\$ ايالتلى آر-سندھ واقعدر. مساحه سطحيه-سى 1827 مربع كيلومتره اولوب، 196475 اهاليلى واردر.

4-1284-2

بركساس

1#

مجارستانك %برك\$ ايالتنده بر قصبه اولوب 6300 اهاليلى واردر.

5-1284-2

بركلى

1#

ايرلانده-نك مشاهير علماسندن اولوب، 1684 تاريخنده %كيلكرين\$ ده طوغمشن و 1753 ده وفات ايتمشدر. فلسفه و مذهبه متعلق بر خيلى آثارى و بعض اشعارى واردر.

6-1284-2

بركن

1#

نوروجده %نوردنفيش\$ ايالتنك مركزى بر شهر اولوب، %قريستيانيا\$ نك 290 كيلومتره شمال غربيسنده و %واغ\$ دينلن بر اوزون كورفرك ايچنده واقعدر. 28000 اهاليلى، استحكاماتى، بحريه مكنتى، كمى انشاسنه مخصوص دستكاهلرى و پك ايشلك باليق تجارتى واردر. ليمانى صاعلام ايسه ده، مدخلى مخاطره-ليدر. بركن ايالتنك 270000 اهاليلى واردر.

7-1284-2

بركنوق

1#

انكلتره-نك %غال\$ خطه-سندھ و %هردورف\$ شهرينك 50 كيلومتره جنوب غربيسنده بر قصبه اولوب، همنامى اولان ايالتنك مركزيدر. 6000 اهاليلى واردر. *- بركنوق ايالتنك مساحه سطحيه-سى 1862 مربع كيلومتره و اهاليلى 59901 كشيدير.

8-1284-2

بركوكب

ايكنجى قرن ميلادى اوائلنده مسيچلك ادعاسبله ظهور ايتمش بر يهوديدر، كه رفيقى اولان (عقبيا) نك يارديميله روماليلره قارشى عصيان ترتيب ايديوب، 133 تاريخنده قدسى دخى ضبط، و كندى نامنه سكه ضرب ايتمش ايسه ده، رومادن سوق اولنان عسكره قارشى طيانه-ميوب، 135 تاريخنده قتل، و رفيقى حيا سلب اولنمشيدى.

9-1284-2

بركوى، محمد افندى

مشاهیر علمای عثمانیہ-دن اولوب، 928 تاریخده بالیکسری فصیبه-سنده پیر علی اسمنده بر مدرسك صلیبدن تولد ایتمش؛ و اوراده تحصیل مبادی علوم ایتمکدن صکره، در سعادتہ کلہ-رک، علمای عصرک حلقه تدریسنه مداومت، و بعده بعض مدارسده تدریسه اشتغال ایتمکله برابر، طریق بیرامی مشایخندن شیخ عبد الرحمن قرمانی-یه انتساب، و طریق زهد و تقوایه سلوک ایتمشیدی. بعده ادرنه-ده قسام عسکری اولوب، انفصالندن صکره، محصول قسمتدن آلمش اولدیغی مبلغی اصحابنه اعاده و تقسیم ایچون، شهر مذکورہ عودت ایتمش؛ و فیما بعد بسبتون امور دنیادن انقطاع ایتمک ایتمش ایسه ده، شیخک ابرامی اوزرنه تدریس و وعظدن واز کچمیوب، متعاقباً خواجه پادشاه مولانا عطاء الله افندی طرفندن آیدین ولایتنده واقع %برکی\$ قصبه-سنده تأسیس اولنان مدرسہ-نک مدرسکنه تعیین اولنه-رق، قصبه مذکورہ-یه عزیمت، و فیما بعد اوراده اقامت ایتمکله، %برکوی\$ یاخود %برکیلی\$ نسبتیله شهرتیاب اولمشدر. عمرینی و عظم و تدریس و تألیفه کچیروب، دیانت و زهد و تقوی حقدہ فکرینی بیروا بیان ایتمکدن چکینمز، و بو بابده برآز زیاده ایلری-یه کیدوب، فوق العاده بر تعصب التزام ایدر ایدی. حتی قرائت قرآن کریم کبی افعال دینیہ و عباداتہ فارشی اجرت اخدینک حرام اولدیغی التزام ایده-رک، معاصرین علما ایله شفاهی و تحریری پک چوق مباحثات شرعیہ و علمیہ-یه کیریشمشیدی. فکرینک غلبه-سی اوقافک بطلاننی انتاج ایده-جکندن، نهایت وقتک شیخ الاسلامی مشهور ابو السعود افندی مباحثاتی منع ایتمشیدی. بر خیلی تألیفاتی اولوب، اک مشهورلری ((طریقت محمدیه))، ((معدل الصلاة))، ((نور الاحیاء)) عنوانلی اثرلریله نوحده ((اظهار)) و ((عوامل)) عنوانلریله مشهور و متداول ایکی متنی و ((شرح لب)) و ((امتحان الادکیاء)) عنوانیله بر کافیہ شرحی، صرفده بر متنی و مقصوده بر شرحی، علم تجویده بر رساله-سی، امالی طرزنده علوم عالیہ-یه متعلق مباحثی شامل بر اثری و ((السیف الصارم فی عدم جواز المنقول و الدراهم)) عنوانلی کتابیدر. 981 تاریخنده، 53 یاشنده اولدیغی حالده، طاعوندن وفات ایدوب، تریبه-سی برکی قصبه-سی خارچنده بر تپه-نک اوزرنده واقعدر. *- برکوی عطاء الله احمد افندی دخی اول عصرک مشاهیر علماسندن اولوب، سلکان سلیم خان ثانی حضر تلتزینک خواجه-سی اولمغله، پک چوق نفوذ و اعتبار قز انمش؛ و ابو السعود افندی ایله محاسده-سی وقوع بولمشدر. ((هدایه))-یه بعض تعلیقاتی و تفسیر شریفه متعلق بر ایکی رساله-سی واردر. طبیعت شعریه-سی تاریخنده در سعادتده وفات ایتمشدر.

1-1285-2

برکه

بو اسمله صحابیاتدن اوچ خاتون بولنوب، برکه بنت ثعلبه، برکه الحیشیه و برکه بنت یسار دینمکله معروفدرلر.

2-1285-2

برکه، ام السلطان الست الجلیله

مصرده حکومت سورن ممالیک بحریه-نک یکرمی ایکنجیسی اولان ملک اشرف شعبانک والده-سی اولوب، او غلنک زمان سلطنتنده-کی حکم و نفوذیله و فوق العاده دارات و دبدبه و خیراتیله شهرت بولمشدر. (مدرسه ام السلطان) نامیله قاهره-ده بر بیوک مدرسه دخی تأسیس ایتمشدر. 774 تاریخنده وفات ایدوب، مدرسه مذکورہ جوارنده دفن اولمشدر.

3-1285-2

برکه

عربیده ((کول)) دیمک اولدیغندن، دیگر بعض اسملرله مرکب اوله-رق، بر چوق کوللره و کول اولمیان بعض پرلره علم اولمشدر. اک مشهورلری زیرده ذکر اولنور.

4-1285-2

برکه ابراهیم

اورفه شهرينك اتصالنده و جنوبنده بر كوچك كول اولوب، %عين زليجا\$ و %خليل الرحمن\$ صولرى بو كولك ايچنه دوكيلور. اطرافى اشجارله محاط و منظره-سى پك لطيفدر. ايچنده پك چوق باليق بولنوب، اهالى عننده مبارك عد اولنديغندن، كيمسه طرفندن صيد اولنميور.

5-1285-2

بركة الحاج

مصرده قاهره-نك خارجنده و 10 كيلومتره شمال شرقيسنده مفرح بر محل اولوب، فاطميون و ملوك ايوبيه زمانلرده حكمدارلرك صيفيه و كوشكلرينى حاوى ايدى. بوكا %بركة الجب\$ دخى ديرلردى.

6-1285-2

بركة الحبش

مصرده فسطاطك جنوبنده و نيلك كنارنده نزهتگاه بر محل اولوب، وقتيله حضرت امام حسن و حسينك اولادينه وقف اولنمشيدى. نيلك فيضاننده صو ايله طولديغيچون بركة دنيلوب، جوارنده %حبش\$ اسميله معروف بر طاقم باغچه-لر واردر.

7-1285-2

بركة خان

جوجى خانك اوغلى و چنكيز خانك تورونى اولوب، دشت قبقاق و قريم خانى ايدى. عسكر و توابعيله برابر دين اسلامى قبول ايدوب، وولغا كنارلرنده تاسيس و پايخت اتخاذا ايتديكى %سراى\$ نام قصبه-يه هر طرفدن علماي اسلامى جمع ايتمشيدى. 660 تاريخلرنده طونه-نك بوزلرى اوستندن روم ايلي-يه كچوب، قسطنطينيه سورينه قدر كلمش؛ و او صره-ده ميخال پاليولوغك محبسندن فورتيلوب اينوسه فراره موفق اولمش اولان عز الدين سلجوقى-ي برابر آله-رق، ممالكندن بر خطه-يه والى تعيين، و كندى قيزيني كنديسنه تزويج ايتمشيدى.

8-1285-2

بركة خليص

مكة مكرمه ايله مدينه منوره آره-سنده بر محل اولوب، خرما باغچه-لرى و بازارى واردر.

9-1285-2

بركة زلزل

بغدادده بر كول اولوب، اطرافنده-كى محله دخى بو اسمله مسمى ايدى.

10-1285-2

بركة الفيل

قاهره-نك اتصالنده بر كول اولوب، وقتيله سواحلى ياليلرله مزين اولمغله، بر نزهتگاه عمومى ايدى. -* بركة قارون، بركة قرموط و البركة الناصريه دخى مصرده ايديلر.

11-1285-2

برکی

آیدین ولایتینک از میر سنجاغنده اوده-مش قضااسنه تابع ناحیه مرکزی بر قصبه اولوب، اوده-مشک 8 کیلومتره قدر شمال شرقیسنده و بر چای کنارنده واقعدر. اسکیدن معمور بر قصبه اولوب، بر قاچ جامع شریف و مدرسہ-سی و سائر خیراتی واردر. بعض علمانک مسقط رأسی اولوب، ((طریقت محمدیه)) صاحبی مشهور برکوی محمد افندی دخی طول مدت بو قصبه-ده مدرسک ایتمشدر. و تربه-سی قصبه-نک خارجنده-در. اوده-مشه و اورادن آیدین دمیر یولی خطنه بر شوسه ایله مربوطدر. *- برکی ناحیه-سی 35 قریه-دن عبارت اولوب، اراضیسی قسماً طاغلق و قسماً اووه اوله-رق، پک منبت و محصولداردر.

1-1286-2

برکیارق

ایرانده حکومت سورن ملوک سلجوقیه-نک درنجیسی اولوب، ملکشاهک اوغلی و آلب آرسلانک تورونیدر. 484 تاریخنده، پدربنک وفاتی اوزرینه، تخت سلطنتنه جلوس ایدوب، بر خیلی مدت برادرلریله اوغراشدقدن صکره، سوریه، عراق، جزیره، آذربایجان و کورجستان برادری محمدک، خراسان جهتی دیگر برادری سنجرک، و باقی ممالک کندیسنگ اولمق اوزره صلح ایتمشلردی. 12 سنه سلطنت سوردکدن صکره، بغداده کیتمکده ایکن، 25 یاشنده اولدیغی حالده، یولده وفات ایتمشدر. اهل صلیبه قارشی آنطاکیه-یه عسکر کوندرمشیدیسه ده، عسکری مغلوب اولمشیدی.

2-1286-2

برکیلی

[[برکوی]] ماده-سنه مراجعت بیوریله.]

3-1286-2

برکین

1#

فرانسه-نک مشهور محررلرندن اولوب، باشلیجه چوچقر ایچون یازدیغی غایت نافع و تهذیب اخلاقی موجب کوزل اثرلریله شهرت بولمشدر. کویلیلره و عوامه عائد بعض کتابلر و موقوت رساله-لر دخی یازمشدر. بتون آثارنده غایت ساده و سهل بر لسان قوللانمشدر. 1749ده %لانغوران\$ده طوغوب، 1791ده پارسده وفات ایتمشدر. کلیات آثاری 20 جلد اوزره طبع و نشر اولنمشدر.

4-1286-2

برلس

مصر سفلاده ساحل بحره قریب و نیلک بری رشیده دیکری دمیاطه منتهی اولان ایکی قولی آره-سنده واقع اولان کنیش بر کول اولوب، محیط دائره-سی 170 کیلومتره و مساحه سطحیه-سی 700 مربع کیلومتره-در. درینلکی پک آز اولوب، دکیزدن اینجه بر دیل ایله ایرلمش اولدیغی حالده، %سبیتی\$ اسمیله معروف بر بوغازدن دخی دکیز صویبله اختلاط ایدیور. نیلک بر چوق جدوللری بو کوله منتهی اولور. کولک شمیدیکی اسمی جهت غربیه-سنده و نیلک کنارنده بولنمش اولان بر قصبه-نک اسمندن مأخوذ اولدیغی کی، اسم قدیمی دخی ساحل جنوبیسنده بولنمش اولان بر قصبه-نک اسمندن مأخوذ اوله-رق (بوتو) ایدی. *- بو اسمله نیلک ساحلنده و کولک قریبنده بولنمش اولان وقتیلله خیلی معمور اولوب، بعض علمانک مسقط رأسی بولنمش ایسه ده، ایوم خرابدر.

5-1286-2

پروسیه قرالغنگ و بتون آلمانیا ایمپراطورلغنگ پایتختی اولان بر بیوک شهر اولوب، %براندبورغ خطه-سندھ و %البه ایرماغنه تابع %هاول\$ نهرینه دوکلین %اسپرہ\$ اسمندھ بر کوچک چایک اوزرنده اوله-رق، "16' 30' 52° عرض شمالی ایله "30' 3' 11° طول شرقیده و بالطیق دکیزی ساحلنک 165 کیلومتره جنوبنده واقعدر. بولندیغی اووه-نک حذای بجردن 40 متره ارتفاعی واردر. برلین، یالکز پایتخت اولمق جهتله دکل، جسامتیله، ابنیه و سوقاق و مسیره-لرینک کوزللکبله، مؤسسات علمیه و خیریه-نک کثرتیله و الحاصل هر جهتجه بتون آلمانیانک برنجی شهری اولوب، 1330000 اهالیسی واردر. نفس شهر ایله جوارلردن مرکب اولوب، نفس شهر بر وجه زیر 13 محله-دن مرکبدر، که بونلرک بعضلری وقتیله ایریجه برر قصبه بولندقلرندن، الیوم قصبه نامیله یاد اولنورلر: 1 آلت ستاد %یعنی اسکی قصبه\$، 2 آلت کولن %یعنی اسکی قولونیه\$، 3 نای کولن %یعنی یکی قولونیه\$، 4 فریدریخ وردر %یعنی فردریق آطه-سی\$، 5 فریدریخ ستاد %یعنی فردریق قصبه-سی\$، 6 دوروتتن ستاد %یعنی دوروته قصبه-سی\$ یاخود نای ستاد %یعنی یکی قصبه\$، 7 فریدریخ ویلهلم ستاد %یعنی فردریق کویبوم قصبه-سی\$، 8 لوییزن ستاد %یعنی لوییزه قصبه-سی\$، 9 اسپانداپر وورستاد، 10 کونیغ ستاد، 11 استرالایر وورستاد، 12 ویختلاند و نام دیکرله رورنتالر وورستاد، 13 فریدریخ وورستاد %یعنی فردریق کویب\$. اک کوزل و اک بیوک سوقاغی %فریدریخ ستراسه\$ اولوب، 4 کیلومتره طولی واردر. ((اوخلامور سوقاغی)) ایله ویلهلم و لیبسیغ میدانلری، %بتر غاردن باغچه-سی\$، %براندبورغ قپوسی، ایکنجی فردریق ایله شاعر (غوتا) و (شیلر)ک هیکللی دخی شایان تماشادر. اک کوزل ابنیه-سی ایمپراطورک سراییله طوبخانه دائره-سی، اوپرا تیاتروسی، ضربخانه و اوچ درت کلیسا ایله بعض اوتلر و سائره-در. شهرک 10 اعدادیه، 13 رشديه و 200ی متجاوز ابتدائیه مکتبلری، مشهور دار الفنونی، فنونه، صنایع نفیسه-یه و فنون میخانیکیه و معماریه-یه متعلق آیری آیری آقادمیالری، حربیه مکتبی، متعدد جمعیت علمیه-لری، تاریخ طبیعی و رسم نمونه خانه-لری، موزه-سی، رصدخانه-سی، مکمل کتبخانه-سی واردر. صنایعی پک ایلری اولوب، چوخه، پورسلن، دانتله، صیرمه شریت، ایپک قماشلر، قطیفه، یوکن منسوجات، بز، خالی، ساعت، چلیک و تونجدن انواع آلات و ادوات، موم، اجزای کیمیویه، آرابه و سائره اعمالنه مخصوص متعدد فابریقه-لری واردر. تجارتی پک ایشلک اولوب، متعدد دمیر بوللرینک نقطه لجتام و تقاطعی حکمنده-در. برلین شهری یکی بر شهر اولوب، بر روایتده 1142 تاریخ میلادیسندھ ((آیی)) لقبیله ملقب براندبورغ مار غراوی (آلبرت) و دیکر بر روایتده 1200 تاریخنده ایکنجی (آلبرت) طرفندن تأسیس اولنه-رق، 1495ده براندبورغ مار غراولری طرفندن مقرر حکومت اتخاذ اولنمش؛ و 1650 تاریخنده فردریق کویبوم زماننده کسب اهمیت ایده-رک، او وقتدن بری بیومکده دوام ایتمش، و علی الخصوص بو صوک زمانلرده بردن بره کسب توسع ایلمشدر. 1757ده آوستریالیلر، 1760ده روسلر و 1806ده فرانسزلر طرفندن ضبط اولنمشیدی.

1-1287-2

برلینکه

#1

بحر محیط آطلاسیده پورنکیز ساحلنک قارشیسندھ، لیسبونه-نک 80 کیلومتره شمال غربیسندھ و %قارووریرو\$ بر ووننک 9 کیلومتره آچیغنده بر طاقم کوچک آطه-لردر.

2-1287-2

برما

یاخود برمانیا ((بیرمان)) ماده-سنه مراجعت بیوریله.

3-1287-2

برمانیڈس

يونان قديم حكما سندن (پارمند)ه عربلر طرفندن و يريلن اسمدر. ((پارمند)) ماده-سنه مراجعت بيوريله.]

4-1287-2

برمر هافن

1#

يعنى %برمه-نك ليمانى\$. آلمانانك شمالنده % وسر\$ ايرماغى منصبك ساحل يمينده بر قصبه و اسكله اولوب، %برمه\$ شهرينك 40 كيلومتره شمال غربيسنده واقع و 11000 اهالى يى جامعدر. يكي بر قصبه اولوب، 1830ده تاسيس اولنمشدر.

5-1287-2

برمك

اوانل خلافت عباسيه-ده بربرينى متعاقب مسند وزارتى احراز ايدن برمكيلرك اولوب، بونلرك برنجيسى اولان خالد برمكينك پدريدر. كنديسى خراسانلى اولوب، روايته كوره اوانل حالنده مجوسى و بلخده برآتشكده خدمتيله مشغول ايكن، بعده شرف اسلامه مشرف اولمش؛ و اوغلى خالد ابو مسلم خراسانى معيته كيروب، دولت امويه-نك اسفاطنه اك زياده همت ايدنلردن بولنمغله، دولت عباسيه-نك تاسيسنده مسند وزارتتة نصب اولنمشيدى.

6-1287-2

برمكيلر، برامكه

دولت عباسيه-نك ابتدائى تاسيسندن هارون الرشيدك واسط خلافتتة-نك مقام وزارتى مستقلاً و متتابعاً اداره ايتمش بر عائله اولوب، خالد، يحيى، فضل و جعفر اسملريله درت شخصدن عبارتدر. بونلرك برنجيسى اولان خالد بن برمك عن اصل خراسانلى اولوب، ابو مسلم خراسانى معيته بولنمق، و دولت عباسيه-نك تاسيسنه پك چوق خدمتار ايتمش اولمق حسيبله، ابو العباس سفاح طرفندن وزارت و صدارت منصبه نصب اولنمش؛ و خلفاي عباسيه-نك ايكنجيسى اولان ابو جعفر منصورك زماننده بيت الماله مأمور اولمشيدى.

ايكنجيسى اولان يحيى بن خالد بن برمك ابو جعفر منصورك زمان خلافتنده و پدريك حياتنده آذربيجان واليسى اولوب، مهديك زمان خلافتنده مسند وزارتتة و اوغلى هارون الرشيدك معلمكنه نصب اولنمشيدى. رشيد مسند خلافتتة كچديكنده، يحييى وزارتتة ابقا ايدمرك، بيت المال اداره-سنه چكلمكله، مسند وزارتتة اوغلر ينه انتقال ايتمشدر.

اوجنجيسى اولان فضل بن يحيى هارون الرشيدك زمان خلافتنده و پدريك استعفاسى اوزرينه بر ايكي دفعه مسند وزارتتة نصب اولنمش ايسه ده، بعده مسند مذكور كوچك برادري جعفرك عهده-سنده تقرر ايتمكله، كنديسى ديكر بعض مناصب عاليه-ده استخدام اولنمشيدى.

دردنجيسى اولان جعفر بن يحيى هارون الرشيدك زمان خلافتنده خيلى وقت مسند وزارتتة بولنوب، رشيد كنديسنى فوق العاده سوديكندن، و كيجه كوندوز كنديسيله همبزم و همعشرت اولوب، پك چوق انعام و احسانات و امتيازاتتة نائل اولديغندن، برمكيلرك اك مشهورى بو اولمشدر. كنديسنك و پدر و برادرلرينك سوردكلرى ددببه-لى عمر و مالك اولدقلى ثروت و سامان حقنده-كى روايات مصال قبيلندن ظن اولنه-جق صورتتة-در.

شعرا و علما و ارباب هنرله محتاجينه اولان احسانلرى و وجوده كتيردكلرى خيرات و مبرات دخى قلمله تعريف اولنه-ميه-جق درجه-يه وارمشيدى. هارون الرشيدك بر طرفدن جعفر برمكى-يه و ديكر طرفدن كندى همشير-سى عباسه بنت مهدى-يه زياده-سييله ميل و محبتى اولوب، ايكي سنك هيچ برندن آيريله-مديغندن، بونلرك ايكي سنه ده حضورنده جمع ايتمك مقصديله جعفر ايله عباسيه بيننده نكاح عقد ايتديرشيديسه ده، بينلرنده معامله زوجيه و وقوعنى منع ايتمشيدى. حتى نهايت برمكيلرك رشيدك غضبنه اوغرا ملرى بو ممنوعيتك خلافتنه حركت و قوعندن ايلرى كلديكى دخى مروى ايسه ده، اصل سبب برمكيلرك قزاندقلى نفوذ و اقتدارك جالب انديشه اوله-جق درجه-يه بولمى اولديغى روايتى دها قويدير.

هر حالده هارون الرشيد برمكيلرك او درجه-ده نفوذ و اقتدارلرينى چكه-ميوب، 187 تاريخنده جعفرى قتل، و پدرى يحييى و برادري فضل ايله ديكر برادرلرى محمد و موسايى حبس ايتمكله، بونلر دخى محبسده وفات

ایتمشلردر. خال بن برمکک دیکر اوغلی محمد ایله بونک اولادینه طوقنلامشیدی. برمکیلرک شعرا و فقرايه پک چوق انعام و احسانلری سبق ایتمش اولدیغندن، حقلرندہ-کی مدایح دیوانلر طولدیرہ-جق مرتبه-ده اولدیغی کبی، وفاتلری حقلندہ مرثیه سویلمکده دخی شعرا عادتاً مسابقتہ قالدیشدقلرندن، هارون الرشید بونلرک حقلندہ مرثیه سویلمکی و حتی اسملرینک اغزه آلمسنی دخی منع ایتمش؛ و بو سببندن شعرا و سائرہ-دن بعض آدملر دخی اعدام اولنمشیدی.

1-1288-2

برمود

1#

بو اسمله اسپانیانک لیون و آستوریس خطہ-سندہ اوچ قرال کلوب، برنجیسی 788 تاریخ میلادیسندہ ایکنجی آلفونسک حقلنی غصبله، تختہ اجلاس اولنمش ایسه ده، اوچ سنہ صکرہ تختی مومی الیهک ترک ایله، فراغت ایتمشدر. ایکنجیسی 982 تاریخندن 999 تاریخندہ حکومت سوروب، ابتدا منصورک زمانندہ واقع اولان اهل اسلام مهاجماتنه مقاومت ایده-مه-مش ایسه ده، بعده ناوارہ و قشتاله قرالریله بالاتفاق %قلعة النصر ده غلبه چالمشیدی. اوچنجیسی 1027 تاریخندن 1037 تاریخندہ حکومت سوروب، ممالکنک بر قسمنی ضبط ایدن ناوارہ قرالی سانکه ایله اوغراشمش؛ و مومی الیهک وفاتندہ ممالکنی استردادہ قالدیشوب، محاربه-ده قتل اولنمش؛ و بونکله لیون قرالغی منقرض اولمشدر.

2-1288-2

برموده

1#

بحر محیط آطلاسیدہ ممالک مجتمعه ساحلی آچیققلرندہ و آنتیل آطه-لرینک شمال شرقیسندہ بر طاقم کوچک آطه-لر اولوب، $31^{\circ} 35'$ ایله $32^{\circ} 18'$ عرض شمالی و $64^{\circ} 19'$ ایله $64^{\circ} 43'$ طول غربی آره-سندہ واقعدر. تقریباً 150 آطه اولوب، بیوجکلری برموده، سنت جورج، سنت داوید، قویر، سومرست و لونگ ایسلاندر. تقریباً 12000 اهالی ایله مسکون اولوب، بونلرک نصفندن زیادہ-سی زنجیدر. برموده آطه-سندہ-کی %هامیلتون قصبه-سی مرکز لریدر. اکثریسی قیالک و قوملق لیسه ده، بعضلرینک اراضیسی منبت اولوب، آراوت، قهوه، پاموق و شکر محصولاتلری واردر. هوالری پک صیجاق ایسه ده، صاغلاندر. بوره و فرطونه-لری چوقدر. بو آطه-لر 1522 ده (دون جوان برمودز) طرفندن کشف اولنہ-رق، 1609 ده اوراده کمپسی قیریلان انکلیز (جورج سومرس) طرفندن انکلتره-یه قزاندیرلمشدر. سفر بحریدہ اهمیتلری زیادہ-در. انکلیز حکومتی بعض مجرملری ده اورایه نفی ایدر.

3-1288-2

برمه

مصرده فسطاطدن اسکندریه-یه کیدن طریق اوزرندہ بر قصبه اولدیغنی یاقوت حموی ذکر ایدیور.

4-1288-2

برمه

1#

آلمانیاده استقلال اداره حقلنی حائز اوچ شهرک بری اولوب، %وسر ایرماغی اوزرندہ و %هامبورغ \$ک 140 کیلومتره جنوب غربیسندہ واقعدر. 118500 اهالیسی، مصنع بر بیوک کلیساسی، بورسہ-سی، ترسانہ-سی، موزہ-سی، بر قاچ جمعیت علمیه-سی، یوک و پاموق منسوجاتله مشین، شاپقه و سائرہ فابریقه-لری و بیوک

تجارتی واردی. *- برمه شهری جوارلریله برابر بر جمهورییت تشکیل ایدوب، بو جمهورییت دائراً مدار الیوم پروسیه-یه ملحق اولان اسکی هانووره قراللی اراضیسیله محاطدر. مساحه سطحیه-سی 256 مربع کیلومتره و اهالیسی 170000 کثیدر. %برمرهافن\$ اسکله-سی دخی بوکا ملحقدر. بر مجلس اعیان و بر مجلس میوعثانی واردی. سفائن تجاریه-سی چوقدر. واردات و مصارفی 15 ملیون فرانق راده-لرنده-در. *- برمه دوقه-لغی عنوانیله مقدما آلمانیده بر حکومت وار ایدیسه ده، برمه شهریینی شامل اولمیوب، اطرانده-کی خطه-دن عبارت ایدی.

1-1289-2

برنارد، سنت *-.

1#

خرستیانلرک عزیزلرندن اولوب، 923 تاریخ میلادیسنده ساوآده طوغمش، و 1008ده وفات ایتمشدر. آلب جبالندن کندی اسمیله مسمی اولان طاغک اوزرنده بر مناستر تأسیس ایدوب، رهباننی یولی غائب ایدن یولجیلری قبول و قارلرده قالا نلری تخلیص وظیفه-سیله توظیف ایتمشدر. حزیران افرنجینک 15نده یورطیسی اجرا اولنور.

*- (برناردن) تعبیر اولنان رهبان طریقنک موجدی اولان دیگر بر سنت برنارد دها واردی، که 1091 تاریخ میلادیسنده %فونتن له دیژون\$ده طوغوب، 1153ده وفات ایتمشدر. ایکنجی اهل صلیب محاربه-سنی اویاندران بو آدم اولوب، تعصب فوق العاده-سی حسبیله آبلاره و دیگر بعض سربست فکرلی رهبانه قارشی مجادله-ده بولنمش، و مع هذا بتون یهودیلری قتل عام ایتمی تکلیف ایدن راهب راتولک فکرینی جرح ایتمشدر. آغستوسک 20سنده یورطیسی اجرا اولنور.

2-1289-2

برنارد

1#

ایتالیا قرالی اولوب، پینک اوغلی و شارلمانک تورونی ایدی. 812 تاریخ میلادیسنده پدری یرینه (آکیان) تختنه اجلاس اولنمشیدی. جدی شارلمانک وفاتندن صکره، عمیجه-سی %لویی دبونر\$ کندیسی عزله، یرینه کندی اوغلی نصب ایتمک ایستدیکندن، بونکله محاربه-یه کیریشوب، 818ده اسیز دوشمش، و کوزلری چیقارلمغله، متأراً وفات ایتمشدر.

*- بو اسمله بر قاچ دوقه و سائرده دخی اولوب، اک مشهورلری پروتستانلغک نشرینه یاردیم ایتمش و جسارتیله شهرت قزانمش اولان (صاقسه وایمار) دوقه-سیدر، که 1604ده طوغوب، 1639ده وفات ایتمشدر.

*- (ژوزف برنارد) اسمنده فرانسز بر شاعر واردی، که 1710ده غرنوبله-ده طوغوب، 1775ده وفات ایتمش، بر طاقم منظومه-لرله بعض اشعار سائره بر اقمشدر.

*- (شارل برنارد) اسمنده بر فرانسز محرری دها واردی، که 1804ده بزانسونده طوغوب، 1850ده وفات ایتمش، و بر چوق حکایه کتابلری یازمشدر.

3-1289-2

برنارد، قلود *-.

1#

فرانسه-نک اک مشهور منافع الاعضا علماسندن اولوب، 1813ده رون ایالتنده %سنت ژولیان\$ قصبه-سنده طوغمش؛ و 1878ده وفات ایتمشدر. بر چوق مکاتب عالییه-ده معلم و فنون آقادیاسنده اعضا اولوب، علم مذکوره دائر بر چوق آثار نافع و فنی غرتیه-لرده بر طاقم مقالات مهمه نشر ایتمشدر.

4-1289-2

برناردس

1#

پورتکیزك الك مشهور شاعرلرندن اولوب، 1540 تاريخلرنده تولد، و 1596ده وفات ايتمشدر. قرال سباستيانك معيتمده آفريقايه كيدوب، القصر محاربه-سنده اسپر دوشمشيدى.

5-1289-2

برناردن، سنت -*.

1#

خرستيانلرك عزيزلرندن اولوب، 1380 تاريخنده %سيانه\$-ده طوغمش، و 1444ده وفات ايتمشدر. كنديسنه تكليف اولنان بر قاچ پسيوسلغى رد ايدوب، خسته-لرك و فقرانك خدمتنه حصر وجود ايتمشيدى. مايسك 20سنده يورطيسي اجرا اولنور. بعض اثرلرى واردر.

6-1289-2

برناردن

1#

آلب سلسله-سى طاغلرندن اولوب، اسويچره-نك %غريزون\$ ناحيه-سنده واقعدر. حذای بحردن 2191 متره ارتفاعى اولان بر بوغازى واردر، كه تورينودن اسويچره و آلمانيايه كيدن جاده اورادن كچر.

7-1289-2

برناردن دوست نپير

1#

فرانسه-نك الك مشهور محررلرندن اولوب، 1737 تاريخنده %هاوره\$ده طوغمش، و 1814ده وفات ايتمشدر. كنجلكنده بر قاچ قالبه كيروب، عسكر دخى اولمش؛ و ضابط ايكن عدم اطاعت تهمتيله طرد اولنه-رق، بر مدت پارسده رياضيه درسلى و پيرمكله و كمال ضرورتله ياشادقن صكره، فلمنكه و اورادن روسيه-يه كيدوب، اوراده مهندسلك خدمتنده قوللانلمش؛ بعده روسيه-يه قارشى اختلال ايتمش اولان لهليلره يارديم ايتمه كيدوب، له پرنسلرندن برينى كندينه مفتون ايتدكن صكره، پارسه عودت ايدوب، مهندسلكله بحر محيط هنديده-كى فرانسه آطه-سنة كوندلرلمش؛ و اوراده اوچ سنه اقامندن صكره، فرانسه-يه عودتله، بقيه عمرينى ادبياته حصر ايدو-رك، او صره-ده حكيم مشهور (ژان ژاق روسو) ايله دخى كسب الفت و صحبت ايتمشيدى. طبيعت منظره-لر ينى مصور و تهذيب اخلاقى موجب بعض كوزل آثارى و بر طاقم سياحتنامه-لر و حكايه كتابلى واردر. الك مشهور اثرى ((پول ايله ويرجينيا)) عنوانلى اثر كزينيد. ((كلبه هندی))، ((برمنزونيك آرزوسى))، ((آهنك طبيعت)) كى عنوانرله ده بر طاقم اثرلرى واردر.

1-1290-2

برناى

1#

فرانسه-نك %اوره\$ اياالتنده %اورو\$ شهرينك 48 كيلومتره شمال غربيينده قضا مركزى بر قصبه اولوب، 7643 اهاليلى، بعض فابريقه-لرى و حيوانات بازارى واردر.

2-1290-2

برنبورغ

1#

آلمانيانك (آنهالت) دوقه-لغنده قضا مركزى بر قصبه اولوب، (دساؤ) شهرينك 32 كيلومتره غربنده واقع و 15700 اهالى يى جامعدر. يوكسك بر قيانك اوزرنده قلعه-سى، جام و پورسلن فابريقه-لرى، و دمير يولى واردر.

3-1290-2

برنتا

1#

ايتاليانك شمالنده بر نهردر، كه %ترنته-نك 13 كيلومتره جنوب شرقيسنده نبعانله، %جيسمون\$ و %باسانو\$ قصبه-لرى ايچندن كچه-رك، 176 كيلومتره-لك جريانندن صكره، و نديك كور فزينه دو كيلور. %برنتا مورتا\$ و %برنتلا\$ اسمزيله ايكي جدولى واردر.

4-1290-2

برنتفورد

1#

انكلتره-نك %ميدلسكس\$ ايلتنده و لوندره-نك 12 كيلومتره جنوب غربيسنده و %برنت\$ چاينك %تاميسه-يه دوكلديكى محله واقع بر قصبه اولوب، 11000 اهالي يى و بر اسكى سرايى واردر.

5-1290-2

برنجر

1#

بو اسمله ايكي ايتاليا قرالى اولوب، برنجيسى (فريول) دوقه-سى (ابر هارد)ك اوغلى و والده-سى طرفندن (لويى دبونر)ك توروويدور. 888 تاريخ ميلاديسنده ايتاليا قراللى تختنه جلوس ايدوب، رقبيلرينه غلبه چالدين صكره، 906ده ايمپراطورلغنى اعلان ايتمش، و 36 سنه حكومت سورمش ايسه ده، بعده كندى وكلاسنگ دعوتيله بورغونيه قرالى ايكنجى رودولف چيقوب، 923ده كنديسنى مغلوب و اسير ايدهرك، %ورونه-ده حبس و بر سنه صكره قتل ايتديرمشدر.

-* - ايكنجيسى ايوره ماركيسى (آدالبرت)ك اوغلى و والده-سى طرفندن آنف الترجمه-نك توروئى اولوب، ايتاليا قرالى (هوغ)ك ظلمندن المانيايه قاچمغه مجبور اولمغله، بيوك اوتونك حمايه-سنى استرحام ايدوب، معاونتيله ايتاليانك بر قسمنى ضبط، و 950 تاريخ ميلاديسنده كندينى ايتاليا قرالى اعلان ايتمشيدى. اوتون بونك ملكنى آلمانيانك بر ايالت ممتازه-سى حكمنه قومق ايستديكندن، صاحب ترجمه عصيان ايتمش ايسه ده، باشه چيقه-ميوب، عرض اطاعت ايتمش؛ و بعده بر ايكنجى دفعه عصيان ايتملكه، 961ده طوتيلوب، باميرغ محبسنه كوندرلمش؛ و بش صكره اوراده وفات ايتمشدر.

6-1290-2

برنجره

1#

اسپانياده ليون و قشتاله قرالجه-سى اولوب، درنجى (رايموند)ك قيزى و قشتاله قرالى سكرنجى آفونسك زوجه-سى ايدى. 1139 تاريخ ميلاديسنده طليطله-ده عربلر طرفندن محاصره اولنوب، مقاومت ايدمه-جكنى آكلامغله، بالذات قلعه-نك بدنلرينه چيقه-رق، اهل اسلام عسكرينه بر قادينله اوغراشمق شجاعت اثرى اولمديغنى، و زوجنك بولنديغى %اوريا\$ قلعه-سنة كيتملرى لازم كلديكى اخطار ايدنجه، شجعان عرب متخلق بولندقلرى مروت و اطوار مردانكى اقتضاسنجه همان محاصره-يى تركله، اوريا قلعه-سنة هجوم ايتمك اوزره،

صاحبه ترجمه-نك حسن و اخلاقه مديحه خوان اوله-رق اوكدن بر كچيد رسمى اجراسيله چكلمش اولدقلى مشهوردر. صاحبه ترجمه 1149 تاريخنده وفات ايتمشدر.

*- ديكر بر برنجره دخى قشتاله حكمدارى درنجى آفونسك قيزى اولوب، ليون حكمدارى طقوزنجى آفونسه وارمش اولديغى حالده، قرابت وسيله-سيله بونك طرفندن 1209ده تطلق اولمشيدى. برادري برنجى هنرينك صباوتنده قشتاله نائبه حكومتلكنه انتخاب اولنديغى حالده، فراغت ايدوب، بو شرفى (لارا) قونتنه ترك ايتمش ايكن، بونك طرفندن نفى اولمشيدى. برادرينك وفاتندن صكره وطننه عودتله، 1217 تاريخنده بونك يرينه تخته اجلاس اولنمش ايسه ده، سلطنتى بيوك اوغلى فردينانده ترك، و 1244ده وفات ايتمشدر.

1-1291-2

برنج

1#

پروتستانلغك موجدى اولان (لوتر)ك رفاستندن اولوب، 1499 تاريخ ميلاديسنده %سوابه-\$-نك %وايل\$ قصبه-سند طوغمش، و 1490ده وفات ايتمشدر. حضرت عيسانك جسمنك هر يرده حاضر اولديغنه اينان (اوبيكيست)لرك رئيسيدر. عقانده دائر بر قاچ جلد كتاب يازمشدر.

2-1291-2

برندق، مولانا برهان الدين

مشاهير شعراى فرسندن اولوب، سمرقندده طوغمش، و بخاراده نشو و نما بولمشدر. اك زياده هزل و لطيفه-يه مائل ايدى. سلطان بايقرا بن عمر شيخ بن تيمورك منظور و لطف ديده-سى اولوب، مشار اليه بلخده تخت سلطنتنه جلوس اينديكنده، شاعره بش يوز آلتون كوندرمىش ايسه ده، يدينه ايكيوز واصل اولديغندن، شو قطع-يى يازوب، مشار اليه كوندرمىشيدى:

@@@

شاه دشمن كداز و دوست تواز
آن جهان كيركو جهان دارست
بيش يوز آلتون مرانمود احسان
لطف سلطان به بنده بسيارست
سيصد از جمله غاييست كنون
در براتم دو صد بد يدارست
يا مكر من غلط شنيد ستم
ياكه پروانه-جى غلط كارست
يا مكر در عبارت تركى
بيش يوز آلتون دويست دينارست
\$

بو مضمون سلطان بايقرانك خوشنه كيتمكله، تركجه-ده ((بيش يوز آلتون)) بيك دينار ديمكدر ديه-رك، دها سكر يوز آلتون كوندرمىش. شاعرك تاريخ وفاتى معلوم دكلسه ده، 829ده وفات ايند خواجه عصمة الله بخارى ايله معاصر ايدى.

3-1291-2

برنستورف، قونتى

1#

دانيمارقه-نك اك بيوك رجالندن اولوب، 1712ده مانور-ده طوغمش؛ و كوچكلكدن دانيمارقه-يه كيدوب، بر قاچ سفارنده بولندقدن صكره، بشنجى فردريق طرفندن امور خارجيه نظارتنه تعيين اولنه-رق، دانيمارقه-ده تجارنك و قوه بحريه-نك ترقيسنه و سائر بر جوق ترقياتنه خدمت ايتمش؛ و 1772ده وفات ايلمشدر.

4-1291-2

برنولى

1#

عن اصل % آنور\$لى اولوب، اسويچرە-نك %باله\$ شهرنده كسب تميز ايتمش بر عائله اولوب، اون يىنجى و اون سكزنجى قرن ميلادىده بو عائله-يه منسوب بر چوق علما كلمشدر، كه اك مشهورلرى (ژان) ايله برادرى (ژاق) و اوغلى (دانىال)در. علوم رياضيه-ده پك چوق كشفيات و خدماته موفق اولوب، بعض معتبر اثرلر بر اقمشدر.

5-1291-2

برنه

1#

و آلمانجه برن 2# اسويچرە جماهير متفقه-سنگ و همنامى اولان ناحيه-نك مركزى اولوب، آروپاي وسطينك اك بيوك و كوزل شهرلرنددر. %جنو\$ك 159 كيلومتره جنوب شرقيسنده و %باله-\$نك 120 كيلومتره جنوب غربيسنده اوله-رق، %ار\$ نهري اوزرنده اوله-رق، "8' 57° 46 عرض شمالى ايله "53' 5' 5° طول شرقيه و 550 متره ارتفاعى اولان بر محلده واقعدر. 50000 اهالييسى، دار الفونى، كوزل بلديه دائره-سى، مصنع بر كليساسى، ضربخانه-سى، (نيديق) اسميله كوزل بر كوپريسى، منظره-سى غايت كوزل و مفرح مسيره-سى و دمير يولى، بيوك بر **كتبخانه-سى 1@**، رصدخانه-سى، موزه-سى، كوش و آلتوندىن مواد متنوعه، ايپك قماش و حصير شابقه فابريقه-لرى واردر.

6-1291-2

برنه ناحيه-سى

1#

اسويچرە هيئت متفقه-سنى تركيب ايدين نواحى يعنى جماهيرك اك بيوكى اولوب، آلب سلسله جبالندن اسويچرە-نك شمال غربى حدودينه-دك يعنى 20' 46° ايله 30' 47° عرض شمالى و 33' 4° ايله 7' 6° طول شرقى آره-سنده ممتد اولور. شمالاً آلساسله، شمال غربى جهتندن فرانسه ايله، غرباً نوشاتل، فريبورغ و %وود\$ ناحيه-لريله، جنوباً %واله\$ ناحيه-سيله، شرقاً دخى اورى، اونتروالدن، لوجرنه و آرغويا ناحيه-لريله محدود و محاطدر. مساحه سطحيه-سى 6888 مربع كيلومتره و اهالييسى 532164 كشيدير، كه ايچلرندن يالكز 60000 قدرى قنوليك و قصورى پروتستاندر. قسم جنوبيسنده آلب و قسم شماليسنده جوره سلسله-لرى بولنوب، اراضيسنك قسم اعظمى بو ايكي سلسله-نك و على الخصوص آلبك اتكلرندن عبارت و طاغلق ايسه ده، ناحيه-نك وسطلرنده كوزل وادى و بايرلر و دوز يرلر دخى واردر. باشليجه نهري %رين\$ ايرماغنه تابع اولان %ار\$ نهري اولوب، ناحيه-نك جنوب شرقيسنده نبعانله، ايكي كوك ايچندن كچدكن صكره، ناحيه-نك قسم اعظمى شق و صاغ و صولندن بر طاقم چاپلر اخذ ايدر. جوره جهتنده ايسه ينه %رين\$ه تابع %بيرس\$ چايى آقيور، و %رون\$ ايرماغنه تابع اولان %دوب\$ نهري دخى داخل حدودده برآز يرده جريان ايدبور. جهت جنوبيه-سنده %برينز\$ و %تونه\$ اسملريله ايكي بيوك كولى واردر، كه %ار\$ نهري ايچلرندن كچبور. جهت شماليه-سنده دخى %بياته\$ اسميله بيوجك بر كول بولنديغى كبي، نوشاتل كولى دخى ناحيه-نك حدود غربيه-سنده واقعدر. دوز يرلرينك اراضيسى منبت و محصولدار اولوب، حبوبات و ميوه-لرلر انواعى حاصل اولور. چاپلرلى و اورماتلرلى دخى چوقدر. معادنى دمير، كمور و مرمردن عبارت اولوب، %ار\$ نهرينك سورو كلديكى قوملرده آلتون ريزه-لرلى دخى بوالنور. متعدد معدن صولرلى دخى واردر. حيوانات اهليه-سى و على الخصوص صيغير و قويونلرلى دخى چوقدر. كوللرنده و نهيرلرنده پك چوق باليق واردر. صنايع اسويچرە-نك سائر طرفلرينه نسبةً كرى اولوب، مع هذا بز، دانته، چوخه، ساعت، صمان و آغاجدن معمول انواع اشيا و سائر فابريقه-لرلى بولنديغى كبي، بر قاچ نوع مشهور پينير دخى چيقار. شوسه-لرلى و سائر طرقى مكممل اولوب، بش دمير يول خطنى واردر. هواسى صوتوق ايسه ده، صاغلامدر. اهالييسنك بش سدسى آلمان و بر سدسى فرانسز لسانييله متكلمدرلر. بو ناحيه-نك اعضاسى 4 سنه مدتله انتخاب اولنور بر مجلس مبعوثانى اولوب، اهاليينك بهر 200 نفرينه بر مبعوث دوشمك شرطيله، 20 ياشنى متجاوز اركلرك جمله-سى

انتخاب صلاحیتتی حائزدرلر. مجلس مبعوثان هر سنه اجتماع ایدوب، بر رئیس ايله طقوز اعضادن مرکب بر هیئت دائمه انتخاب ایدرلر، که بونلر مملکتی اداره ایدرلر. ناحیه یعنی جمهوریت 30 قضایه منقسم اولوب، بهر قضا بر مدیرله 5 اعضای منتخبه طرفندن اداره اولنور.

1-1292-2

برنه لالود

1#

بلچیکه-نک بر ابانت جنوبی ایالتنده و %نیول\$دن 10 کیلومتره-لک مسافه-ده بر قصبه اولوب، 6000 اهالیسی، فأنله و سائره فابریقه-لری و دباغانه-لری واردر.

2-1292-2

برنی

1#

فرانسه شعراسندن بر قاردینال اولوب، 1794ده روماده وفات ایتمشدر. بعض منظومه-لری و سائر اشعار و آثار ی واردر. وولترله محابراتی مشهوردر.

3-1292-2

برنیق

عرب جغرافیون طرفندن %بنغازی\$ شهرینه ویریلن اسم اولوب، برنیکه 1# اسم یونانیسندن معربدر. [(بنغازی)] و [(برنیکه)] ماده-لرینه مراجعت بیوریله.]

4-1292-2

برنیکه، یاخود برنیقه

1#

مصر بطالسه-سندن (بطلمیوس فیلادلف)ک قیزی اولوب، برادری (بطلمیوس اورجت)ه وارمش؛ و قبل المیلاد 247 تاریخندن 222 تاریخنه-دک بونکله برابر تخت نشین اولوب، زوجنک وفاتندن صکره کندی اوغلی (بطلمیوس فیلوپاتور) طرفندن قتل اولنمشدر. بو قادین صاچنی کسوب، زهره-نک معبدینه وقف ایتمش اولدیغی حالده، صاچ هر نصلسه معبددن غائب اولدیغنده، منجم (قونون) بو صاچک یلدیزه تحول ایتمدیکنی مقام مداهنه-ده بیانله، بو برج (برنیکه-نک صاچی) اسمنی ویرمشدر. شاعر (قالیماق) دخی بو صاچک یلدیزه تحولی مصور بر منظومه یازمشیدی. *- ینه بطلمیوس فیلادلفک بو اسمله دیکر بر قیزی دخی وار ایدی، که سوریه حکمداری (أنطیوخس تنوس)ه واروب، قبل المیلاد 216 تاریخنده اورتاغی (لاؤدیکه) طرفندن زوجیله برابر قتل اولنمشدر.

5-1292-2

برنیکه، یاخود برنیقه ویا برنیق

1#

أنف الترجمه برنیکه-نک اسمنه نسبتله مصر و جوارلرنده بو اسمله بر قاچ قصبه بولنوب، بونلرک بری الیوم بنغازی دینلن شهر ایدی. *- ایکنجیسی بحر احمر ساحلنده اولان برنیکه و نام دیکرله بطولماییده شهری ایدی، که هند تجارتنک بر مخزنی حکمنده اولوب، بعده خراب اولمشدر. *- اوچنجیسی ینه بحر احمر ساحلنده و حبش جهتنده اولوب، آلتون معدنیله مشهور و بو مناسبتله (پانخریسوس) اسمیله دخی مسمی ایدی. الیوم بر

كوى حالنده اولوب (ولاكى) اسميله معروفدر. -* - درنجيسى باب المنذب بوغازينك ساحل غريبيسنده اولوب، (آرسيوئه) اسميله دخى معروف ايدى . خرابه-لرى موجوددر.

1-1293-2

برنيكيا

1#

انكلتره-نك تقسيمات قديمه-سنده مملكت مذكور-نك جهت شماليه-سنده بر خطه اولوب، بعده %نورتومبرلانده\$ تسميه اولنمش؛ و ((حكومات سبعة)) ناميله تشكلى ايتمش اولان حكومات متفقه-نك برى اولمشيدى.

2-1293-2

برنينه

1#

اسويچره-نك %غريزون\$ ناحيه-سنده و %آلپ رتيق\$ سلسله-سنده بر طاغ اولوب، 4052 متره ارتفاعى، ايشلك بر بوغازى و شاپان تماشا بر بوز دره-سى واردر.

3-1293-2

برنينى

1#

ايتاليانك اك مشهور هنرورانندن اولوب، رسمده، هيكلتراشلقده و فن معماريده ابراز مهارت و كسب صيت و شهرت ايتمشدر. بر چوق آثارى موجوددر.

4-1293-2

برنيه

1#

مشاهير سياحيندن فيلسوف بر آدمدر، كه 1625 تاريخ ميلاديسنده %آنژر\$ده طوغوب، بعده پارسده تحصيل طب و فلسفه ايتمش؛ و سوريه و مصرده بر مدت سياحت ايتدكدن صكره، هندستانه رحلتله، اورنك زييك طبيبى اولمشيدى. 12 سنه هندستانده اقامتدن صكره آروپايه عودتنده بر طاقم سياحتنامه-لر و بعض آثار فلسفيه نشر ايتمشيدى. 1688ده پارسده وفات ايتمشدر.

5-1293-2

بروات

1#

فرانسز اميراللرندن اولوب، قريم محاربه-سنده فرانسه دونماسنك باش قوماندانى ايدى. اولجه بحر محيط كيبيرده و آنتيل آطه-لرنده-كى فرانسز مستملكاتنك واليسى بولنمش و دولتته بر چوق خدمتار ايتمشيدى. 1855ده وفات ايتمشدر.

6-1293-2

بروتوس

1#

روما رجالدن مشهور بر ذاتر، كه (يونوس)ك اوغلى و والده-سى طرفندن قديم (تاركين)ك تورونى اولوب، كوچك ايكن پدريله برادرينك حكمدار (تاركين سوپرب) طرفندن قتل اولندقلرينى كورمكله، كندى حياتتى قورتارمق ايچون، خيلى وقت يالاندىن كندينى ابدال كيبى كوستر مش؛ و (لوقرسه) نام قادينه (سكستوس تاركين) طرفندن وقوع بولان تجاوز اوزرينه، ميدانه چيقوب، اهالى يى جمعه، قبل الميلاذ 509 تاريخنده حكمدار لرى طرد ايده-رك، جمهوريتى اعلان ايتمش؛ و كنديسى مرقومه (لوقرسه)-نك زوجى (قولاتين)له مشتركا قونسولوس تعيين اولنمشيدى. حكمدار لرك املاكنى اهالى يه تقسيمله، قوانين و نظاماتى تقويه ايتمش؛ و حكمدار سابقله خيلى وقت محاربه ايدوب، حكمداره طرفدارلق ايدن كندى اوغللرينى دخى اعدام ايتدير مشدر. تاركينك اوغلى (آرنوس)له ايتديكى مبارزه-ده، قبل الميلاذ 508 تاريخنده مقتول اولمشدر.

-* ديكر بر بروتوس %روما\$ سردارلرندن مشهور ماريوسك طرفدارى اولوب، قبل الميلاذ 86 تاريخنده طوغمش؛ و داخلى محاربه-ده (پومپيوس)ك طرفنى التزام ايده-رك، فرساله-ده محاربه ايتمشدر. قيصر ك پك منظورى و روايته كوره ولد نامشروعى اولديغندن، غالبيتندن صكره، قيصر طرفندن رومايه جلب اولنه-رق، پك چوق تلطيف اولنمش ايسه ده، متعاقباً قيصر ك عليهنده ظهور ايدن اختلاله داخل اولمش؛ و حتى قيصر اولوركن، بونى ده خصماسى آره-سنده كورنجه: ((سن ده مى بروتوس!!)) ديه باغرمش اولديغى مشهوردر.

بعده آنطونيوس كنديسنك عليهنده بولنمغله، (قاسيوس) ايله برلشمش، و ماكدونيا اووه-سنده آنطونيوس ايله اوقتاويايه قارشى ايتديكى محاربه-ده مغلوب اولمغله، ياسندن قبل الميلاذ 42 تاريخنده اتلاف نفس ايتمشدر. عالم و اديب بر ذات اولوب، بعض كتابلر يازمش ايسه ده، بر ايكي مكتوبندن بشقه بر شى بولنه-مامشدر.

-* بو اسمله و آنف الترجمه-نك اقرباسندن ديكر برى دخى واردر، كه قيصره قارشى اختلال ايدنلردن اولوب، بونك وفاتندن صكره %مودنه\$ قلعه-سنده قپانه-رق، آنطونيوسى ايتاليان طرفده موفق اولمش ايسه ده، متعاقباً هيئت مثلته طرفندن مغلوب اولوب، غالبايه فرار ايتمكه ايكن، قتل اولنمشدر.

7-1293-2

بروج، ياخود بروص

1#

هندستانك ساحل غربيسنده و بمبايك 335 كيلومتره شمالنده اوله-رق نريده نهري اوزرنده واقع بر شهر و اسكله اولوب، 30000 اهاليسى و خيلى تجارتي واردر. نهر شهر ك اوكنده 3 كيلومتره وسعتنده ايسه ده، عمقى پك آزدر. اسكى بر شهر اولوب، مقدا هندك سواحل غربيه-سنگ اك تجار نگاه اسكله-سى بولنمش اولديغى جغرافيون عرب آثارنده كوريلن تفصيلاتدن آكلاشيلير. 803 تاريخ ميلاديسنده انكليزلرك اليه كچمشدر. -* اياتلى 4143 مربع كيلومتره وسعتنده اولوب، 298889 اهاليسى واردر. اراضيسى منبت و محصولدار اولوب، كلينتى پاموق حاصل اولور.

1-1294-2

بروجرد

همدان ايله كرچ آره-سنده ميوه-سى چوق بر قصبه اولوب، همداندىن 18 و كرچدن 10 فرسخلق مسافه-ده واقعدر. بعض مشاهير علمانك مسقط راسى بولنمشدر.

2-1294-2

بروخسال

1#

بادن بيوك دوقه-لغنگ قارلسروهه اياتتنده و قالسروهه-نك 19 كيلومتره شمال شرقيسنده قضا مركزى بر قصبه اولوب، 10000 اهاليسى، اسكى پسفوسلره مخصوص بر سرايى، اعمى چوجقلره مخصوص مكتبى، دار الشفاسى و كلينتى قياطوزى معدنى واردر.

3-1294-2

برود

1#

اوستريانك اسقلاوونيا خطه-سنده و صاوه-نك ساحل يسارنده مستحکم بر قصبه-در. *- بونك قارشيسنده يعنى صاوه-نك ساحل يميننده و بوسنه-نك پنالوقه سنجانده دخى بو اسمله بر قصبه اولوب، اوسترياده-كى برودله بر قصبه-نك ايكي محله-سى حكمنده-در. اداره عثمانيه زمانده %دروند قضايسنه ملحق بر ناحيه-نك مركزى ايدى. *- ينه اوسترياده برى موراوياده و ديكرى چهستانده اولمق اوزره، بو اسمله ده ايكى قصبه اولوب، برنجيسنك 3400 و ايكنجيسنك 4000 اهاليسى واردر.

4-1294-2

برودى

1#

اوستريانك غالچيا خطه-سنده و لمبرغك 58 كيلومتره شمال شرفيسنده بر شهر اولوب، اكثرى يهودى اولمق اوزره، 25000 اهاليسى و باشليجه بال، موم، ايج ياغى و مشيندن عبارت ايشلك تجارتي واردر. خانه-لرى اخشابدر.

5-1294-2

بروزه

1#

بلچيقه-ده غربى %فلامانده-نك مركزى بر شهر اولوب، بروكسلك 121 كيلومتره شمال غربيسنده و %غانده ايله %اوستانده آره-سنده-كى جدول اوزرنده واقعدر. 46401 اهاليسى، دار الفنونى، متعدد جمعيات علميه-سى، كتبخانه-سى، موزه-سى، متعدد سرايلرى، كوزل بر مأكولات چارشيسى، مشهور داننله، بز، كچه، فانله، چوخه، صابون، بيره و سائره فابريقه-لرى واردر. اسكى فلاندره قونتلرينك مقرى بولنمشدر.

6-1294-2

بروس

1#

بابلى بر حكيم اولوب، بيوك اسكندرک زماننده بر حيات بولنمش؛ و بابليستانك بر مفصل تاريخى يازديغى كى، علم هينته دائر دخى بعض آثار يازوب، يكي بر نوع بسيطه دخى كشف ايتمشيدى. يونانه بر سياحت ايدوب، آتته-ليلىر عقل و حكمتنه حيران اولمغله، كنديسنك بر هيكلنى ركز ايتمشلردى. بابله (بعل) معبدنده راهب ايدى.

7-1294-2

بروس

1#

بو اسمله اسقوچياده اوچ حكمدار كلوب، برنجيسى مملكت مذكوره زادكانندن و خاندان قرالى اقرباسندن اولوب، 1286 تاريخ ميلاديسنده، اوچنجى آلكساندرک وفاتى اوزرينه، ادعاى حكومت ايدوب، انكلتره قرالى برنجى ادوارله برلشمش ايسه ده، انكليزلىر كنديسنى الداتوب، اسقوچيائى ضبط ايتدكلرندن، خيلى وقت استخلاصچون چالشمشدر.

ايكنجيسى برنجينك اوغلى اولوب، ابتدا (قاريق) قونتى ايكن، بعده برنجى روبرت اسميله اسقوچيا قرالى اولمشدر. بر مدت انكلتره قرالنك ياننده ياشادقن صكره، اسقوچيايه فرارله، 1306ده قراللىغنى اعلان ايتمش، و

انگلیزله ایتدیکی بر چوق محاربه-لر اوزرینه، قرالغنی تصدیق ایتدیرمشدر. *- برادری (آدور آردبروس) 1315ده ایرلانده قرالی اولوب، بر انگلیزله ایتدیکی مبارزه-ده مقتول اولمشدر. اوچنجیسی اولان (داوید بروس) ایکنجینگ اوغلی اولوب، 1329ده ایکنجی داوید اسمیله اسقوجیا قرالی اولمش؛ و فرانسه-نگ یاردیمیله بر خیلی وقت انگلیزله محاربه ایدوب، 1346ده مغلوب اولمغله، لوندیره قله-سندده حبس اولنمش؛ و اون سنه صکره انکلتره قرالی اوچنجی ادوآردک همشیره-سی اولان زوجه-سی (ژانه)-نگ شفاعتیله تخلیص اولنمشدر. 1371ده وفات ایدوب، تختی یکنی (روبرت استوآرت)ه ترک ایتمشدر.

8-1294-2

بروس، ژاق *-

1#

اسقوجیالی مشهور بر سیاج اولوب، 1730ده طوغمش، و 1794ده وفات ایتمشدر. آفریقای شمالیده خیلی وقت سیاحت ایتدکن صکره، حبشه دخول ایله، مدت مدیده نیلک منابعنی تحری اید-مرک، انکلتره-میه عودتنده، حبشه و سائر اقطار آفریقیه-یه دائر معلومات صحیحه و مفصله-یی حاوی بر سیاحتنامه یازمشدر، که کسب شهرت ایدوب، اکثر لسانلره ترجمه اولنمشدر.

9-1294-2

بروسه

آناتولینگ اک بیوک و اک کوزل شهرلرندن اولوب، خداوندکار ولایتک مرکزیدر. دولت علیه عثمانیه-نگ برنجی پایتختی اولان بو شهر شهیر استانبولک 80 و مرمره دکیزنده-کی کملیک کورفری ساحلنک 20 کیلومتره جنوبنده اوله-مرق، "2' 72° 40° عرض شمالی و "27' 58' 28° طول شرقیده، کشیش طاغنگ شمال غربی اتکنده و کوزل بر اووه-نگ جنوب شرقی کنارنده واقعدر. اهالیسی 70000 راده-لرنده اولوب، قسم کلیسی مسلم و باقیسی ارمنی، روم و یهودیدر. شهر اووه-نگ کنارنده باشلایه-مرق تدریجاً طاغ اتکنده کسب ارتفاع ایتدیکندن، منظره-سی غایت لطیف اولدیغی کی، آلتنده زمره آسا ممتد اولان اووه ایله اوستنده-کی طاغک ینه زمره آسا اوله-مرق بلوطلره قدر چیقسمی و دائمی صورتده قارله مستور اولان ذروه-سنگ بلوطلرک اوستندن لمعه پاش اولمسی اوزاقدن شهرک منظره-سنی بر قات دها لطیف و دلربا کوستریر. آقار صولری پک چوق اولدیغی کی، جوارلرنده-کی صولرینک بعضلری پک لطیف و خوشکواردر. شهرک اک کوزل و معمور محله-سی سد باشی دینلن محله اولوب، اورادن آقان دره-نگ اوستنده ایکی کوزل کارکیر کوپری، و محله-نگ اوست طرفنده بر عمومی باغچه بولندیغی کی، شهرک منتهای شرق جنوبیسنده %یلدیز\$ اسمیله بر قصر همایون دخی واردر. شهرک اوستنده اوائل دور عثمانیده یاپلمش بعض قلعه-لر و حصارلر بولنیور. جوامع شریفه-سیله سلاطین عظام عثمانیه تربه-لری و علی الخصوص یلدریم سلطان بایزید خانک بناکرده-سی اولان (اولو جامع)، سلطان اورخان غازینک وسط شهرده نام عالیلریله مسمی جامعی، شهرک منتهای شرقنده اولان سلطان بایزید جامعی، چلبی سلطان محمد خان حضرتلرینک بناکرده-سی اولان (یشیل جامع)، سلطان مراد خان ثانینگ شهرک غربنده-کی مرادیه محله-سندده واقع جامعی، حضرت خداوندکارک چکرکه-ده کلیسادن محول جامع شریفی، امیر سلطان ایله حمزه بک و منلافناری جامع شریفلری و شهرک اوستنده واقع مرتفع بر سد اوزرنده کوزل و مفرح بر باغچه ایچنده بولنان سلطان عثمان غازی و سلطان اورخان حضرتلرینک تربه-لریله چلبی سلطان محمدک یشیل جامع قارشیسندده و حضرت خداوندکارک چکرکه-ده-کی تربه-لری شایان تماشا اولدیغی کی، یلدریم سلطان بایزیدک کندی جامعی یاننده تربه-سی موجود اولوب، سلطان مراد ثانی حضرتلرینک مرادیه-ده-کی تربه-سی دخی وصیتی اوزره هر نوع تزییناتدن عاری و اوستی آچقدر. امیر سلطان حضرتلرینک تربه-سی دخی پک مزیندر. بروسه-ده دها بر چوق زیارتگاه مرقدلر و مشاهیر رجال مزارلری بولنیور. درون شهرده 26 مدرسه، 5 کتبخانه، 27 تکیه، بر خسته-خانه، بر اصلاحخانه (یعنی صنایع مکتبی) بر رشدیة ملکیه، بر اعدادیه و برده رشدیة عسکریه و متعدد ابتدائیه مکتبلری موجوددر. بیوک چارشیشی و بدستانی دخی واردر. بروسه ممالک عثمانیه-نگ اک صنعتگاه شهری اولوب، صنایع محلیه-نگ باشلیجه-لری ایپک قوزه-سی چیقارمق و ایپکدن انواع قماشلرو کفیه و شاللرله تیره-سی اوروپادن کلمک اوزره ال و حمام خاولیلری و فوطه-لر نسج و اعمال ایتمک صنعتلریدر. داخل و جوار شهرده پک چوق طود آغاجلری بولنوب، شهرده ایپک قوزه-سی چیقارمق اوزره بخارله ایشلر 29 فابریقه، قماش اعمالنه مخصوص 30 ماکینه و 200 دستگاه، خولی نسجنه مخصوص 750 و آلاجه و کوملکک اعمالیچون دخی 300 دستگاه واردر. اهالی دیکر بعض صنعتلرله دخی

مشغول ایسه-لر ده، اصل شهرک ثروتی انتاج ایده-بیله-چک ایپک قماشلرله حاولیلری اولوب، اکر بونلرک دها ایلری کوتورلمسینه و علی الخصوص خاولیلرک نسجده قوللانیلان ایپلیک دخی یرلی پاموقدن مخلنده اعمالنه موفقیته حاصل اوله-حج اولسه، بروسه-نک ممالک عثمانیه-نک %لیون\$ی حکمنه کچه-جکده شبهه یوقدر. محلنه صرف اولناندن بشقه بروسه-دن سنوی تقریباً 500000 قیه ایپک قوزه-سی اخراج اولنور. کستانه-سی، زیتونی و شفتالیسی دخی مشهور اولوب، علی الخصوص کستانه-دن خیلی اخراجاتی واردر. اسکله-سی اولان مدانییه-یه قدر کوزل بر شوسه-سی اولوب، مذکور اسکله-یه در سعادتدن هفته-ده ایکی کره واپور ایشلمکله، واپور کونلری شهر ایله اسکله آره-سندده متعدد بینک و یوک آراه-لری ایشلیوب، آره-ده-کی یولی اوچ ساعتده قطع ایدرلر. بر دمیر یول دخی انشا اولنمش ایسه ده، هر نصلسه ایشلتدیریله-مه-مشدر. بروسه-نک شهرتتی موجب اولان شیلرک بری ده قاپلیجه-لرینک کثرتی و بونلرک امراض مختلفه-یه اولان نفع و فائده-سی اولوب، شهرک 20 دقیقه قدر غربنده چکرکه قریه-سندده و بو قریه-نک آلت طرفنده اووه-نک کنارنده بیوک و کوچک کورددلی، یکی قیلوجه، قاینارجه، قره مصطفی، اسکی قیلوجه، چکرکه اسمریله 7 منتظم حمام بولنیور، که صولاری مواد متنوعه معدنیه-یی حاوی اولوب، بعضلرنده کوردد و بعضلرنده چلیک غالبدر. بو قیلوجه-لر اولدقجه معمور اولوب، هر سنه ایلک و صوک بهارده ممالک عثمانیه و اجنبیه-دن حماملر وسیله-سیله بروسه-یه بر چوق زوار و سیاحین طوپلانیر.

بروسه شهری خیلی اسکی اولوب، میلاد عیسادن 200 سنه اول %بیئتیا\$ یعنی خداوندکار خطه-سنک حکمداری بولنان پروسیاس طرفندن تأسیس، و بونک اسمیله تسمیه اولنمشیدی. متعاقباً رومالیرک ایینه کچوب، روما دولتک انقسامنده شرق ایمپراطورلغی یعنی قسطنطینییه قیصرلغی حصه-سنه دوشمش؛ و بو آرقده شهر خیلی توسیع اولنمشیدی. 726 تاریخ هجریسنده و بانئ دولت عثمانیه سلطان عثمان خان غازینک ارتحاندن اولجه سلطان اورخان غازی طرفندن فتح اولنه-رق، ادرنه-نک فتحنه-دک دولت علیه عثمانیه-نک مستقل پایتختی بولنمش؛ و هر نه قدر خداوندکار غازی ادرنه-یی ایکنجی پایتخت اتخاذ بیوروب، اوندن صکره سلاطین عظام اکثریا ادرنه-ده اقامت بیورمشلرسه ده، استانبولک فتحنه-دک ینه رسماً پایتخت بروسه اولوب، سلاطین عظام جلوسلری رسمی اوراده اجرا، و جنازه-لری اوراده دفن اولنوردی. پایتختلقدن چیققدن صکره سلطان مراد خان اولک مخلصلرینه نسبتله %خداوندکار\$ دینلن ولایتک مرکزی اولمشدر. پایتخت دولت ایکن، خیلی دها بیوک و دها معمور اولوب، چارشو و بازاری چوق دها ایشلک بولنمش اولدیگی کبی، اطرافی دخی مکمل کوشکلرله محاط ایدی.

-* بروسه قضاسی خداوندکار ولایتک مرکز قضاسی اولوب، بروسه شهریه کوجک طاغ و خرمنجق ناحیه-لریله برابر 130 قریه-یی جامع اولوب، شمال شرقی جهتندن کملیک، شمال غربیدن مدانییه، غرباً میخالیچ، جنوباً اطرانوس، شرقاً دخی ارطغرل سنجاغک اینه-کول و یکیشهر قضالریله محدود و محاطدر. اراضیسی قسماً کشیش طاغک اتکلرندن و قسماً بروسه اووه-سندن عبارت اولوب، آناتولینک اک کوزل و اک منبت و محصولدار یریدر. محصولات حبوبات متنوعه ایله ایپک قوزه-سی، کستانه، زیتون و متنوع میوه-لردن عبارتدر، مرعا و اورمانلری دخی چوقدر. میاه جاریه-سی بروسه اووه-سنی شق ایدن %نیلوفر\$ نهرینه جمع اولنور. قضانک اهالیسی 115043 کشی اولوب، قسم اعظمی مسلمدر. درون قضاده 266 جامع و مسجد، 25 مدرسه، 45 تکیه، 29 کلیسا، 49 خان، 3423 دکان، 181 مکتب، 45 حمام و 21 قاپلیجه موجوددر.

1-1296-2

بروسه

سنجاغی. خداوندکار ولایتک مرکز سنجاغی اولوب، شرقاً ارطغرل، جنوباً کوتاهییه، غرباً قره-سی سنجاغلریله، شمالاً دخی مرمره دکیزیله محاط و محدوددر. بروسه، کملیک، مدانییه، میخالیچ، کرماستی و اطرانوس اسمریله 6 قضادن مرکب اولوب، 5 ناحیه و 612 قریه-یی جامعدر. سنجاغک نفوسی 272870 کشیدن عبارت اولوب، قسم کلیسی مسلم و مدانییه جوارلرنده بولنان بعض روملردن بشقه جمله-سی لسان عثمانی ایله متکلمدرلر. اراضیسی آناتولینک اک کوزل یرلرندن عبارت اولوب، ساحل بحره و دار السلطنته اولان قریبیتی جهتیله دخی هر نوع اعمارات و ترقیاته مساعدر. باشلیجه محصولات حبوبات متنوعه و علی الخصوص مصر و سیسام ایله پاموق، توتون، اوزوم، زیتون و میوه سبزه-لرک انواعدن عبارت اولوب، طود آغاجلری دخی پک چوق اولمغله، کلیتلی ایپک قوزه-سی چیقار. بروسه شهرنده-کیلردن بشقه مدانییه، میخالیچ و کرماستی قضالرنده دخی متعدد ایپک و قماش و خاولی فابریقه و دستکاهلری واردر. حبوباتدن یالکز برکتلی سنه-لرده اخراجات وقوع بولیورسه ده، کتن تخمی، خردال، بیاغی، قورو میوه، زیتون، پاموق و ایپک قوزه-سندن هر سنه خیلی اخراجات اولور. باشلیجه اسکله-لری کملیک، مدانییه و میخالیچ بوغازیدر. سنجاغک میاه معدنییه و قاپلیجه-لری چوق اولوب، معادنی دخی چوق ایسه ده، میخالیچ قضاسیله خرمنجق ناحیه-سندده

چيقاريلان قرومدن بشقه-سى چيقارلاماقده-در. سنجاغك صيغير و قيون و سائر حيواناتى متوسط حالده اولوب،
مر عالرينك كثر تيله متناسب دكلدر. خيلى اورمانلىرى و پك چوق صيد حيوانلىرى دخی واردر. درون لواده 625
جامع و مسجد، 29 مدرسه، 53 تكيه، 71 كليسا، 668 مكتب و 23 قابليجه موجوددر.

2-1296-2

بروسه

1#

فرانسه-نك مشاهير اطباسندن اولوب، 1772ده %سنت مالو\$ده طوغمش، و 1838ده پارسده وفات ايتمشدر.
بر چوق آثار طبيه و طبه متعلق رسائل موقوته نشر ايده-رك، بو فنده خيلى كشفيات و ترقيات موق اولمشدر.

1-1297-2

بروغتون

1#

انكلتره-نك مشاهير بحريونندن اولوب، 1763ده %غلوچستر\$ده طوغمش، و 1822ده فلورانسه-ده وفات
ايتمشدر. مشهور (وان قور)ك سياحتنده حاضر بولنمش؛ و آمريقاي شمالينك ساحل غربيى قارشيسنده بر
چوق آطه-لر كشف ايتديكى كبي، جاپونيا ايله اوستراليا نك و آسياي شرقينك سواحلى دخی تحقيق و تعيين
ايده-رك، بر سياحتنامه يازمشدر.

2-1297-2

بروغتون

1#

آمريقاي شمالينك ساحل غربيى قارشيسنده اولوب، آنف الترجمه قپودان بروغتون طرفندن كشف اولنمش بر
طاقم آطه-لر اولوب، 47' 50° عرض شمالى ايله 56' 128° طول غربيده واقعدرلر. *- بحر محيط كبيرده
يكي زلنده-نك شرق جهتنده و 44° عرض جنوبى ايله 178° طول غربيده دخی بو اسمله و ينه او قپودان
طرفندن كشف اولنمش بر طاقم آطه-لر واردر، كه باشليجه-لرى %شاتام\$ آطه-سيپر.

3-1297-2

بروغلى

1#

عن اصل ايتاليانك %پيامونته\$ خطه-سندن اولوب فرانسه-ده ساكن اولمش بر خانداندار، كه اعضاسى ايچنده
بر قاچ مشير كلوب، بعضلرى دفعاتله هيئت وكلايه دخی داخل اولمشلردر. ابتدا قونت بعده دوقه و بر آره-لق
پرنس عنواننى حائز بولنمشلردر. بونلردن بر بيوك اختلالدن اول اون آلتجى لويى طرفندن حربيه نظارتنه
نصب اولنمغله، اختلالده هجرت ايتمكه مجبور اولوب، روسيه-نك خدمتنه كيرمشيدى. بونك اوغلى ارباب
اختلال طرفندن اعدام اولنمشدر. بونك اوغلى ايسه حريت افكار و جمهوريت طرفدارى اولوب، دفعاتله هيئت
وكلايه داخل اولمش؛ و بر قاچ آقاديميانك اعضالغنه قبول اولنمشيدى. 1870ده وفات ايتمشدر. بونك اوغلى اليوم
بر حيات اولوب، ينه آقاديميا اعضاسنددر، و دفعاتله هيئت وكلايه داخل اولمشدر.

4-1297-2

بروغهام

1#

انكلتره-نك ادبا و سياسيونندن بر لورد اولوب، 1778 تاريخنده اديمبور غده طوغمش، و 1868ده وفات ايتمشدر. ابتدا فنونه انتسابله، حكمت طبيعیه و هندسه-یه متعلق بر قاچ اثر يازمش؛ و ((اديمبورغ مجموعہ-سى)) عنوانلى رساله موقوتہ-ده يازديغى مقالات نافعہ ايله شهرت بولمشيدى. بعده آوقاتلغہ سلوك ايدہ-رك، نطق پردازلقدہ بيوك بر مهارت كوسترمش؛ و مؤخرأ لوردلر قماره-سنه داخل اولوب، 25 سنه متماديا افكار حريت پرورانہ-نك التزام و مدافعہ-سيله كسب تميز ايتمشيدى. بر آرہ-لق هيئت وكلايه دخى داخل اولمش ايسه ده، بعده استعفا ايدوب، تأليفاته حصر اوقات ايتمشدر. آثارى 9 جلد اوزره نشر اولمشدر. ((وولتر ايله روسو)) عنوانيله فرانسزجه بر اثرى دخى وارد.

5-1297-2

بروقلين

1#

ممالك مجتمعه آمريقا-ده %لونغ ايسلاند\$ جزيره-سنگ غرب جنوبى ساحلنده و نويورقك قارشيسنده بر شهر اولوب، نويورقه آلتندن سفاين كچه-جك درجه-ده مرتفع بر كوپرى ايله مربوط اولمغله، نويورقك بر قسمى كيبى عد اولنه-بيلير. بيوك و تجارنگاه بر شهر اولوب، 570000 اهاليسى، پك چوق فابريقه-لرى و كمى اعمالنه مخصوص حوض و دستگاهلرى، اطرافنده كوزل باغچه-لرى، پك چوق كليسالرى، متعدد مكتبلرى، خسته-خانه-لرى، رصدخانه و موزه-سى وارد. ابتدا فلمنكليلر طرفندن تأسيس اولنه-رق، خيلى وقت بر قريه حالنده و حتى قرن حاضر ميلادى اوانلنده يالكز 3000 اهالى-يى جامع بولنمش ايكن، او وقتدن برى فوق العاده ترقى و توسع ايتمشدر. اداره-سى نويورقدن آبرى اولوب، %كينغ\$ فونتلغك مركزيدر.

6-1297-2

بروقهاؤس

1#

ايسپيغده اليوم موجود بر مشهور صحاف دكاننك مؤسسى اولوب، بر چوق كتب نافعہ-نك نشرينه موفق اولمشدر. 1772ده طوغوب، 1823ده وفات ايتمشدر.

7-1297-2

بروكسل، ياخود بروسل

1#

%و فلامانجه #2\$ بلچيقه دولتنك پايتختى اولان بر شهر اولوب، دولت مذكوره-نك همان اورته-سنده، %اسقو\$يه تابع %سنه\$ نهري اوزرنده و %آنور\$ك 45 كيلومتره جنوبنده اوله-رق، "10' 51' 50° عرض شمالى ايله "44' 1' 2° طول شرقيده واقعدر. 380000 اهاليسى، 17 قپوسى، 27 كوپريسى، متعدد مصنع كليسالرى، قراله مخصوص سرايى، بر قاچ كوزل ميدان و سوقاغى، مفرح مسيره و تفرجگاهلرى، دار الفنونى، آقادمياسى، صنايع نفيسه جمعيتى، نباتات باغچه-سى، بيوك كتبخانه-سى، رصدخانه-سى، مشهور داننله، يوك و پاموقدن انواع منسوجات، چوراب، فانله، شاپقه، موم، نشاسته، توتون، بيره، شكر، آرابه و سائره فابريقه-لرى، بيوك مطبعه-لرى و پك ايشلك تجارتى وارد. بو شهر 1044 تاريخ ميلاديسندن اول اهميتسز بر قريه حالنده اولوب، تاريخ مذكوره سور و استحكاماتى انشا، و بو اسمله تسميه اولنمشدر. او وقت برابانت دوقة-لرينك مركزى اولوب، 1565ده ايالات متحده مركزى اولمش؛ 1815دن 1831 تاريخنه-دك فلمنكك ايكي پايتختندن برى بولنمش؛ و تاريخ مذكوردن برى بلچيقه-نك پايتختى اولمشدر.

1-1298-2

بروكن

1#

پروسپه-نك صاقسه خطه-سندہ بر طاغدر، كه %هارج \$ سلسله-سنگ اك مرتفع محلی اولوب، 1140 متره ارتفاعی واردر. غروب شمسده اطرافه-کی خانه و منظره-لرك بلوطره انعكاسندن بر نوع سیراب حاصل اولوب، %بروكن طیفی \$ مشهوردر.

2-1298-2

بروکه

1#

ایرلانده-نك اك مشهور محررلرندن اولوب، 1706 تاریخنده طوغمش، و 1783ده دوبلینده وفات ایتمشدر. بر چوق کتابلری و فاجعه-لرله ((جمال کائنات)) عنوانیله مشهور بر منظومه یازمشدر. *- بو اسمله ینه ایرلانده-لی بر محرره دخی واردر، كه بر چوق حکایه کتابلری یازوب، زوجی پروتستان رؤسای مذهبندن بولنمغله، آمریقای شمالینك قناده خطه-سندہ بر چوق وقت برابر سیاحت ایتمکندن، اکثر حکایه-لرینك مبنی علیهنی اورادن المشدر. 1759ده وفات ایتمشدر.

3-1298-2

برومات

1#

آلساسده استراسبورغك 17 کیلومتره شمال غریبسنده بر قصبه اولوب، 4545 اهالیسی واردر.

4-1298-2

برومبرغ

1#

پروسپه-نك %پوزن \$ ایالتنده و پوزن شهرینك 113 کیلومتره شمال شرقیسندہ بر شهر اولوب، %بر \$ نهری اوزرنده واقعدر. 28000 اهالیسی، حبوبات انباری و هارلری واردر. حبوبات، پیاغی، دری، اودون و دمیره متعلق خیلی ایشلك بر تجارتك مرکزیدر.

5-1298-2

برون

قره *- و سائره [مرکباتنه مراجعت بیوریله].

6-1298-2

برون

1#

بوناپارتك مارشاللرندن اولوب، واترلو محاربه-سندن صکره قرال طرفداری اولان بر گروه اهالی طرفندن قتل اولنمشدر.

7-1298-2

برون

1#

اوستريانك %موراويا\$ خطه-سندده و ويانه-نك 170 كيلومتره شمال شرقيسندده ايلت مركزى بر شهر اولوب، 75000 اهاليسى، مكتب اعداديسى، صاغروديلسزله مخصوص مكتبى، موزه-سى، كتبخانه-سى، نباتات باغچه-سى، مصنع بر كليساسى، كوزل بلديه دائره-سى، دمير يولى، تياتروسى، چوخه، فانه، بز و ابيك قماشلر فابريقه-لرى و پك ايشلك تجارتي وارد. بو شهرك قرينده پوليقيقه متهملريچون محبس كبي قوللانيلان %اسپيلبرغ\$ قلعه-سى بولنيور. -* برون ايلتي نفس اوستريا و چهستانله همحدود اولوب، طولى 88 و عرضى 62 كيلومتره-در، و 370000 اهاليسى وارد.

8-1298-2

برونته

1#

سيچليانك %قاتانيه\$ ايلتنده و قاتانيه-نك 40 كيلومتره شمال غربييسندده اوله-رق %انتا\$ بركاني جوارنده بر قصبه اولوب، 12000 اهاليسى وارد.

9-1298-2

برونس

ياقوت حموى بو اسمله بحر رومده يعنى اق دكيزده بر بيوك آطه اولديغنى و كندى كوننده روملك النده اولديغى ظنده بولنديغنى بيان ايديورسه ده، بونك خانغى آطه اولديغى آكلاشيله-ميوب، اسمى ايسه %پروونسه-\$ نك معربى كبي كورينيور.

10-1298-2

برونسويق

1#

آلمانياى شمالينك وسطلرنده واقع همنامى اولان دوقه-لغك مركزى بر شهر اولوب، %اوكر\$ نهري اوزرنده و %هانوره\$ نك 55 كيلومتره شرق جنوبييسندده واقعدر. 85174 اهاليسى، اسكى بر كليساسى، دوقه-لره مخصوص سرايى، بر مسله-سى، كوزل نفرجكاهلرى، طوبخانه-سى، ضربخانه-سى، كوزل بلديه دائره-سى، اوپرا تياتروسى، موزه-سى، تشريح و فن جراحى مكتبيله صاغر و ديلسزله و كورلره مخصوص مكتبى و سائر مكاتب متعدده-سى، ايكي كتبخانه-سى، يوك و ابيكدن منسوجات متنوعه ايله بويا، توتون، نشاسته، اجزاي كيميويه، پورسلين، مقوى و سائره فابريقه-لرى و پك ايشلك تجارتي وارد. سنه-ده ايكي دفعه بيوك بازار قوريلور. بو شهر 861 تاريخ ميلاديسنده صاقسه دوقه-سى (برونو) طرفندن تاسيس اولنمشدر.

1-1299-2

برونسويق، دوقه-لغى

1#

آلمانيا ايمپراطورلغنه تابع اولان وسطى آلمانيا دول صغيره-سندن اولوب، هر طرفى پروسيه قراللغك ممالكيه محاط اولديغى حالده، %ماغدبورغ\$ ايله %هانوره\$ خطه-لرى آره-سندده واقعدر. آلمانيا دول صغيره-سنگ اكثرى اولديغى كبي، بر قاج پارچه-دن مركب اولوب، باشليجه قسمى %البه\$ ايله %وسر\$ ايرماقلى آره-سندده و آلمانياى شمالى اووه-سنگ بيتوب آلمانياى وسطى طاغلرينك باشلاديغى محله-در. '34 51° ايله '35 52° عرض شمالد و 7° ايله '44 8° طول شرقى آره-لرنده ممتد اولوب، مساحه سطحيه-سى 3690 مربع كيلومتره و اهاليسى 380000 كشيدير. مركزى برونسويق شهريدير. بو دوقه-لق نفس برونسويق، هولميندن، وولفنبوتل، هلمستاد، غاندرسهام و بلانكنبورغ اسملريله درت سنجاغه منقسم اولوب، %سيلزيا\$ ده واقع %اولسه\$ پرنسلكى دخى برونسويق دوقه-سنگ ملكيدر. اراضيسى قوملق ايسه ده، ينه منبت اولوب، معادنى دخى چوق، آتلى پك كوزل و صنايعى خيلى ايلريده اولديغى طبى، چوخه، بز، كاغد، بيره و سائره

فابریقه-لری دخی چوقدر. اهاالیسنك قسم اعظمی پروتستاندر. حکومتی حکومت مشروطه اولوب، دوقه-لق ارتا انتقال ایدیور. واردات و مصارف سنویه-سی 9617800 مارق راده-لرنده-در. دوقه-نك املاک و وارداتی معارف وارداتی بو حسابیه داخل دکلدر. قوه عسکریه-سی بر آلائی پیاده، بر آلائی هوسار، ایکی طابور لاندوهر و بر بطاریه طوپدن عبارت اولوب، آلمانیا عسکری ترتیباتنه داخلدر.

2-1299-2

برونسویق، یکی -*.

1#

آمریقای شمالیه انکلتره-یه تابع اولان دومینیون قطعۀ واسعہ-سنك بر خطہ-سی اولوب، قطعۀ مذکورہ-نك شرق جنوبیسنده، سنت لوران ایرماغیلہ %فوندی\$ کورفری آرہ-سنده واقع اولمغله، شرق جنوبی جهتندہ اولان %یکی اسقوجیا\$ شبہ جزیرہ-سندن مذکور کورفرلہ آیرلمشدر. 45° ایلہ 49° عرض شمالی و 66° ایلہ 70° طول غربی آرہ-لرنده ممتد اولوب، شمالاً سنت لوران ایرماغیلہ فناده-دن آیرلمش اولدیغی حالده، غرباً و غرب جنوبی جهتندہ %کیک\$ خطہ-سنك بر پارچہ-سیلہ و ممالک مجتمعه-نك %من\$ جمهوریتیلہ، جنوب شرقی جهتندہ %فوندی\$ کورفریلہ، شرقاً یکی اسقوجیا برزخیلہ، شرق شمالی جهتندہ دخی سنت لوران کورفریلہ محدود و محاطدر. مساحۀ سطحیہ-سی 70424 مربع کیلومترہ اولوب، اهاالیسی 300000 مقدارینہ قریبدر، کہ بونلرک تقریباً بر ثلثی ایرلانده-لی، بر ثلثی انکلیز و اسقوجیالی و دیگر بر ثلثی دخی فرانسز و سائره-در. اصل برلیلرلہ زنجیلر اوچ بیک کشی راده-لرنده-در. هواسی یازین پک صیجاق اولوب، مرکزی اولان %فردریقتون\$ده 36 درجه-یہ قدر چیقار و قیشین بالعکس پک صونوق اولوب، صفردن آشاغی 31 درجه-یہ قدر اینر. اراضیسی منبت اولوب، حیویات متنوعه حاصل اولور ایسه ده، زراعت قلتندن آز مقدارده-در. خطہ-نك قسم اعظمی اورمانلرلہ مستور اولوب، اینیہ و سفائن انشاسنه یارار پک چوق کراسته چیقار؛ و اهاالینک مدار تعیشی باشلیجه کراسته اخراجیلہ بالیقجیلقدر. بعض کمور و دمیر معدنلری وارددر. خطہ-نك میاه جاریہ-سی چوق ایسه ده، یازین هواسی پک یابس اولوب، بعض دفعه کثرت بیوست و حرارتدن چرالی آغاجلر طوتیشوب، اورمانلرده بیوک حریقار ظهور ایدر. فجر شمالی هر موسمه کوریلور، و حرکت ارض صیقجه وقوع بولور. سواحلی اطرافنده پک چوق قویلر و لیمانلر بولنوب، شرق شمالی جهتندہ ((حرارت قوی)) نامیلہ 20 کیلومترہ عرضنده و 150 کیلومترہ طولنده بر خلیج دخی وارددر. لیمانلرنده بر خیلی سفائن اعمال اولنور. دومینیون هیئت متفقہ-سنی تشکیل ایدن ولایاتک بری اولوب، بر والی معرفتیلہ اداره اولنور، و 15 قونتلغہ یعنی سنجاغہ منقسم اولوب، دومینیون مجلس مبعوثانہ 15 اعضا کوندرمک حقنی حائزدر. مرکزی اولان %فردریقتون\$ک یالکز 6000 اهاالیسی اولوب، اک بیوک و تجارتکاه شهری ایسه 55000 اهاالی-بی جامع اولان %سنت جون\$ اسکله-سیدر. هالیفاقدن کبکه کیدن بیوک دمیر یول خطی بو خطہ-نك اورته-سندن کچدیکی کی، بر قاچ شعبہ-سی دخی وارددر. بو خطہ یکی اسقوجیا ایلہ برابر %آقادی\$ اسمیلہ بوندن اول فرانسہ-نك مستملکاتندن اولوب، 1763ده انکلترہ-یہ ترک اولنمش؛ و 1784ده انکلیز حکومتی بونی یکی اسقوجیادن آیروب، او وقتدن بری اسکان و اعمارینہ سعی اولنمشدر. 1842ده ممالک مجتمعه-دن %من\$ جمهوریتیلہ تحدید حدود ایدیلہ-رک، بر خیلی یرلری جمهوریت مذکورہ-نك ید تصرفنه کچمشدر.

1-1300-2

برونسکی

1#

ایتالیانک اک مشهور معمارلرندن اولوب، 1377 تاریخنده فلورانسہ-ده طوغمش، و 1444ده وفات ایتمشدر. ایوم کوستردکلری مهارت معماریه ایلہ مشهور اولان بر قاچ کلیسا ایلہ میلان قلعه-سی و %مانتو\$ده %پو\$ ایرماغنه یاپلمش اولان سد صاحب ترجمہ-نك جمله آثارنددر. مشهور میکل آنجلو برونسکینک کعبنه یتیشمک مشکل و اونی کچمک محال اولدیغنی سویلرمش.

2-1300-2

برونو

1#

صاقسه دوقه-لرندن اولوب، 859 تاريخ ميلاديسندن 880 تاريخه-دك حكم سورمش، و برونسويق شهرينى تاسيس ايتمشدر.

3-1300-2

برونو، سنت -* -

1#

خرستيانلرك اعزه-سندن اولوب، (سار تروز) اسميله معروف طريق رهبانك موجوديدر. 1030 تاريخلرنده قولونيه-ده طوغمش، و 1101ده قلابره-ده تاسيس ايتمش اولديغي بر مناستر-ده وفات ايتمشدر. بعض مناصب عاليه روحانيه-يه نائل اولدقن صكره، فرانسه-نك %شار تره \$ خطه-سنده بر قييره چكيلوب، شاكردانيله برابر رياضتله ياشامغه باشلامش اولديغندن، طريقته بو اسم و يرلمشدر. يورطيسي تشرين اولك 6سنده اجرا اولنور.

4-1300-2

برونو، جوردانو -* -

1#

ايتاليا حكماسنن اولوب، 1550 تاريخ ميلاديسنده قامپانياك %تولو \$ قصبه-سنده طوغمش؛ و ابتدا (دومينيكن) رهبانندن ايكن، تصوفياته سلوك ايتمكله، مذهبك بطلاننى آكلاديغندن، مناستري تركله، جنوه كيده-رك، اهون كورديكى پروتستانلغى قبول، و خيلى مدت فرانسه و انكلتره و آلمانيايه فلسفه-يى تدريس ايدوب، آرسطو و سائر بعض متقدمين حكمانك اقوالنى جرحله، كندى فكر تصوفكارانه-سنى التزام ايتكدن صكره، 1600 تاريخنده ايتاليايه عودته جرات ايتديكندن، و نديكه انكيزيسيون طرفندن بالتوفيق، رومايه نقل، و اوراده حيا احراق اولنمشدر. كچن سنه ايتاليانلر صاحب ترجمه-نك روماده هيكلنى ركز ايده-رك، پاپانك پروتستولريله برابر، حریت افكار لهنده و خرستيانلق عليهنده پك چوق نمايشلر اجرا ايتمش اولدقلرى معلومدر.

5-1300-2

برونه

1#

فرانسه-نك اسامى كتبله اوغراشمش محررلرندن اولوب، بو علمده 6 بيوك جلدن مركب پك معتبر بر اثرى واردر. 1780ده طوغوب، 1767ده وفات ايتمشدر.

6-1300-2

برونهوت

1#

اوستراسيا قرايجه-سى اولوب، 534 تاريخ ميلاديسنده طوغمشدر. اسپانيايه حكومت سورن غوت حكمدارلرندن آتاناچلدك قيزى اولوب، 566ده اوستراسيا قرالى (سيجبرت)ه وارمشيدى. همشيره-سنگ انتقامنى آلمق ايچون قوجه-سنى %نوستريا \$ قرالى (شيلبيريق)ه اعلان حربيه مجبور ايتمش، و مرقوم شيلبيريقى اسير طومتق درجه-سنة كلمش ايكن، زوجنك قتل اولنمسي اوزرينه، كنديسى دخى مغلوب و اسير اولوب، آنجق غالبك اوغلى كندى حسن و جمالنه مفتون ايتمش اولمق سايه-سنده قورتلمش؛ و اوستراسيايه عودتنده، اوغلى ايكنجى (شيلدبرت)ه و بعده تورونى ايكنجى (تئودبرت)ه اجراى وصايت ايتمش؛ و مؤخرأ اوستراسيادن طرد اولنوب، بور غونيه-ده حكم سورن ديكر تورونى ايكنجى (تيرى)يه التجا ايده-رك، اوراده دخى بيوك بر نفوذ اجرا ايتمه باشلامش ايدى. مرقوم شيلبيريقك اوغلى ايكنجى قلوتر عموميت اوزره فرانسو ايمپراطورى اولدقده، صاحبه ترجمه-يى طوتوب، ساچندن برآز غين آتك قويروغنه باغلاته-رق، اتلاف ايتمشدر. حسن و جمال و ذكاوتيله مشهوره اولوب، بعض ترقياته دخى خدمت، و على الخصوص پك چوق يوللر انشا ايتمشيدى.

7-1300-2

بروون

1#

بو اسمله انكلتره-ده بر قاچ مشهور آدم ظهور ايدوب، اك مشهور لرينك برى اون آلتنجى قرن ميلاديه بعض تعديلات مذهبيه-ده بولنمش اولان (روبرت بروون)در. *- ايكنجيسى (جالس بروون)در، كه 1715ده طوغوب، 1766ده وفات ايتمش، و ادبيات و فلسفياته متعلق يازديغى اثرلريله شهرت بولوب، وولترك بيله تقديرينه مظهر اولمشيدى. روسيه ايمپراطوريچه-سى طرفندن پترسبورغه دعوت اولنديغى حالده، انتحار ايتمشيدى. *- اوچنجيسى (توماس بروون)در، كه بر طاقم منظومه-لرله اليوم انكلتره و آمريقاد تدريس اولمقده اولان بر چوق مكتب كتابلرى يازمشدر. 1778ده اديمبور غده طوغوب، 1820ده وفات ايتمشدر. *- درنجيسى آمريكانك مشهور حكايه نويسانندن اولوب، 1771ده فيلادلفياده طوغمش، و 1810ده وفات ايتمش، و بر چوق حكايه كتابلريله بعض رسائل موقوته نشر ايتمشدر.

1-1301-2

بروونه

1#

انكليز سياحينندن اولوب، 1768ده لوندرا-ده طوغمش؛ و آفريقاده سياحت ايدوب، برنجى دفعه اوله-رق، دارفورده قدر كيتمش؛ و اوچ سنه اوراده اسير قالدقن صكره، ايرانه سياحتله، 1813ده تبريزدن طهرانه كيدركن قتل اولنمشدر. آفريقا، مصر و سوريه-ده-كى سياحتلرينى يازمشدر. *- بو اسمله مشهور بر انكليز طبيى دخی بولنوب، 1605ده طوغمش، 1682ده وفات ايتمش؛ و باشليجه ((مذهب اطبا)) عنوانيله يازديغى كتابله شهرت بولمشدر.

2-1301-2

بروونينغ

1#

انكلتره-نك شاعره-لرندن اولوب، پك مقبول بعض اشعار و منظومه-لرى واردر. 1806ده طوغوب، 1861ده وفات ايتمشدر.

3-1301-2

برويق

1#

انكلتره-نك %نورتومبرلاند\$ خطه-سنده و ايمبورغك 90 كيلومتره جنوب شرقيسنده اوله-رق، %تويق\$ نهرينك منصبنده بر قصبه و اسكله اولوب، 13000 اهاليى، 6 كملى كوزل بر كوپريسى، پك چوق صيدماهيى و ايشلك تجارتي واردر. *- اسقوچياده دخی بو نامله بر قونتلوق اولوب، هادينغتون، روقسبورغ، اديمبورغ و سيلكرك قونتلقلرى آره-سنده واقعدر. مساحه سطحيه-سى 2102 مربع كيلومتره و اهاليى 36500 كشى اولوب، مركزى %غرناو\$ قصبه-سيدر.

4-1301-2

بره

عبد المطلبك قیزی و حضرت فخر كائنات (صلعم) افندمرك خاله-سيدر. شاعر بر خاتون اولوب، شو ايكي بيت پدريتك وفاتي حقنده سويلمش اولديغي بر مرثيه-سندندر.

@@@

اعيني جوداً بدمع درر
على طيب الخيم و المعتصر
على ماجد الحد و اري الزناد
جميل المحيا عظيم الخطر

\$

*- بو اسمله صحابيائندن اوچ خاتون دخی اولوب، بونلرك بری ابو سلمه-نك قیزی و حضرت رسول الله (صلعم) افندمرك اوکی کریمه-سيدر، چوق وقت یاشایوب، فقیهه بر قادین ایدی.

5-1301-2

برهان

منجمین اسلامدن اولوب، بشنجی قرن هجری اوخرنده طبرستانده دنیایه کلمش؛ و سالف الترجمه بدیع اصطرلابی ایله دخی کوریشمشیدی.

6-1301-2

برهان

فارسیده واقع %۱۰۰برقوه\$ شهری شعراسندن و ساداتدن اولوب، تصوفدن دخی بهره-سی وار ایدی. شو بیت جمله اشعارندندر:

@@@

نشان خاک نهستم زکریه در عالم
که حسرت تومبادا کسی نجاك برد

\$

7-1301-2

برهان، آقا محمد صالح

مازندران شعراسندن اولوب، هندستانه رحلتله، شاهجان آبادده محمد شاهك حسن قبول و التفاتنه مظهر اولمش؛ و نادر شاهك هجومنده دهلیده بولنمغله، مجروح اولوب، بر قاچ کون صکره متأثراً وفات ایتمشدر. مرتب دیوانی واردر. شو بیت جمله اشعارندندر:

@@@

خویشتره همچو کل پیوسته پنهان داشتم
با وجود آن که صد زخم نمایان داشتم

\$

8-1301-2

برهان الدین، قاضی *- احمد

طوائف چنکیزیه متغلبلرندن اولوب، روایتله کوره اولجه ارزنجان قاضیسی ایکن، بعده سیواس و قیصریه جهنلرینی ضبط ایده-رك، بر کوچك حکومت تشکیل ایتمش؛ و سیواس مشتاسنده خیمه قورمش اولان رؤسای ترکماندن قره عثمان معنادی اولان ویرکی-پی ویرمدیکندن، صاحب ترجمه اوستنه عسکر سوق ایتمدیکنده،

794ده مقتولاً وفات ایتمکله، ملکی صاحبسز قالوب، یلدیرم سلطان بایزید خان طرفندن ضبط اولنمشدر. صاحب ترجمه-نک ((تلویح)) اوزرینه ((ترجیح)) عنوانیله بر شرحی وارد.

1-1302-2

برهان الدین، ابراهیم بن علی بن فرھون

سکرنجی قرن هجری علماسندن اولوب، فقہاء مالکیہ-نک تراجم احوالی و ((الدیباج المذهب)) عنوانیله بر کتاب یازمش، و 799 تاریخنده وفات ایتمشدر.

2-1302-2

برهان الدین قاضی میر -*- محمد باقر

اوننجی قرن هجری شعراسندن اولوب، کاشان قاضیسی ایدی . 5000 بیٹی جامع بر دیوانی وارد.

3-1302-2

برهان الدین

خواجہ محمد پارسانک اوغلی اولوب، عالم و زاهد بر مرد عارف ایدی. 865 تاریخنده وفات ایتمشدر.

4-1302-2

برهان الدین بخاری

مشاہیر فقہان اولوب، ((ذخیرہ برہانی)) دینمکله دخی معروف ((ذخیرة الفتاوی)) و ((المحیط البرہانی)) عنوانرلیله ایکی اثری وارد.

5-1302-2

برهان الدین بقائی، ابراهیم بن عمر

ادباند اولوب، مجنون و لیلی حکایہ-سنی و قدمای حکمانک عادات و اخلاقنه دائر بر کتابله تراجم احوال مشاہیرہ دائر بر اثر یازمشدر. 885 تاریخنده وفات ایتمشدر.

6-1302-2

برهان الدین غریب، شیخ یاخود شاه -*-

هندستانده مشاہیر اولیاء اللہدن بر ذات اولوب، شیخ نظام الدین ولینک مریدانندن ایدی. 731 تاریخنده وفات ایڈوب، تریہ-سی %دکن\$ خطہ-سنک بر ہانپور شہرنده زیارتکاه انام اولمغله، ہندلیلر ہر طرفدن اورایہ زیارتہ کیدرلر.

7-1302-2

برهان الدین مرغینانی، علی بن ابی بکر

مشاہیر علماند اولوب، فرغانہ-ده مرغینان بلده-سندن اولدیغی حالده، چنکیزک خروجنده بخاراده تدریسله مشغول بولنمغله، بخار الیلر طرفندن بو جہانگیرلہ عقد صلحہ مأمور اولمش ایسہ ده، بعدہ بعض بخار الیلر

خلاف عهد حرکت ایتدکلرندن، چنکیزک شهری احراق و اهالیسنی قتل عام ایتمسیله، صاحب ترجمه دخی او میاندہ تلف اولمشدر. فقهده ید طولی صاحبی اولوب، ((کتاب الهدایه))، ((کفایه المنتهی))، ((نشر المذهب))، ((کتاب التجنیس))، ((المزید))، ((مناسک الحج))، ((کتاب الفرائض)) عنوانلی اثرلریله دیگر بعض تألیفاتی وارد. 593 تاریخنده وفات ایتمشدر.

8-1302-2

برهان الدین هروی، مولانا حیدر بن محمد

علامه تفتازانینک شاکردانندن و اعظم علمادن بر ذات اولوب، خواجه-سنک کشاف شرحنه و ((ایضاح))، و ((فرائض سراجیه))-یه حواشی یازمشدر. چلبی سلطان محمد خان حضرتلرینه انتساب ایوب، سیروزده بدر الدین صمانوینک اعدامیچون فتوی ویرمشدر. 830 تاریخنده وفات ایتمشدر.

9-1302-2

برهانپور

هندستانک وسطرندن کائن %نبرده\$ خطه-سنک %نیمار\$ ایالتنده، %تپتی\$ نهرینک ساحل یمینده و بمایدن اله آباده کییدن دمیر یول خطنک موقفلرندن اولان %لاله باغ\$دن 3 کیلومتره-لک مسافه-ده، '18° 21 عرض شمالی ایله 74° طول شرقیده واقع بر شهر اولوب، 34540 اهالیسی وارد. بو شهر بوندن اول پک بیوک و معمور اولوب، بر آره-لق سلاله تیموریه-نک پایتختی بولنمشیدی. الیوم اکثر طرفلری خراب ایسه ده، معموریت سابقه-سنک بر چوق آثاری باقیدر. صیرمه-لی ایپک قماشلری مشهور اولوب، 5000دن زیاده عمله بو صنعتله مشغولدرلر.

10-1302-2

برهانپور

هندستانده بنکاله خطه-سنک مرشد آباد ایالتنده، کلکته-نک 188 کیلومتره شمالنده و مرشد آبادک 8 کیلومتره جنوبنده اوله-رق، کنک ایرماغی قوللرندن %بیکیراتی\$ نهری اوزرنده بر شهر اولوب، 27110 اهالیسی وارد. هواسی صاغلام اولدیغندن، انکلیزلر بر طاقم کلیسالر و مکتبلر تأسیس، و شهری تزیین و توسیع ایتمکه باشلامشدرلر.

11-1302-2

برهانپور

هندستانک %مدراس\$ دائره-سنده و %کنجام\$ ایالتنده بر شهر اولوب، کنجامک 32 کیلومتره جنوب شرقیسنده و بنکاله کورفی ساحل غربیسندن 16 کیلومتره-لک مسافه-ده، قورو بر اووه-نک اورتیه-سنده واقعدر. 20000 اهالیسی وارد. شهر پیس ایسه ده، چارشو و بازارلی پک ایشلکدر، و کلیتلی ایپک و پاموق قماشلری اعمال اولنور. *- بو اسمله هندستانده بر قاچ کوچک قصبه دخی وارد.

12-1302-2

برهان عمادشاه

هندستانک %برار\$ خطه-سنده حکومت سورن دولت عمادیه ملوکندن اولوب، پدری دریا عمادشاهک وفاتی اوزرینه، تخت موروثنه جلوس ایتمش ایسه ده، حادثت سنی حسبیله، متعاقباً یعنی 980 تاریخ هجریسنده

وزیری طفیل خان حکومتی ضبط ایتمش؛ و هر نه قدر نظام شاه عسکر سوق ایده-رك، طفیل خان مغلوب ایتمش ایسه ده، صاحب ترجمه-یه تختی اعاده ایتمدیکندن، بو ذات سلاله عمادیه-نك حکمدار اخیری اولمشدر.

1-1303-2

برهان ناقد

هندستان شعراسندن اولوب، شاهجهان نامنه ((دل آشوب)) عنوانیله بر منظومه یازمشدر.

2-1303-2

برهان نظام شاه اول

هندستانك دکن خطه-سنده حکومت سورن دولت نظامیه حکمدارلرندن اولوب، 914 تاریخ هجریسنده، پدري احمد نظام شاهك وفاتی اوزرینه، 7 یاشنده اولدیغی حالده، احمد نکر شهرنده جلوس ایله، 961 تاریخنه-دك 47 سنه حکومت سورمشدر.

3-1303-2

برهان نظام شاه ثانی

ینه دولت نظامیه ملوکندن اولوب، 999 تاریخ هجریسنده برادری مرتضی نظام شاه اوله خلف اولمش؛ و برادرینك وفاتنده کندیسی اکبر شاهك سراینده بولنمغله، غیبوتنده تختی ضبط ایتمش اولان کندی اوغلی اسماعیل نظام شاهی بعد الاخراج، 4 سنه حکومت سورمشدر. مدت حکومتی بیجاپور حکمدارلرینه قارشی محاربه ایله کچوروب، بر چوق مغلوبیتلره دوچار اولمش؛ و پورتکیزلیلر مملکتی سواحلنك چوغنی ضبط ایتمشدر ایدی. 1003 تاریخنده وفات ایدوب، اوغلی ابراهیم نظام شاه خلفی اولمشدر. شعرادن مولانا ظهوری 4000 بیتدن مرکب اولان ساقینامه-سنی صاحب ترجمه-نك نامنه یازمشدر.

4-1303-2

برهن، سریدال بیک

ایران شعراسندن اولوب، عن اصل کرجی اولدیغی حالده، شاه سلیمان صفوینك کوله-لرندن ایدی. شو یکی بیت جمله اشعارنددر:

@@@

خون مارا نوشکاران بیمحابا ریختند
همچو برك لاله بر دامان صحرا ریختند
شوخی بیداد مژگان تو درجانم گرفت
آه از آن مستان که غافل بر سرما ریختند
\$

5-1303-2

برهوت

حضر موده بر وادی و بر قیو اولوب، صولری متعفن و سیاه اولمغله، ارواح کفارک مقری اولدیغی مشهوردر.

6-1303-2

بر هوشع

يونانيلر و آوروپاليلرجه (بروس) اسميله شهرت بولان بابليل بر حكيم و مورخك اسم صحيحدر. ((بروس)) ماده-سنه مراجعت بيوريله.]

7-1303-2

برى

1# ياخود 2#

فرانسه-نك وسطنده واقع اسكى بر خطه-سى اولوب، شمالاً %اورليانه\$، غرباً %تورنه\$ و %پوانو\$، جنوباً %مارشه\$، شرقاً دخى %بوربونه\$ و %نيورنه\$ خطه-لريله محاط و محدود ايدى. اراضيسى منبت و محصولدار اولوب، حبوبات متنوعه ايله كتان، كنوير و شراب محصولاتى چوقدر. مركزى %بورژه\$ شهرى اولوب، آشاغى و يوقارى برى اسملريله ايكي-يه منقسم ايدى. بو خطه-نك حاوى اولديغى يرلر اليوم %ايندره\$ و %شر\$ ايلتليله %لوآر مع شر\$ و %قروزه\$ ايلتليليك برر قسمنى تشكيل ايدور. [زياده معلومات ايجون بو ايلتليلك اسملرينه مراجعت بيوريله.] بو خطه قرون وسطاده قونتلوق و بعده دوقه-لق عنوانيله و نيم مستقل صورتده اداره اولنوب، 1601 تاريخنده فرانسه-يه الحاق اولنمش؛ و او وقتدن برى (برى دوقه-لغى) برقورو عنوان اوله-رق فرانسه خاندان قراييسى اعضاسندن بعضيسنه ويرلمشدر. *- (برى جدولى) لوآر ايرماغنه متوازي اولان جدول ايله مذكور ايرماغك تابعلرندن %شر\$ نهري آره-سنده سير سفاننه صالح بر بيوك جدول اولوب، %برى\$ خطه-سنى شق، و %بورژه\$ شهرى يانندن مرور ايدر.

8-1303-2

بريا

1#

سلانيك ولايتنده-كى %قره فريه\$ قصبه-سنگ اسم قديميدر. ((قره فريه)) ماده-سنه مراجعت بيوريله.]

9-1303-2

بريان

1#

ايرلانده حكمدارلرندن اولوب، 926 تاريخ ميلاديسنده طوغمش، و 1014 تاريخنده وفات ايتمشدر. 36 سنه جزيره-نك قسم جنوبيسنده حكم سوروب، دانمارقه-ليلرى 49 محاربه-ده مغلوب و نهايت ايرلانده-دن چيقمغه مجبور ايتمشدر. بونك سلاله-سى (اوبريان) اسميله 500 سنه حكم سورمشدر. ((اوبريان)) ماده-سنه مراجعت.]

10-1303-2

بريانسون

1#

فرانسه-نك ((يوقارى آلب)) ايلتنده، %دورانسه\$ نهري نك ساحل يميننده و %غاپ\$ك 91 كيلومتره شمال شرقيسنده قضا مركزى بر قصبه اولوب، 4500 اهالييسى واردر. حذاي بجردن 1321 متره مرتفع بر موقعه واقع اولوب، بربرلرينه قيانك آلتندن كيزلى يولرله مربوط 7 قلعه-سى، ديكر بعض استحكاماتى، پك مرتفع بر كوپريسى، مكتبى و بعض فابريقه-لرى واردر. پك اسكى بر شهر اولوب، روما دولتنك سقوطندن صكره خيلى زمان بر جمهوريت مستقله حالنده اداره اولنمشيدى. شهر ايله جوارلرينى حاوى اولان خطه-يه دخى %بريانسونه\$ نامى ويريليردى.

1-1304-2

بريانه

1#

فرانسه-نك % اوبه\$ ايالتنده ناحيه مركزى كوچك بر قصبه اولوب، وقتيله نيم مستقل بر قونتلغك مركزى بولمغله، قونتلرندن بعضلرندن طولايى كسب شهرت ايتمشدر. 1790ده لغو اولنمش بر حربيه مكتبى دخی وار ایدی، كه بيوك بوناپارت بو مكتبه تحصیل ايتمشیدی. *- بريانه قونتلرندن (غوتيه) اون ايكنجى قرن ميلادى اواخرنده سيچليا قر اللغه انتخاب اولنمش ايسه ده، فعلاً اجراى حكومهته موفق اوله-مامشدر. *- ينه بريانه قونتلرندن (ژان) 1209 تاريخ ميلاديسنده قدسه-كى اهل صليب حكومتنگ قرالى (قونراد)ك قيزى (ماريه-يى) تزوج ايتمگله، 1217ده مجارستان قرالى (آندريا) ايله برابر بىشنجى اهل صليب سفرينك قوماندنه-سنى در عهده ايدنه-رك، زوجه-سنگ ميراثى اولان قدس قر اللغنى ضبطه چاليشمش ايسه ده، ايكنجى فرديقه غالب كله-ميوب، 1229ده قسطنطينيه-يه جلب اولنمش؛ و ابتدا ايكنجى (بودون)ك وصيسى اولمش ايسه ده، 1231ده كندى ايمپراطورلغنى اعلان ايدنه-رك، روملر و بلغارلرله بر چوق محاربه-لر ايتمش؛ و 1237ده، پك اختيار اولديغى حالده، وفات ايتمشدر.

2-1304-2

بريانه

اندلسده قرطبه-نك شرفنده اوله-رق بلنسيه اعمالندن بر قصبه اولديغنى ياقوت حموى ذكر ايدبور.

2-1304-3

بريتانيقوس

1#

روما ايمپراطورلرندن (قلود)ك اوغلى اولوب، تخته جلوسى مقرر ايكن، اوكى والده-سى (آغريبينه)-نك دسايسيله بو حقدن محروم قالوب، مرقومه-نك اوغلى (نرون) جلوس ايتمشیدی. صاحب ترجمه 15 ياشنده اولديغى حالده، نرون طرفندن تسميم اولنمشدر. (راسين) بو وقعه-يى كوزل بر هائله صورتنده نظمه چكمشدر.

2-1304-4

بريجتوون

1#

آمريقاده-كى % آنتيل\$ آطه-لرندن انكلتره-نك النده بولنان % بارباده\$ آطه-سنگ مركزى اولان بر شهر و اسكله اولوب، % قارليسله\$ قوينك ايچنده واقعدر. كوزل بر شهر اولوب، 20000 اهاليسى و كوزل بر كليساسى واردر. 1780ده فرطونه-دن خراب اولمشیدی.

2-1304-5

بريجواتر

1#

انكلتره-نك % سومرست\$ ايالتنده و بريستولك 40 كيلومتره جنوب غربيسنده واقع بر قصبه اولوب، 13000 اهاليسى، كوزل بر كوپريسى، مشهور بر جدولى، خيلى فابريقه-لرى و ايشلك تجارتي واردر. *- بريجواتر دوقة-سى عنوانيله انكلتره رجالندن تميز ايتمش بعض آدملر واردر.

6 - 1304-2

بُریده

نجدده ریاضك 350 کیلومتره شمال غربیسنده و حیلک 180 کیلومتره جنوبنده بر شهر اولوب، %قصیم\$
خطه-سنگ مرکزیدر. اهالیسی 25000 کشی راده-لرنده اولوب، و هابی المذهبدرلر. ایکی سورله محاط اولوب،
کوزل سوقاق و میدانلری و ایکی سورک آره-سنده باغچه-لری و شیخک اقامت ایندیکی قدیم بر قصری واردر.
اسکیدن بنی علیان قبیلله-سندن بر شیخی اولوب، بعده فیصل و هابی طرفندن ضبط اولنمشیدی. 1233 تاریخ
هجریسنده مصرلی ابراهیم پاشا بو شهری دخی و هابیلردن استخلاص ایلمش ایسه ده، متعاقباً ینه و هابیلرک الینه
دوشمشدر.

7-1304-2

بریده، ابو عبدالله -* - بن حصیب

صحابه-دن اولوب، حضرت فخر کائنات (صلعم) افندمک اثنای هجرتلرنده قومیلله برابر اسلامه کلمش؛ و احد
غزاسندن صکره مدینه منوره-یه کیدوب، اوندن صکره وقوع بولان غزواتده حاضر بولنمشیدی. بعده بصره-یه
کیدوب، بر مدت اوراده ساکن اولدقن صکره، غزا طریقله خراسانه کیدوب، مروده ساکن اولمش؛ و اوراده
وفات ایدوب، اولاد و احفادی اوراده قالمشدر. اوغلی عبد الله و ساطتیلله منقول بعض احادیث شریفه صاحب
ترجمه-دن مرویدر. -* - (بریده بن سفیان سلمی) اسمنده صحابه-دن دیگر بر ذات دخی بولندیغی مروی ایسه
ده، ابن اثیر بونک صحابه-دن اولمدیغی بیان ایدور.

8-1304-2

بُریر، ابو هند -* - بن عبد الله الداری

صحابه-دن اولوب، بعده قدس شریفه ساکن اولمش، و بعض احادیث شریفه نقل ایتمشدر. -* - صحابه-دن ابو
هریره-نگ دخی اسمی (بریر) اولدیغی مرویدر.

1-1305-2

بُریره

صحابیاتدن بر خاتون اولوب، حضرت عائشه-نگ معتقه-سی ایدی. جاریه ایکن، (مغیث) اسمنده بر کوله-یه
تزوچ ایدلمش اولدیغی حاده، آزاد اولدقن صکره، جانب رسول الله مومی الیهک تحت نکاحنده قالوب
قالماغه تخییر بیورلمشیدی. بو وقعه آزاد وقوعندن اول کی نکاحک آزاددن صکره باقی اولوب اولمیه-جغی
حقتده کتب فقهیه-ده پک چوق اختلافاته سبب اولمشدر. صاحبه ترجمه متقیه بر خاتون اولوب، عبد الملك بن
مروانه قبل السلطنه بعض نصایح مفیده ویرمش اولدیغی مرویدر.

2-1305-2

بريستول

1#

انکلتره-نگ غلوچستر ایالتنده بیوک بر شهر و اسکله اولوب، لوندنه-نگ 180 کیلومتره غربنده و %آون\$
نهری اوزرنده اوله-رق، نهر مذکورک منصبندن 15 کیلومتره یوقاریده واقعدر. 207000 اهالیسی، کوزل
مسیره-لری، کوزل بر اصمه کوپریسی، اوستی اورتیلی چارشیسی، مصنع بر کلیسای، بر قاچ دمیر یولی،
دار الفنونی، کتبخانه-سی، باقیر و سائر معادنن انواع آلات و ادواتله طوپلی ایکنه، صابون، پورسلن، اجزای
کیمیویه و سائر فابریقه-لری و پک ایشلک تجارتي واردر. جوارنده (بريستول) اسمیلله معروف بر نوع طاش
چیقوب، بوندن الماس تقلیدی اوله-رق زینته متعلق شیلر اعمال اولنور. بو شهر انکلتره-نگ اک تجار تکاه اولان
4 اسکله-سندن بریدر. -* - بریستول کورفری ایرلانده دکیزنده %غال\$ خطه-سیله نفس انکلتره-نگ قسم

جنوبیسی آره-سندھ اوله-رق، طولی 200 و عرضی 170 کیلومتره-در. %سورن\$ ایرماغیلہ %آون\$ نہری بو کور فزہ دوکیلور.

3-1305-2

بریسغاؤ

1#

آلمانیانک اسویچرہ-نک شمالندہ واقع بر خطہ قدیمہ-سیدر، کہ وقتیلہ مستقل بر قونتلق اولوب، 14نجی قرن میلادیہ آوستریانک الینہ کچمشیدی. 1805دن بری بادن بیوک دوکہ-لغنه ملحقدر.

4-1305-2

بریسو

1#

فرانسه مشاہیر ادباسندن اولوب، 1754 تاریخ میلادیسندہ %شارترہ\$-دہ طوغمشدر. ژان ژاق روسونک افکارینہ تابع اولوب، صنوف بشر بیندہ مساواتی التزام ایتدیکندن، %باستیلہ\$ قلعه-سنہ حبس اولنمش؛ و حبسندن قورتلدیغندہ، انکلترہ-یہ کیدوب، علمی بر غزتہ نشر ایتمکہ باشلامشیدی. آمریقایہ دخی بر سیاحت ایتدکن صکرہ، 1789دہ فرانسه-یہ عودت ایدوب، اختلالہ قاریشمش، و جمہوریت طرفداری بر غزتہ نشرینہ باشلامشیدی. حکومت موقتہ-نک مجلس ادارہ-سی اعضالغنه نصب اولنہ-رق، آوستریایہ و بعدہ انکلترہ و فلمنکہ اعلان حرب اولنمسنی ترویج ایتمشیدی. جمہوریت طرفداراننک معتدل بر فرقہ-سی ریاستنہ کچمکلہ، (روبسپیر)ک خصوصمتنی قزانوب، فرانسه-نک حکومت متفقہ حالنہ وضعی فکرندہ بولنمغلہ اتهام، و 1793دہ اعدام اولنمشدر. امور سیاسیہ و عدلیہ-یہ متعلق بر قاچ اثری و آمریقایہ بر سیاحتنامہ-سیلہ دیگر بعض آثاری وارد.

5-1305-2

بریغ

1#

انکلترہ مشاہیر ریاضیونندن اولوب، 1556دہ طوغمش، و 1630دہ وفات ایتمشدر. لغارتمہ اصولنی اکمال ایلہ بر ابر ہیئت و جغرافیایہ متعلق بعض کشفیات نافعہ-یہ موفق اولمشدر. لوندرہ و اوقسفورد دار الفنونلرنندہ ریاضیہ معلمکی ایتمشدر.

6-1305-2

بریغتون

1#

انکلترہ-نک %سوسکس\$ ایالتندہ و لوندرہ-نک 80 کیلومترہ جنوبندہ بر شہر و اسکله اولوب، 114672 اہالیسی 300 مترہ طولندہ معلق بر ریختمی، پک مشہور دکن حماملری، چلیکلی معدن صولری و شرق اصولندہ بر سرایی وارد. یازین استحمام و تفرج ایچون پک چوق خلق طویلانییر. بو شہر 60 سنہ اول عادتا بر قریہ ایکن، قرال دردنجی جورجک اورادہ بر صیفیہ یاپدیرمسی اوزرینہ، از مدتہ بیوک بر شہر اولمشدر.

7-1305-2

بریکنز

1#

آوستریانك تیرو ل خطه-سنده، %اینسپروك \$ك 70 کیلومتره جنوب شرقیسنده بر قصبه اولوب، 4500 اهالیسی، مصنع بر کلیساسی و كوزل شرابی واردر.

8-1305-2

بریکز هام

1#

انكلتره-نك %دون \$ ایالتنده و %توربای قوینده بر قصبه اولوب، %دارموت \$ك 7 کیلومتره شمال شرقیسنده واقع و 5100 اهالیسی جامعدر.

1-1306-2

بریکه

عربده کرم و ظرافتله مشهوره بر قادین اولوب، مدینه منوره-ده بر مسافرخانه-سی وار ایدی.

2-1306-2

بریکته، سنته -*

1#

اسوچ پرنسلرندن (براهه) عائله-سنه منسوب (بریکر) ک قیزی اولوب، زوجنك وفاتنده، 8 اولادینی ترکله، بر مناستر تأسیس ایده-رك، اسمنه نسبتله یاد اولنان بر راهبه-لر طریق ایجاد ایتمشدر. 69 یاشنده اولدیغی حالده، قدسی زیارت ایوب، عودتنده 1373 تاریخ میلادیسنده روماده وفات ایتمشدر. تشرین اولك 8نده یورطیسی اجرا اولنور.

3-1306-2

بریکیده، سنته -*

1#

ایرلانده-نك حامیه-سی عد اولنان بر غزیزه-در، که ایرلانده-ده طوغوب، قوجه-یه وار مقسزین، بر مناستر تأسیس، و اطرافنه بر طاقم راهبه-لر جمع ایله، یکی بر طریق ایجاد ایتمشدر. 525 تاریخ میلادیسنده وفات ایوب، شباطك برنده یورطیسی اجرا اولنور.

4-1306-2

بریل

1#

فلنکلی مشهور بر رسام اولوب، 1556ده آنورده طوغمش، و 1626ده روماده وفات ایتمشدر. برادری ماتیودن تحصیل ایتمش ایسه ده، مهارتده اونی کچمشدر.

5-1306-2

بریندیسی

1#

ایتالیانك %اوترانتة\$ ایالتنده و آدریاتیق دکیزی ساحلنده اوله-رق اوترانتة-نك 80 کیلومتره شمال غربیسنده واقع بر قصبه و اسکله اولوب، 9200 اهالیسی، لیمانی و کوزل باغچه-لری واردر. وقتیله خیلی بیوک و مهم بر شهر اولوب، اون اوچنجی قرن میلادیده دخی 60000 اهالیسی وار ایدی. آوروپانك هر طرفندن کلن بر بیوک دمیر یول خطنك منتھاسی و بو وجهله بتون آوروپانك اك بیوک اسکله-لرندن بری اوله-لی، اسکی اهمیتینی یکیدن قزانمغه باشلامشدر.

6-1306-2

بریوه

1#

فرانسه-نك %قورزه\$ ایالتنده و %توله\$ شهرینك 29 کیلومتره جنوب غربیسنده اوله-رق %قورزه\$ نهری اوزرنده قضا مرکزلی بر قصبه اولوب، 12000 اهالیسی، مکتبی، کتبخانه-سی و بعض فابریقه-لری واردر.

7-1306-2

بریوه

1#

فرانسه-ده پارسك جنوب شرقی جهتنده کوچك بر اسکی خطه اولوب، بر قسمی ((فرانسه آطه-سی)) و دیگر ی شامپانیه خطه-لرینه مربوط ایدی. الیوم %سینه مع مارنه\$ ایالتنك قسم اعظمی تشکیل ایدبور.

8-1306-2

بز

1#

پروتستانلغك رؤساسندن اولوب، 1519 تاریخنده %وزلی\$ده طوغمش؛ و کنجکنی سفاهتله کچوروب، لاتین لساننده بر طاقم عزالیات دخی سویلمشیدی. 1548ده سفاهتدن ازکچه-رک، جنوه کیتمش، و (قالوین)ک احبا و شاکردانی صره-سنه کچوب، پروتستانلغی قبول ایتمشیدی. بر وقت اسویچره دار الفونلرنده تدریسله مشغول اولدقن صکره، فرانسه-یه کیدوب، پروتستانلغی نشر، و ناواره قرالنی بو مذهبه جلب ایتمکله، او صره-ده فرانسه-ده ظهور ایدن مذهب محاریاتنك وقوعنه سبب اولمشدر. 1564ده (قالوین)ک وفاتی اوزرینه پروتستانلرک ریاستی صاحب ترجمه-یه قالمش، و 1605ده واقع اولان وفاتنه دکین مذهبنی نشر ایتمکله مشغول اولمشدر. حضرت داودک مزامیرینی نظماً و انجیلی نثراً فرانسزجه-یه ترجمه ایتمش، و دیگر بعض اثرلر دخی بر اقمشدر.

9-1306-2

بز اخه

نجدده بنی اسده منسوب بر صویک اسمی اولوب، حضرت ابا بکر صدیق (رضه)-ک زمان خلافتنده ادعای نبوته جرات ایدن (طلیحه بن خویلد) ایله حضرت خالد بن ولیدک قیادتی تحتنده بولنان عسکر مسلمین بیننده وقوع بولمش اولان محاربه ایله مشهوردر. صحابه-دن عکاشه بن محصن اسدی بو محاربه-ده شهید اولمشدر. *- بو محاربه (یوم بز اخه) دینمکله مشهوردر. طلایحه-نك قانندی اولان (عیینه بن حصن) محاربه اثناسنده طلایحه-دن آیرلمغله، کذابک عسکری منهزم اولوب، عیینه اسیر دوشمش؛ و حضور خلیفه-یه کونوریلوب، عفو مظهر اولمشیدی. طلایحه ایسه بر روایتده مدینه منوره-یه کیدوب، توبه و استغفار ایتمش؛ و دیگر بر روایتده شامه قاچوب، بعده حضرت عمر بن خطاب (رضه)-ک زمان خلافتنده غزاة مسلمین طرفندن طوتیله-رق، مدینه-یه کونورلدکده، توبه ایده-رک، عفو و امان بولمشدر.

10-1306-2

بزاز

بصره قربنده %ميسان\$ نهري ساحلنده بر كوچك قصبه اولديغي ياقوت حموي ذكر ايدپور.

11-1306-2

بُزاعه

حلب ولايت و سنجاغنگ باب قضااسنده و باب قصبه-سنگ جهت شرقيه-سنده اوله-رق، حلبدن منبجه كيدن طريقك اورته-سنده بر كوچك قصبه اولوب، مياہ جاريه-سي چوقدر. شاعر ابن فرس و ابو فراس ايله ديكر بعض ادبانك مسقط رأسيدير.

1-1307-2

بزانسون

1#

فرانسه-ده دوب ايالتنگ مركزي بر شهر اولوب، %دوب\$ نهري اوزرنده و پارسك 350 كيلومتره جنوب شرقيسنده واقعدر. 54500 اهالي سي، آقادميا و دار الفنونى، طوجى مكتبي، مكتب اعداديسى، مصنع بر پروتستان كليساسى، موزه-سى، كتبخانه-سى، جمعيت علميه-سى، كوزل بر كوپريسي، بر اسكى سرايى، بعض آثار عتيقه-سى، خالى، چوراب، اجزاي كيميويه، مسكرات، ساعت و سائره فابريقه-لرى و يك ايشلك تجارتي واردر. ينجى قول اردونك مركزي اولمغله، مستحكم حالنه فونيلوب، خيلى قيشله-لرى و بر باروت فابريقه-سى دخى واردر. بر چوق مشاهيرك واز جمله شاعر شهير (ويقتور هوغو)نك وطنيدر. اسكى بر شهر اولوب، اسم قديمى %وزونتيو\$در.

2-1307-2

بُزُرجمهر

ملوك ساسانيه-دن مشهور نوشروان عادلک وزيرى اولوب، عقل و حكمتيله مشهوردر. افعال و اقوال حكيمانه-سى حقدنه يك چوق نوادر منقولدر. هنددن دخى بر طاقم كتابلر جلب ايدوب، لسان پهلوى-يه ترجمه ايندير مشيدى. چوق زمان معمر اولوب، هر مز ثالث بن نوشروانك زماننده و ميلادك 580 ويا 590 تاريخلرنده وفات ايتمشدر.

3-1307-2

بزرجمهرقى

ايران ادباسندن اولوب، قم شهرنده تولد و نشأت ايتمش؛ و عروض صاحبي سيفى ايله معاصر بولنمشدر.

4-1307-2

بزرک اميد، كيا -*.

قهستانده حكومت سورن ملاحده اسماعيليه-نك اينجيسى اولوب، بو دولتك مؤسسى اولان حسن صباحك امير لشكرى اوامغله، مرقومك وفاتنده يعنى 518 تاريخنده يرينه كچوب، 14 سنه حكومت سوردكن صكره، 533 تاريخنده وفات ايتمشدر. اوغلى كيا محمد خلقى اولمشدر.

5-1307-2

بزليانه

اندلسده مالقه قربنده بر كوچك قصبه اولوب، بعض مشاهير علمانك مسقط رأسى بولنديغنى ياقوت حموى ذكر ايدور.

6-1307-2

بزم عالم

والد ماجد حضرت پادشاهى سلطان عيد المجيد خان حضرتلرينك والده-سى اولوب، سلكان محمود خان ثانيك قاديئلر نندئر. جوامع شريفه و مكتب و چشمه كى خيرات و مبراتى پك چوق اولوب، يكى باغچه-ده مكل بر غربا خسته-خانه-سى دخى تأسيس ايتمشيدى. جوامع شريفه-سنگ الك بيوكى طولمه باغچه-ده سراى همايون قپوسنگ قارشيسنده و ساحل بحرده واقع والده جامع شريفيدر. 1269 تاريخنده ارتحال ايدوب، سلطان محمود خان حضرتلرينك تره-سنده دفن اولنمشدر.

7-1307-2

بزمى، عبد الله

قرن عاشر شعراسندن اولوب، فلبه-لى قاضى درويش چلبينك اوغلى ايدى. داءالفيله مبتلا اولمغله، طويل قاضى اسميله شهرت بولمشيدى. 988ده وفات ايتمشدر. شو بيت جمله اشعار ندر:

@@@

باشم اوستنده دكرمن يوريسه چرخ كى

بن نيجه فكر دقيق ايله جهانده اوكونم

\$

8-1307-2

بزمى

بو دخى عصر مذكور شعراسندن اولوب، آيدينليدر. روم ايلنده قضاده ايكن وفات ايتمشدر. شو بيت جمله اشعار نندئر:

@@@

قسمت اوليچق عارف ورنده مى و شاهد

تسيحله سجاده ويرلمش سكا زاهد

\$

9-1307-2

بزمى، محمد افندى

متأخرين شعرا دن اولوب، تكفور طاغليدر. 1149ده وفات ايتمشدر. شو ايكي بيت جمله اشعار نندئر:

@@@

بو كوتدر عيش و نوشك وقتى فوت ايتمك دكل لايق

بيلورسك كاربان عمرى زاهد اوتراق طوتمز

مذاق اولمش غم و افكار ايله طعن ايلمه صوفى

كلام نا سزايه بزمى شيدا قولاق طوتمز

\$

10-1307-2

بزمی استرآبادی، خواجه غیاث الدین محمد

ایران شعراسندن اولوب، شوخ مشرب بر آدم اولمغله، بو طبیعتندن طولایی قرن عاشر هجری واسطنده
استرآبادده قتل اولمشدر. شو رباعی جمله اشعارندندر:

@@@

جانا غم نیکخواه میباید داشت
فکر دل بیکناه میباید داشت
دل از کف عاشقان برون آوردن
سهلست ولی نگاه میباید داشت
\$

11-1307-2

بزمی دهلوی، عبد الشکور

هندستان شعراسندن اولوب، عن اصل کرخلی اولدیغی حالده، بر خیلی مدت شیرازده اقامتدن صکره، کوجراته
رحلتله، 1028 تاریخنده شاهجهان نامنه ((رت پدم)) عنوانیله بر منظومه یازمش؛ و بعده دهلیده اقامت
ایتمشیدی. شو بر ایکی بیت مذکور منظومه-سندندر:

@@@

طوطی بزبان سحر گفتار
از حسن پدم بخواند طومار
کفتا پد مست دخت شاهی
رویش بفروغ همچو ماهی اغ
\$

1-1308-2

بزمی همدانی، میر عقیل

ایران شعراسندن بر ادیب و طبیب اولوب، شاه عباس ماضییه منسوب ایدی. فرهاد و شیرین حکایه-سنی کمال
بلاغتله نظمه چکمشدر. شو رباعی جمله اشعارندندر:

@@@

ای کاش غم یار بیسازار فرو شند
تاجان دهم آنجا که غم یار فرو شند
رحمت بر این بلبل شوریده که کلرا
بینسد که بچینند و بسازار فرو شند
\$

2-1308-2

بزبع

ازدی. صحابه-دن اولوب، اوغلی عباس کندیسندن بعض احادیث شریفه نقل ایتمشدر.

3-1308-2

بزیه

1#

فرانسه-نك % هرولت \$ ايالتنده و % مونتيپليه-\$ نك 56 كيلومتره جنوب غرببيسنده قضا مركزى بر قصبه اولوب،
% اوربه \$ نهريله % لانكدوق \$ جدولنك برلشدكلرى محلده واقعدر. 38227 اهاليلى، مكتبى، كئبخانه-سى،
اسكى بر سوريله بر قلعه-سى، صو يولى و سائر بعض آثار عتيقه-سى واردر. شرابى و شكرلمه-لرى
مشهوردر. اندلسى فتح ايدن غزاة مسلمين بو قصبه-يى دخى ضبط ايله بر قاچ سنه تحت اداره-لرنده طوتدقن
سكره، 736 تاريخ ميلاديسنده شارل مارتل استرداد ايتمشدر.

4-1308-2

بس

1#

تراكى خطه قديمه-سنگ غرب جنوبى جهتنده وردوب سلسله-سى جوارلرنده ساكن بولنمش اولان بر قوم قديمك
اسمى اولوب، بونلر وحشيلكلريله مشهور ايديلر. مركزلى % بسپاره \$ قصبه-سى ايدى.

5-1308-2

بسپاره

1#

قلمبه-يه مضاف اولان تاتاريپازار جغنگ اسم قديمى اولوب، زمان قديمه (بس) قومك مركزى ايدى.

6-1308-2

بسارابه

1#

رومانيا و بسارابيه جهتنده خيلى وقت اجراى حكم و نفوذ ايتمش بر عائله اولوب، بسارابيه خطه-سى دخى
بونلره نسبتله بو اسمله تسميه اولنمشدر. كنديلرى قسطنطينيه قيصرلرنين (قانتاقوزن) نسلندن اولدقلى
ادعاسنده بولنيورلردى. بونلردن 1265 تاريخ ميلاديسنده وفات ايدن قره رودولف بايدوخان چنكيزينك
غلبه-سندن استفاده ايله، افلاقى مجارلرك حكمندن قورتاروب بر پرنسلك تشكيل، و بكرشى تاسيس ايتمشدر.
*- بونك نسلندن اولان (ميركه) افلاق (وويوده-سى) اولديغى حالده، قوصوه محاربه-سندده صربلرله متفقاً
حرب ايدوب، مغلوبيتى اوزرينه، دولت عثمانيه-يه تابع و مطيع اولمشيدى. *- خلفلرنين ميخال، ماتيو و
قسطنطين افلاكى تابعيت عثمانيه-دن چيقارمق اوزره دفعاتله عصيان، و جوارلرنده بولنان حرسنيان
حكمدارلرله اتفاق ايتمشلرسه ده، دائماً مغلوب اولوب، بر نتيجه استحصال ايده-مه-مشلر؛ و نهايت مرقوم
قسطنطين، ظاهر اولان خيانتى اوزرينه، درت اوغليله برابر استانبوله جلب اولنه-رق، 1714 تاريخ ميلاديسنده
اعدام اولنمشدر.

7-1308-2

بسارابيا

1#

روسيه-نك منتهى شرق جنوببيسنده بر خطه و ايالت اولوب، شمالاً % پودوليا، شرقاً % كرسون \$ ايالتريله،
جنوباً قره دكيزله و طونه ايله، غرباً دخى بغدادله محدود و محاطدر. بو خطه رومانيدان % پروت \$ و
روسيه-نك سائر ايالتندن % دنيستر \$ نهرلريله ايرلمش اولوب، بر جزيره كيبدر. مساحه سطحيه-سى 45630
مربع كيلومتره و اهاليلى 1369075 كشى اولوب، مركزى % كيشنف \$ شهريدر. ديكر اهميتلى شهر و
قصبه-لرى : بندر، اسماعيل، خوتين، كيليا (كلى) و آق كرماندر. اطرافنده اولان بيوك نهرلرنين بشقه بر چوق
چاي و دره-لرى دخى واردر. اراضيسى دوز و اووه اولوب، طوپراغى يك منبت اولمغله، كليتلى ذخاير ايله
اوزوم و سائر ميوه-لرك انواعى حاصل اولور. مرعالى دخى چوقدر. اهاليلىنك قسم اعظمى رومان يعنى

اولاخ اولمغله، بو خطه كرك جنسيت اهاليجه و كرك تاريخجه اردل كبي رومانبايه عاندر. زمان قديمده %داجيا\$دن معدود اولوب، رومالي (ترايان) طرفندن داجيانك سائر طرفلريه برابر ضبط، و بعض روما مهاجرلريله اسكان اولمشيدي. بعده غوت، هون، آوار، چچنك كبي اقوام وحشيه طرفندن پايمال اولنه-رق، بر آره-لق مغوللرك و قريم تاتارلرينك دخي اليه دوشمشيدي. مؤخرأ مجارلر طرفدن ضبط اولنه-رق، 13نجي قرن ميلاديه (قره رودولف بساربه) يديله استقلالني قزانمغله، بساربا تسميه، و افلاق و بغدادله توحيد اولمشيدي. سلطان بايزيد خان ثاني دورنده 889 تاريخ هجريسندة دولت عثمانيه طرفندن فتح اولنه-رق، 1227 تاريخنه-دك اداره عثمانيه-ده قالدقن صكره، بكرش معاهده-سيله روسيه-يه ترك اولمشدر. 1273ده پارس معاهده-سي طونه ساحلنده-كي بر قسمني استرداد ايدوب، رومانبايه ويرمش ايسه ده، بو پارچه-يي دخي برلين معاهده-سي 1295ده روسيه-يه اعاده ايتمشدر.

1-1309-2

بَسَاسَه

زمان جاهليتده مكه مكرم-يه ويرلين اسملرك بريدر.

2-1309-2

بَسَاسِيرِي، ابو الحارث أرسلان بن عبد الله

عن اصل بهاء الدوله بن عضد الدوله بن بويه-نك كوله-سي ايكن، خلفاي عباسيه-دن قائم بامر اللهك رجالي صره-سنه كچوب، امرای اتراكدن اولمشيدي. انباري ضبط و ديكر بر طاقم خدمات ايفا ايتدكدن صكره، قدری بالاتر اولمش ايكن، هر نصلسه، خليفه ايله آره-لرنده برودت حاصل اولوب، صاحب ترجمه-نك مصرده-كي مستنصر فاطمي ايله مخابره-ده بولنديغي استخبار اولنمغله، 440 تاريخنده بغداددن چيقاريلوب، عقينده طغرل سلجوقي بغداده داخل اولمش؛ و بونكله بغدادده-كي اتراك آره-سنده منافرت ظهور ايتمسي اوزرينه، اتراكك چوغی بساسيرينك ياننه جمع اولنمغله، قوت بوله-رق، اببس بن مزيدله برابر موصلي قريش بن بدراندن ضبط ايتمش؛ و بعده مومي اليه قريشله دخي بالاتفاق، مستنصر فاطمي نامنه خطبه اوقوته-رق، مشار اليه طرفندن خلعتنه نائل اولمشيدي. بونك اوزرينه طغرل بكله محاربه-يه طوتيشوب، مؤخرأ 450 تاريخنده طغرل بك برادري ابراهيم اينالي همدانه طوغري تعقيب ايتمكده ايكن، بساسيري قريشله برابر بغداده كيروب، خليفه-يي اخذ و حبس، و رؤسادن برقاج ذاتي قتل ايله، مستنصر نامنه خطبه اوقوتمش ايسه ده، 451 تاريخنده طغرل بك برادريني قتل ايتدكدن صكره، بغداده دخول ايله، قائم بامر اللهی تحت خلافته اعاده ايدو-رك، بساسيري ايسه واقع اولان محاربه-ده قتل اولمشدر.

3-1309-2

بَسَاطِي

سمرقند شعراسندن و مولانا عصمت الله بخارينك تلامذه-سندن اولوب، ابتدای امرده حصير جيلقله مشغول اولمغله، (حصيري) تخلص ايتمشيدي. احفاد تيموردن خليل سلطان بن اميرانشاهك زماننده ياشامشدر. شو قطعه جمله اشعار ننددر:

@@@

شاه اسبي بشاعري بخشيد
كه چوتنديش چشم چرخ نديد
بود تند اين قدر كه از دنيا
نفسی تا باخرت بر سيد

\$

4-1309-2

بُسَاق

عرفات قربنده بر طاغك و مكه مكرمه ايله %جار\$ آره-سنده بر صويك اسمى اولديغى كى، صحراى تيه ايله %ايله\$ آره-سنده دخى بر عقبه-نك اسميدر.

5-1309-2

بسبس، الجهنى

صحابه-دن و انصار-دن اولوب، بدر غزاسنده حاضر بولنمشدر.

6-1309-2

بست

سجستان ايله هرات و غزنین آره-سنده بر بيوك بر شهر ايدى، كه مدنيت اسلاميه زماننده يك بيوك و معمور اولوب، باغ و باغچه-لريله و يك چوق علما و ادبانك وطن و منشئى اولمغله شهرت بولمشيدى. ابن حوقل غزته-دن 14 مرحله-ده بولنديغنى بيان ايدور. ياقوت حموى زماننده خرابه يوز طوتمش اولديغنى سويليور.

7-1309-2

بستان

[((البستان)) ماده-سنه مراجعت بيوريله.]

8-1309-2

بسحق

ياخود بسحاق (ابو اسحاق-دن مخفدر) اسمى احمددر. ايران مشاهير شعراسندن اولوب، شيرازليدر. سائر شعرا مى و محبوبه حصر كلام ايتدكلرى حالده، صاحب ترجمه اطعمه-نك وصف و مدحندن بشقه بر شى دوشونمه-مشدر. بناءً عليه (بسحق اطعمه) دينمكله شهرت بولمشدر. احفاد تيموردن اسكندر بن عمر شيخك منظورلردن ايدى. اشعارى لطيف و هزل آميردر. اكثر يا خواجه حافظ شيرازينك مصراعرلر ينى تضمين ايتمشدر. وفاتى 827 تاريخنده واقع اولمشدر. شو بر ايكى بيت جمله اشعار ننددر:

@@@

جمال بره بر يان و حسن دنبيه قريه

چنان بردنند صبر از دل كه ترکان خوان يغمارا

چه آرايى بمشك وز عفران رخسار پالوده

برنك و بوى و خال و خطچه حاجت روى زيبارا

\$

9-1309-2

بُسر، ابو عبد الرحمن *- بن ارطاة

صحابه-دن اولوب، حضرت فخر عالم (صلعم) افندمزه بيتشمش ايسه ده، طفل اولوب، صحبتته نائل اوله-مامشدر. حضرت عمر بن الخطاب (رضه)-ك خلافتنده عمرو بن العاصه امداد ايچون مصره كوندريلن عسکر مسلمين ايچنده بولنمش؛ و بعده شامده قالوب، معاويه-يه انتساب ايتمشيدى. حضرت على (رضه) طرفندن حجاز و يمنده بولنان ولاته قارشى كوندريلوب، حضرت مرتضانك طرفنى التزام ايدنلر حقتده يك چوق غدر و ظلم و خيانتلر ارتكاب ايتمشدر. جابر بن عبد الله و ابو ايوب انصارى حضرتلرى بونك شرنندن مدينه منوره-يى تركله قاچمغه مجبور اولان صحابه و صلحا جمله-سندندر. نساء مسلمينى ك اول سبى ايدن بو آدم

اولوب، بمنده پك چوق مؤمناتی بو حاله دوچار ایتمشیدی. بر روایتده معاویہ-نك زماننده مدینه-ده، و دیگر بر روایتده عبد الملك بن مروانك زماننده شامده وفات ایتمشدر.

1-1310-2

بسر، بن ابی بسر المازنی

بو دخی صحابه-دن اولوب، اوغلی ابو صفوان عبد الله، برادری عطیه و همشیره-سی صماء دخی صحبتته نائل اولمشلردی. *- بسر بن راعی العیر، بسر بن سفیان، بسر بن سلیمان دخی صحابه-دندرلر.

2-1310-2

بسر اط

مصرك دقهلبه خطه-سنده و دمیاط قربنده بر قصبه اولدیغنی و %بلد التماسیح\$ دخی دینلدیکنی یاقوت حموی ذکر ایدیور.

3-1310-2

بسر فوت

حلب جوارنده بر قلعه ایدی، که ملك عادل نور الدین محمود بن زکینك فتوحاتنده خیلی اهمیتی اولوب، بعده خراب اولمشدر.

4-1310-2

بسطام

ایرانده خراسانك منتهای جنوب شرقیسنده و کرمان ایله قهستان آره-سنده بر قصبه اولوب، واسع بر اووه-ده و بر کوچك چاپك اوزرنده واقعدر. قربنده بر طاقم طاغر واردر. وقتيله خیلی بیوک و معمور و مستحکم بر شهر اولوب، چارشو و بازاری پك ایشلك ایدی. الماسی مشهور اولوب، خلافت عباسیه زماننده بغداده نقل و فروخت اولنوردی. بعده خراب اولوب، الیوم کوچك بر قصبه حالنده-در. مشاهیر اولیاء اللهدن بایزید بسطامی حضرتلریله بر چوق علما و ادبانك مسقط رأسیدر. ولی مشار الیهك تر به-سی قصبه-ك وسطنده واقعدر.

5-1310-2

بسطه

اندلسده جیان اعمالندن بر قصبه اولوب، ایچنده پاییلان سجاده-لرله مشهور اولدیغنی یاقوت حموی ذکر ایدیور. الیوم اسپانیوللرجه %بازه\$ اسمیله معروفدر. [(بازه)] ماده-سنه مراجعت بیوریله.]

6-1310-2

بسگت

خوقند جهتنده شاش خطه-سنده بر قصبه اولوب، بعض مشاهیر علمانك مسقط رأسی بولندیغنی یاقوت حموی ذکر ایدیور.

7-1310-2

بسکړه

جزايرده قسنطينه ايالتنده و قسنطينه-نك 232 كيلومتره جنوبنده، و زاب خطه-سندھ بر قصبه اولوب، بر سلسله جبالك جنوبى اتكنده و %وادی بسکړه\$ اسميله معروف بر نهرک کنارنده-در. 7000 قدر اهالیسی اولوب، يالكز 300 قدری و قصوری عرب و بربردر. اسکیدن سور و خندغی اولوب، فرانسزلر دخی بعض استحکامات علاوه ایتمشلدر. مدنیت اسلامیه زماننده بیوک بر شهر اولوب، چارشو و بازاری پک ایشلک و جوامع و مساجد و حماملری چوق ایدی. بعض مشاهیر علمانک دخی مسقط رأسی بولنمشدر. اطرافى منبت و محصولدار اولوب، خرمالری مشهوردر، و بو مناسبتله %بسکړه النخل\$ اسميله دخی معروفدر.

8-1310-2

بسکنتا

جبل لبنان سنجاغنک %متن\$ قضاسنده ناحیه مرکزی بر قریه اولوب، بیروتک 9 ساعت شرقنده واقعدر. -*. ناحیه-سی 9 قریه-دن مرکب اولوب، 5000 قدر اهالیسی واردر.

9-1310-2

بسمیل

دیاریکر ولایت و سنجاغنده و دیاریکرک 40 کیلومتره شرق جنوبیسنده اوله-رق دجله-نک ساحل یسارنده یعنی شمالنده بر کوچک قصبه-در.

10-1310-2

بسمل، حاجی محمد تقی

ایران شعراسندن اولوب، دامغانلیدر. قطعه سویلمه-ده مهارتی وار ایدی. -*. هندستان شعراسندن دخی بو مخلصه متخلص اوچ ذات بولنوب، بری (خواجه عبد العزیز کورکھپوری)، بری (امیر حسن کاکوروی) و بری ده عن اصل بدخشانی اولان (امیر محمد یوسف خان)در. شو بیت اوچجیبسنک جمله اشعارندندر:

@@@

زاهد توصیح و شام عبث شورمیکنی

الله اکبرست زالله اکبرت

\$

11-1310-2

بسوس

عند العرب شئامنده ضرب مثل حکمنه کچمش بر قادین اولوب، بر دوه جرحندن طولایی بکر ایله تغلب قبيله-لری آرہ-سندھ 40 سنه دوام ایدن بر حریه سببیت ویرمشدر.

1-1311-2

بسوس

1#

اسکندر ذوالقرنینک مغلوب ایتدیکی دارانک قاتلنه یونان مورخلری طرفندن ویریلن اسمدر. کندیسلی بلخ والیسی اولوب، %۱۰۰ اربیل\$ محاربه-سنده مغلوب اولان ولی نعمتنی قتل ایتدکن صکره، ولایت مذکور-یه عودتله، استقلال ادعاسنه قالدیشمش ایسه ده، متعاقباً اسکندر طرفندن قتل، و مملکتی ضبط اولنمشدر.

2-1311-2

بسیر

1#

بوناپارتک مارشاللرندن اولوب، بونک ایتدیکی محاربه-لرک اکثرنده حاضر بولنمش؛ و 1808ده، اسپانیاده-کی موقیاتی اوزرینه، %۱۰۰ ایستریا\$ دوقة-لغنه تعیین اولنمشیدی. 1813ده صاقسه محاربه-سنده قتل اولنمشدر.

3-1311-2

بسیره، بن عمرو

صحابه-دن اولوب، بدر وقعه-سنده حضرت رسول الله (صلعم) افندمز طرفندن ابو سفیانک عسکرینی معاینه-یه کوندریلن بو ذاتدر.

4-1211-2

بسیطه

شام ایله عراق آره-سنده-کی بادیه-نک بر قسمی اولوب، صوسز و عمراندن خالی بر چولدر. *- اندلسده دخی بو اسمله بر مملکت بولنوب، الیوم اسپانیوللر طرفندن (البسیطه)-دن محرف اوله-رق، %۱۰۰ الباسته\$ دینلیور. [(الباسته)) ماده-سنه مراجعت].

5-1311-2

بسیل، المطران

خلفای عباسیه زماننده کتب طبییه و فلسفیه-یی لسان یونانیدن لسان عربی-یه ترجمه ایدنلر دندر.

6-1311-2

بسیم، محمد *- افندی

متأخرین شعرای عثمانیه-دن اولوب، شیخ الاسلام اسبق عاشر افندی مرحومک اقریاسندندر. مولیدن اولوب، 1243 تاریخنده وفات ایتمشدر. شو بر ایکی بیت جمله اشعار نندندر:

@@@

نظر قصر بیک کیبی کوترش بولدی

نشیمن اوله-لی شاه خیاله دیده-لرم

کمر کوزندن ایدر آب حلقه-لی سان جوش

ایدنجه اشکی مژه مدن اساله دیده-لرم

\$

7-1311-2

بسیم، صالح *- افندی

بو دخی متأخرین شعرا دن اولوب، استانبوللیدر. خواجکندن اولوب، 1242ده وفات ایتمشدر. شو ایکی بیت جمله اشعارندندر:

@@@

بر زمان یار ایله همیزم می و صحبت ایکن
شمدی پیغوله هجرانه قودی شیوه حق
شمع فانوس خیال رخ دلداره بسیم
دل شوریده-یی سوزانه قودی شیوه حق
\$

8-1311-2

بشار، ابو معاذ بن برد العقیلی

مشاهیر شعرای عربدن اولوب، عن اصل طخارستانلی اولدیغی حالده، ملهبه بن ابی حفره طرفندن اسیر توتیلوب، بصره-ده ساکن اولمش؛ و بعده بغداده کیده-رک، مهدی بن منصور عباسی-یی مدح ایتمشیدی. آنادن طوغمه اعمی اولدیغی حالده، شعر و ادبده بینظیر ایدی. اون یاشنه وارمازدن شعر سویلمکه باشلامشیدی. اشعاری فوق العاده شهرت بولوب، افواه ناسده متداول ایدی. اعتقادی صاغلام اولمیوب، الحاده میلی وار ایدی. بر روایتده خلیفه مهدی-یی هجو ایتدیکندن، و دیگر بر روایتده بر شعرنده الحادی التزام ایتدیکندن، خلیفه-نک امریله ضرب اولنه-رق، 167 تاریخنده، پک مسن اولدیغی حالده، متأثراً وفات ایتمشدر. شو بر ایکی بیت جمله اشعارندندر:

@@@

یا قوم اذنی لبعض الحی عاشقة
والاذن تعشق قبل العین احیانا
قالوا بمن لاتری تهزی فقلت لهم
الاذن کالعین توفی القلب ما کانا
\$

9-1311-2

بشارت

اندلس عربلرینک اسپانیانک جنوبنده واقع %سیرانواده\$ جبالیله بو جبالدن آقان نهرلره ویردکلی اسمدر.

10-1311-2

بشاره، یاخود بشاریه

نویه-ده بولنان بجاقومنک اک بیوک قبیله-سی اولوب، بو اسم بعضاً بتون بجا قومنه دخی اطلاق اولنور. [(بجا)]
ماده-سنه مراجعت بیوریله.]

11-1311-2

بُشت

نیسابور جوارنده 226 قریه-یی حاوی بر ناحیه ایدی، که اهالیسی ایچنده ادبیات عربیه ایله توغل ایدن علما و ادبانک کترتی جهتیله %بُشت العرب\$ دخی دینلیردی.

12-1311-2

بُشتیر

شامك شرق جهتنده بر طاغ اولوب، فرات واديسنه-دك ممتد اولديغنى، و بعض معادنيله مشهور بولنديغنى
ياقوت حموى ذكر ايدبور.

13-1311-2

بشر بن براء

الخزرجى. صحابه-دن و انصار دن اولوب، ينه صحابه-دن سالف الترجمه براء بن معرورك اوغليدر. عقبه و
بدر و احد غزالرنده بولندقدن صكره، خيبر غزاسنده حضرت رسول الله (صلعم) افندمزله برلكده يديكى طعام
مسمومدن متأثراً بر روايتده درحال و ديكر بر روايتده بر سنه صكره وفات ايتمشدر.

1-1312-2

بشر بن حارث

الاوسى الظفرى. بو دخی صحابه-دن و انصار دن اولوب، برادرلری مبشر و بشير ايله برابر احد وقعه-سنده
حاضر بولنمشلردر. *- صحابه-دن و قریشدن ديكر بن بشر بن حارث واردر، كه حبشه هجرت ايدنلردن
اولوب، بدر وقعه-سندن صكره حجازه عودت ايتمشدر.

2-1312-2

بشر بن عاصم

الثقفى. صحابه-دن اولوب، حضرت عمر فاروق (رضه) طرفندن اهواز صدقاتنه عامل تعيين اولنمش ايسه ده،
مسئوليت اخرويه-دن احتراماً امور عباده قارشمغى قبول ايتمه-مشيدى. بعض محدثين كنديسنى تابعيندن عد
ايتمشلردر.

3-1312-2

بشر بن عبد الله

الانصارى، بشر بن عبد و بشر بن عرفطه الجهنى دخی صحابه-دن اولوب، برنجيسى يمامه غزوه-سنده شهيد
اولمش، و اوچنجيسى فتح مکه-ده حاضر بولنمشدر.

4-1312-2

بشر بن معاويه

البكائى. صحابه-دن و بنى كلابدن اولوب، پدرى معاويه بن ثور ايله برابر نزد حضرت پيغمبرى-يه كیده-رك،
اسلامه كلمش؛ و حضرت رسول الله (صلعم) مبارك ايله بونك باشنى مسبح بيورمشلر ايدى.

5-1312-2

بشر بن المعتمر

مشاهير متكلميندن اولوب، معتزله-دن (بشريه) دينلان طائفه-نك رئيسيدر.

6-1312-2

بشر بن المعلى

بن ابى رود العبدى، بشر بن الهجنع البكائى و بشر بن هلال العبدى صحابه-دندرلر.

7-1312-2

بشر حافى

اولياء اللمهدن بر ذات اولوب، 150 تاريخ هجرىسنده مروده طوغمش؛ و بعده بغداده كيدوب، طول مدت اوراده و عظ و نصيحتله مشغول اولدقن صكره، 227 تاريخنده ارتحال ايتمشدر. مواظه متعلق بك چوق اقوال حكيمانه-سى منقولدر.

8-1312-2

بشره

جبل لبنان سناغتك بترون قضاسنده و طرابلسك 7 ساعت شرق جنوبىسنده ناحيه مركزى بر قصبه اولوب، 3500 اهالىسى واردر. ناحيه-سى 9 قريه-يى حاويدر.

9-1312-2

بش طاغ

قافقاس سلسله-سنگ شمال شرقى قسمى اولوب، بر صره تپه-لرله، %البرز\$ سلسله-سنه دخى كسب ارتباط ايدور. مياه معدنه-سى چوقدر. بو طاغلك اتكلرنده جنس اتلر يتيشديرلديكنن، بطلميوس (هيبيق) يعنى ((جبال فرسيه)) تسميه ايتمشدر.

10-1312-2

بشكطاش

استانبول بوغازينك روم ايلي ساحلنده بيوك بر قريه اولوب، طولمه باغچه ايله اورته كوى آره-سنده واقعدر. پايتخت دولت عليه عثمانيه اولان قسطنطينيه شهرينك بر محله-سى حكمنده اولوب، مركزى بك اوغلنده اولان آلتنجى دائره بلديه-يه تابعدر. يالكز دكيز قبيسنجه ياليلردن عبارت اولمىوب، اوستنده-كى تپه-لره طوغرى ممتد اولور ماچقه، حصكى تارله-سى، يلديز، يكي محله، قليج على كى بر چوق محله-لرى جامعدر. چارشيسى، 2 حمامى، 20 قدر جامع و مسجدى، عسكرى و ملكى رشديه مکتبلىرى، ((حميديه)) ناميله بر مکتب ابتدائيسى واردر. بشكطاشك غرب جهننده طولمه باغچه سراى همايونى بولنديغى كى، شرق جهننده دخى چراغان و اوستنده-كى تپه-ده يلديز سراى همايونلى بولنيور. يلديز سراى همايوننك اطرافنده متعدد قشله-لر بولنديغى كى، ماچقه-ده دخى سلاحخانه اتخاذ اولنان غايت كوزل بر قشله و متعدد قره غولخانه-لر واردر. متعدد تكايا و تربه-لر دخى بولنوب، مشهور خير الدين باربروسك دخى تربه-سى ناميله ياد اولنان محله-ده بناكرده-سى بولنان جامع شريف جوارنده-در. جوامع شريفه-سنگ اك بيوكى قانونى سلطان سليمان خان زماننده صدر اعظم بولنمش اولان رستم پاشانك برادرى سنان پاشا طرفندن بنا ايدلمش اولان (بشكطاش جامعى) اولوب، اشيو عصر جليل حضرت عبد الحميد خاننده يلديز سراى همايونى جوارنده تاسيس بيوريلان (يلديز) و ارطغرل و حميديه جامع شريفلى دخى غايت لطيف و دلنشين بر طرزده-در.]((يلديز)) ماده-سنه دخى مراجعت بيوريله. [قبل الفتح بشكطاش دخى بوغاز ايچنك سائر جهنلىرى كى كوچك بر قريه حالنده اولوب، %ياسونيون\$ اسميله مسمى ايدى. كويا مشهور (آر غونوت) لرك رئيسى (ياسون) بو قريه-يه يناشوب، دمير آتمش اولديغندن، بو اسمله تسميه ايتمشلردى. سلطان محمد خان ثانى حضرتلى استانبولك فتحنده دونماسنى بورايه يناشديروب، كميلرى اورادن برأ كاغدخانه-يه نقل بيورمشلردى.

1-1313-2

بشیر آغا، حاجی -*

سلطان احمد خان ثالث و سلطان محمود خان اول زمان سلطنتلرنده 30 سنه متمادیا دار السعاده آغاسی بولنمش بر ذات اولوب، علی الخصوص دور سلطان محمود خانیده فوق العاده بر نفوذ قزانمشیدی. ابتدا سلطان احمد خان ثالثک مصاحبلرندن اولوب، 1125ده دار السعاده آغاسی سلیمان آغا ایله برابر قبریسه نفی اولنه-رق، و بعده مصره و اورادن حجازه کوندریله-رك، شیخ الحرم اولمشیدی. 1129 تاریخده دار السعاده آغاسی اولوب، سلطان احمد خانک آخر سلطنتنه دکین بو مقامده قالدقندن صکره، سلطان محمود خان اول طرفندن دخی ابقا اولنه-رق، عادتاً مرجع کل حکمنه کچمشیدی. 1159 تاریخده 96 یاشنده وفات ایتمشدر. باب عالی جورانده اسمیله یاد اولنور و (آغا جامعی) دینمکله دخی معروف بر جامع شریفیله اتصالنده مکتب و مدرسه و کتبخانه و چشمه-سی اولدیغی کبی، ایوبده بابا حیدر محله-سنده دخی بر دار الحدیثیله کتبخانه و مکتب و چشمه-سی و مدینه منوره-ده بعض خیراتی وارد. جامعی اتصالنده-کی کتبخانه-سی 1368 و ایوبده-کی دخی 219 جلدی حاویدر.

-* ینه مشار الیه سلطان محمود خانک دور سلطنتنده بر قاچ سنه دار السعاده آغاسی اولمش دیکر بر بشیر آغا دها وارد، که برنجیسنندن فرق ایچون (کوچک بشیر آغا) دینمکله معروفدر. بو دخی همنامی کبی نفوذ و اقتدار قزانمغه چالیشوب، علی الخصوص آدملری طائفه علمادن بعض ذواتی تحقیر ایتمش اولدقلرندن، دردست تهییه بولنان بر فالغک اوکنی الموق ایچون، 1165 تاریخده پادشاه مشار الیه کندیسنی قیزقله-سنده اعدام ایتمشدر. بونک دخی بعض خیراتی اولوب، وفاتنده 60 ملیون غروش نقودی و ارتشاسنی مبین بعض مخابراتی ظهور ایتمشیدی. -* بر اوچنجی بشیر آغا دخی سلطان مصطفی خان ثالث زماننده 1171ده دار السعاده آغاسی اولمشدر.

2-1313-2

بشیر انصاری، ابو رافع

صحابه-دن و انصاردن اولوب، کندیسندن بعض احادیث شریفه منقولدر. اسمی (بشیر) ویاخود بانک ضمی و شینگ فتحیله (بشیر) اولدیغی دخی مرویدر.

3-1313-2

بشیر بن ابی زید

صحابه-دن و انصاردن اولوب، عهد رسول الله (صلعم)ده قرآن کریمی جمع ایدنلرک بریدر. خلافت حضرت عمر (رضه) زماننده جسر وقعه-سنده شهید اولمش؛ و بر روایتده دها خیلی وقت معمر اولوب، صفین وقعه-سنده برادری (وداعه) ایله برابر معیت حضرت مرتضاده بولنمشدر. پدري ابو زیدک دخی صحابه-دن اولوب، احد واقعه-سنده حاضر بولندیغی مرویدر.

4-1313-2

بشیر بن اکال

معاوی. صحابه-دن اولوب، کندیسندن اوغلی ایوب واسطه-سیله بعض احادیث شریفه نقل اولنمشدر. حجه کیدرکن ابو سفیان طرفندن اسیر طوتیلان نعمان بن زید بن اکالک عمیجه-سیدر. اسمنک (بشیر) اولدیغی دخی مرویدر. -* بشیر بن انس انصاری، بشیر بن تیم، بشیر بن جابر عبسی و بشیر بن حارث عبسی دخی صحابه-دندر.

5-1313-2

بشیر بن الخصاصیه

صحابه-دن و مهاجریندن اولوب، اواخر عمرنده بصره-ده ساکن اولمش؛ و بعض احادیث شریفه صحیحه نقل و روایت ایتمشدر.

6-1313-2

بشیر بن سعد، ابو النعمان

صحابه-دن و انصاردن اولوب، حضرت ابا بکره انصاردن اک اول بیعت ایدن بو ذات اولدیغی مرویدر. عقبه ثانیه و بدر و احد و سائر غزواتده حاضر بولنوب، هجرت نبویه-نک 12نجی سنه-سی حضرت خالد بن ولیدک معیتنده اوله-رق، یمامه-دن عودتنده عین التمر وقعه-سنده شهید اولمشدر. کندیسندن اوغلی نعمان واسطه-سیله بعض احادیث شریفه منقولدر. *- بشیر بن سعد بن نعمان و بشیر بن عبد الله الانصاری دخی صحابه-دن اولوب، برنجیسی پدریله برابر احد و خندق غزوه-لرنده، و ایکنجیسی یمامه وقعه-سنده حاضر بولنمشدر.

7-1313-2

بشیر بن عقبه

صحابه-دن ابو مسعود عقبه-نک اوغلی اولوب، زمان حضرت نبوی-یه یتیشمش؛ و پدرندن بعض احادیث شریفه نقل ایتمشدر. صفین وقعه-سنده معیت حضرت مرتضاده بولنمشدر.

1-1314-2

بشیر بن عقبه، ابو الیمان

صحابه-دن اولوب، پدری معیت حضرت پیغمبریده غزواتک برنده شهید اولمشیدی. کندیسی بعده فلسطینده ساکن اولوب، عبد الملك بن مروانله بعض ماجر الری مرویدر. بعض احادیث شریفه دخی روایت ایتمشدر.

2-1314-2

بشیر بن عمرو، ابو عمره

صحابه-دن و انصاردن اولوب، حضرت علی (رضه)-ک معیتنده اولدیغی حالده، صفین محاربه-سنده شهید اولمشدر. اسمی (بشر) اولدیغی دخی مرویدر. *- صحابه-دن دیگر بر (بشیر بن عمرو) واردر، که هجرت سنه-سی تولد ایدوب، 85 تاریخنده وفات ایتمشدر.

3-1314-2

بشیر بن عنبس، فارس الحواء

صحابه-دن و انصاردن اولوب، همان کافه غزواتده معیت رسول اللهده بولنمش، و (جسرابی عبید) وقعه-سنده شهید اولمشدر. قتاده بن نعمانک عمزاده-سیدر.

4-1314-2

بشیر بن لیث

هارون الرشید زماننده سمرقندده خروج ایتمش بر آدمدر، که 190 تاریخنده خلیفه-نک عسکرینه غلبه چلمغله، کسب قوت و مکنت ایده-رک، بر سنه صکره خراسانک ضبطنه تشبث ایتمش ایسه ده، بو دفعه طوتیلوب، زنجیر بند اوله-رق، بغداده کتیرلمش؛ و حضور خلیفه-ده اعدام اولنمشدر.

5-1314-2

بشیر بن معبد، ابو بشر اسلمی

صحابه-دن اولوب، کندیسندن اوغلی بشر واسطه-سیله بعض احادیث شریفه منقولدر.

6-1314-2

بشیر بن منذر

الاسی (ابو البان) صحابه-دن و انصاردن اولوب، بدر غزاسنه متهی عزیمت اولدیغی حالده، حضرت رسول الله (صلعم) افندمز کندیسنی مدینه منوره-ده استخلاف بیورمشلردی. حضرت عثمان (رضه)-دن اولجه وفات ایتمشدر. کندیسندن بعض احادیث شریفه مرویدر.

7-1314-2

بشیر حارثی، ابو عصام بن فدیك

صحابه-دن اولوب، اصل اسمی (اکبر) ایکن، قومی اولان بنی حارث طرفندن عرض اسلام ایچون نزد حضرت پیغمبری-یه کوندردیکنده، (بشیر) تسمیه بیورلمشیدی. اوغلی عصام دخی صحابه-دندر.

8-1314-2

بشیر عدوی، ابو ایوب *- بن کعب

مشاهیر تابعیندن و بصریوندن اولوب، ابو هریره و ابو ذر و ابو الدردادن روایة بعض احادیث شریفه نقل ایتمشدر.

9-1314-2

بشیر غفاری

صحابه-دن اولوب، کندیسندن بعض احادیث شریفه مرویدر.

10-1314-2

بشیر کولی

سلانیک ولایت و سناغانک کسندیره قضااسنده و قضانک قسم شمالیسنده بر کول اولوب، شرقدن غربه اولان طولی 33 و عرض وسطیسی 5 کیلومتره-در. جهت غربیه-سنده و نفس سلانیک قضااسنده اولان آیواسیل کولنک آیاغیله شمال و جنوبدن بر طاقم کوچک و چایلر بو کوله منصب اولوب، فضلہ میاهی 7 کیلومتره طولنده بر آیاق واسطه-سیله %رندینه\$ کور فزینه دوکیلور. کولک عمقی بعض محللرنده 30 متره-په بالغ اولور. بالیغی جوق اولوب، صید ماهیسنک یوزده یکر می نسبتنده اولان رسم سنویسی 1250 لیرا بدله احاله اولنمقده-در.

11-1314-2

بشیرک

قلعه سلطانیه-نک خارجنده، آناسولی ساحلنده و تروآ خرابه-لری %یعنی اسکی استانبول\$ک اوکنده بر قوی اولوب، سفائن ایچون بر ملجا حکمنده-در.

دولت عباسیه زماننده پیتیشن مغنیه-لرک مشهوره-لرندن اولوب، لاغوته چالمقده دخی مهارتی وار ایدی، و فوق العاده حسن و نزاکتیله شهرتشار ایدی. مدینه منوره-ده طوغوب، عن اصل یحیی بن نفیسک جاریه-سی ایکن، مهدی خلیفه طرفندن اشترا، و بغداده جلب اولنمشیدی.

عراق غربیده و شط العربک ساحل غربیسنده بر ساعتلق مسافه-ده همنامی اولان ولایتک مرکزی بر شهر اولوب، بغدادک 460 کیلومتره جنوب شرقیسنده و بصره کورفرزی منتهاسندن 90 کیلومتره یوقاریده اوله-رق، $30^{\circ} 29' 30''$ عرض شمالی ایله $36^{\circ} 19' 45''$ طول شرقیده واقع و شط العربه بر خندقله مربوطدر. اطرافی شط العربک فیضانندن منحصلاً بطاقلقرله محاط اولدیغندن، هواسی پک آغیر و وخیم اولوب، اهمیت تجاریه-سیله برابر اهالیسی 20000دن زیاده دکلدن. یالکز ایلولدن کانون اوله-دک بهر سنه درت آی تجارتک اک ایشلک وقتی اولمغله، موسم مذکوره بر طرفدن هنددن و ایران و جزیره العرب سواحلندن کلن سفائن و بر طرفدن دخی بغداددن و جزیره و موصل و سائر طرفلردن اینن قایقار و کاروانلر اهالینک مقدارینی موقتاً تضعیف ایدلر. متعدد جوامع و مساجدی، بیوک چارشو و بازاری، جسیم خان و مخزنلری واردن. شهر 20 کیلومتره طولنده بر سورله محاط اولوب، بو سورک داخلنده وقتیله خانه-لرله مستور بولنمش اولان محلك قسم اعظمی خرمالق و باغچه و واسع میدانلرله بر طاقم ویرانه-لردن عبارتدر. سوقاقلری طار و طولاشیقلی اولوب، قالدیرملری غیر منتظم و خانه-لری عمومیت اوزره ایکی قاتدن عبارتدر. مع هذا اوزاقدن منظره-سی پک لطیف اولوب، مناره-لری خرما آغاچلرینک آره-سندن پک کوزل کورینور. خرما لری مشهور پک چوقدر. کمیلر شهره قدر واصل اولورلر، و اورادن بغداده دخی کوچک واپورلر ایشلر، بصره شهری حضرت عمر بن الخطاب (رضه)-ک زمان خلافتده و 14 تاریخ هجریسنده (عتبه بن غزوان) طرفندن تأسیس اولنه-رق، مقصد تأسیسی ایران جهتده فتوحاتله مشغول اولان عسکر مسلمینک قیشله-سندن عبارت ایدی. آنجق او وقت تأسیس اولنان بصره شمذیکی محلنده اولمیوب، شمذی قصبه شط العرب ساحلنه قریب اولدیغی حالده، او وقت ساحل مذکورک 17 ویا 18 کیلومتره غربنده واقع ایدی. محل مذکوره بعض ویرانه-لرله حضرت طلحه و زبیر (رضهما)نک مرقدلری و حضرت علی (رضه)-ک جامع شریفی موجوددر. محل مذکوردن فراتک بر کوچک قولی مرور ایدوب، بصره کورفرزینه منتهی اولدیغی کبی، مذکور قول ایله شط العرب آره-سنده دخی سیر سفاننه صالح بر جدول حفر اولنمشیدی. بصره بوندن بشیوز سنه اوله کلنجه-یه قدر محل قدیم اصلیسنده اولوب، اوندن صکره خرابه یوز طوتمغله برابر، اکلاشلدیغنه کوره مذکور خندغک طولمه-سندن طولابی، قالان اهالی اوراسنی ترکله، شط العرب ساحلنه اینمکه، و یکی قصبه-یی تأسیسه مجبور اولمشلردن. عتبه طرفندن تأسیسنی متعاقب بصره پک چابق کسب و سعت و عمران ایدوب، دولت امویه زماننده عبید الله بن زیادک تحت اداره-سنده ایکن 200000 اهالیسی بولنمش اولدیغی محققدر. مدنیت اسلامیه زماننده هند ایله اولنان تجارتک بر بیوک مخزنی حکمنده اولمغله، ثروت و تجارتی پک چوق اولدیغی کبی، علوم و معارفک دخی اک پارلق مرکز لردن اولوب، ادباسی کوفه ادباسیله ادعای رقابت ایدرلردی؛ و ایچندن پک چوق مشاهیر علما چیقمشدر؛ امید برونی طرفتک کشفندن صکره، بصره-نک اسکی اهمیتی قالماش ایسه ده، محلی تبدیل اولندقدن صکره دخی ینه خیلی مهم و تجارتکاه بر یر اولوب، بوندن یوز سنه اوله کلنجه-یه قدر یوز بیکنن زیاده اهالیسی وار ایدی. یعه بر طرفدن دولت علیه ایله ایران آره-سنده بعض محاریاته میدان اولدیغی کبی، هواسی زیاده-سیله وحیم بولنمش، و سویش جدولنک آچلمسی تجارتنه بر قات دهها سکنه کتیر مشدر. سلطان مراد خان رابع زماننده 1048 تاریخنده ضمیمه ممالک عثمانیه اولوب، 1107ده عربلر طرفندن ضبطله ایرانه تسلیم اولنمش ایسه ده، در عقب استرداد اولنه-رق، 1187ده تکرار ایرانه کچمش، و 6 سنه صکره تکرار طرف دولت علیه-دن استرداد اولنمش؛ و 1231ده و هابیلرک ایننه کچدیگی حالده، مصرلی ابراهیم پاشا طرفندن استخلاص اولنه-رق، 8 سنه قدر اداره مصریه آلتنده قالدقدن صکره، ینه تحت اداره عثمانیه-یه آلمشدر. اکثریا آیریجه بر ایالت اتخا اولنوب، ولایات تشکیلنده بغداد ولایتنه ملحق بر لوانک مرکزی ایدیه ده، اخیراً آیریجه بر ولایتک مرکزی اتخا اولنمشدر.

ولایتی. ممالک عثمانیه-نک منتهای شرق جنوبیسنده اولوب، شرق شمالی جهتندن حدود ایرانیه ایله یعنی خوزستان و نام دیکرله اهواز و لرستانله، شمال غربی جهتندن بغداد و لایتیله، غرب جنوبی جهتندن نجد و دهنه چوللریله، جنوب شرقی جهتندن دخی بصره کورفزیله محاط اولوب، بو ولایتله ملحوق واحسا خطه-سندن عبارت اولان نجد سنجاغی جزیره العربیک ساحل شرقیسی بوینجه ممتد اولمغله، جنوباً عمان اماملغناک حدودیله دخی محدوددر. عراق عربک یعنی خطه قدیمه بابلستانک جنوب شرقی قسمیله جزیره العربیک منتهای شرق شمالیسنده اولان احسا و بحرین خطه-لرندن عبارت اولوب، مساحه سطحیه-سی تقریباً و تخمیناً 150000 مربع کیلومتره و اهالیسی غیراز عشایر 150000 کشیدر. اراضیسی دوز اولوب، طاغ و اورمانلری یوقدر. بغداد ولایتندن کلن %دجله\$ ایله %فرات\$ نهرلری بو ولایتی شق ایدوب، بصره سنجاغی داخلنده برلشه-رک، شط العرب ایرماغنی تشکیل، و بو ایکی جسیم نهرک متعدد تابعلری و بینلرنده-کی قول و جدوللر ولایتک اراضیسنی سقی ایدرلر. نهرلرک صوبندن کرک فیضان طبیعیلرنده و کرک بصره-دن چوق دها یوقاریلره قدر حس اولنان مد و جذرک تأثیریه استفاده اولنمق ممکن اولدیغندن، بصره ولایتی بر ایکنجی مصر اولمق استعدادینی حانز ایسه ده، کرک اسکی بابلیلر و آثوریلر زماننده و کرک مدنیت اسلامییه و علی الخصوص خلافت عباسیه دورنده آچلمش اولان متعدد جدوللر طولمش، و سدلر بیقلمش اولدیغندن، بو استعداد طبیعیین استفاده اولنه-میوب، وقتیله سبب عمران و ثروت اولان جدوللر الیوم بطاقلر تشکیلیه اهالییی امراض مهلکه-یه دوچار ایتمکدن بشقه بر شینه یارامیور. مع هذا خیلی مقدار بغدادی، آریه، چلتیک، داری و سائر حبوباتله کلینتی خرما و سائر میوه-لر حاصل اولور. مملحه-لری دخی چوق اولوب، خیلی طوز اخراج اولنور. دوه، آت، قیون کبی حیوانات اهلییه ایله اقلیمک مساعد اولدیغی حیوانات وحشیه دخی چوقدر. بو تعریف ولایتک نفس بصره، عماره و منتفک سنجاقلرینه عائد اولوب، احسا سنجاغناک ایسه همان یالکز سواحلی معمور و ایچ طرفلری چول اولمغله، باشلیجه اهالیسنک مدار تعیشی تجارت و اینجی صیدیور. ولایتک غرب جنوبی جهتنده-کی چوللرده منتفک عشیرتنک منقسم بولندیغی قبائل کشب و کذار ایدوب، شمر و عنزه عشایری دخی تقرب ایدرلر. اهالیسی عمومیت اوزره عرب اولوب، اکثری شیعی و قصوری شلفعی و حنفی مذهبلرینه تابعدرلر.

بصره ولایتی بر وجه زیر 4 سنجاغ، 15 قضا و 8 ناحیه-یه منقسم اولوب، عشایر و قبائلدن و شهر و قصبه-لردن ماعدا 217 قریه-یی جامعدر:

###

سنجاغ

قضا

ناحیه

بصره

بصره

ابو الحصیب

فاو

شط العرب

هارته

زبیر

قورنه

کویت

منتفک

ناصریه

جیبیه

بطحا

بنی سعید

سوق الشیوخ

شاطره

حی

حمار

عماره
عماره
شطره
زبیر
دوبریج
نجد
هفوف
قطیف
قطر
\$

1-1316-2

بصره

سنجاعی. همنامی اولان و لایتک مرکز سنجاعی اولوب، شرقاً حدود ایرانیه ایله، شمال غربی جهتندن عماره و منتفک سنجاقزلیله جنوباً دخی نجد سنجاعیله و بصره کورفزیله محدوددر مرکزی بصره شهری اولوب، ماده آنفه-ده-کی جدولده کوسترلدیکی اوزره، 3 قضادن مرکب و مرکز قضاسی 5 ناحیه-یی جامعدر. بصره و لایتک الک منبت و محصولدار و الک تجارتگاه سنجاعی اولوب، آنجق زیاده و خامت هوا ایله متصفدر. اهالیسی 150000 راده-لرنده-در. محصولات و سائر احوالی و لایتک احوال عمومی-سنه تابعدر. *- بصره قضاسی سنجاعک قسم اعظمندن عبارت اولوب، شمالاً قرنه قضاسیله و جنوباً بصره کورفزیله و کویت قضاسیله محدوددر. حاوی اولدیغی 5 ناحیه ایله برابر غیراز عشایر 93 قریه-یی جامعدر.

2-1316-2

بصره

مغرب اقصاده بحر محیط آطلاسی ساحلی قریبنده و %سوس\$ جوارنده اوله-رق فاسدن 4 کونلک مسافه-ده بیوجک و معمور بر شهر ایدی، که بعض جغرافیون عربک تعریفنه کوره، سورله محاط اولوب، 10 قیوسی، میاه جاریه-سی و باغ و باغچه-لری وار ایدی. طائفه نسانسک حسن و جمالیله دخی مشهور ایدی. بو شهر اوانل دور اسلامده تأسیس اولنه-رق، آلتنجی ویا یینجی قرن هجریده خراب اولمشدر.

3-1316-2

بصره کورفزی

و نام دیکرله بحر فارس #1 آسیا قطه-سنک جنوب غریبسنده بر بیوک کورفز و دها طوغریسی بر دکیذر، که بحر محیط هندینک عمان دکیزندن هرمرز بوغازیله آیریلوب، جزیره العرب ایله ایران آره-سنده شمال غربی-یه طوغری اوزانه-رق، شط العربک منصبنه قدر ممتد اولور. بو وجهله جزیره العربک عمان قطه-سی هرمرز بوغازنده-کی مسندام برونندن هجیر قریبنده-کی %رکان\$ بروننه-دک بر بیوک قوی شکلنده اوله-رق، بصره کورفزیلک سواحل جنوبیه-سنی، الحسا خطه-سی غرب جنوبی ساحلی و ایرانک فارس و کرمان خطه-لری شرق شمالی سواحلنی تشکیل ایدوب، بصره سنجاعی منتهای شمال غریبسنده و هرمرز بوغازی دخی منتهای جنوب شرقیسنده واقعدر. هرمرز بوغازندن شط العربک منصبی اولان %فاو\$ بوغازینه-دک طولی 975 و عرض اعظمی 370 کیلومتره اولوب، الک طار محلی 170 و وسعت وسطیسی 200 کیلومتره راده-لرنده-در. بصره کورفزی 25° 58' ایله 30° 25' عرض شمالی و 28° 45' ایله 15° 54' طول شرقی آره-لرنده ممتد اولوب، مساحه سطحیه-سی 168000 مربع کیلومتره-در. جزیره العرب جهتنده-کی سواحلی مقعر و ایران جهتنده-کی محدب شکلنی ابراز ایدوب، سواحل عربیه-سنده %بحر البنات\$ و %بحرین\$ اسملریله ایکی بیوک کورفز و بر چوق کوچک قویلر و منتهای غرب شمالیسنده %کویت\$ کورفزی بولنمغله، بو ساحلی بر قات دها اوزاندیغندن، بصره کورفزیلک جزیره العرب جهتنده-کی سواحلی 2170 و ایران جهتنده-کی سواحلی 1250 کیلومتره طولنده-در. بو وجهله بحر مذکور سواحلنک بر تلثندن زیاده-سی ایران دولتنه و قسم متباقیسنک نصفی

دولت عثمانیه-یه و نصف دیکری عمان یعنی مسکت اماملغنه عائددر. سواحل عثمانیه-ده-کی اسکله-لرینک باشلیجه-لری فاو، کویت، قطیف، هجیر؛ مسکت اماملغی سواحلنده-کیلر: بداعه، سور، ابودی، خرجه؛ سواحل ایرانیه-ده-کیلر دخی: بندر عباس، مغان، کنکون و بندر بوشیردن عبارتدر. بصره کورفزینه جزیره العربدن هیچ بر نهر دوکلمیوب، شمال شرقی جهتده بتون عراقین و جزیره و کردستان جهتلرینی شامل اولان بر بیوک حوضه-نک صورلرینی جمع ایدن فرات و دجله-نک اجتماعندن متشکل شط العرب و کارون ایرماقلری و سواحل ایرانیه-دن دخی ((ایران)) ماده-سندده تعداد اولنان بش آلتی نهر ایله بر طاقم کوچک چاپلر دوکیلیور. سواحل ایرانیه-سی مرتفع و طاغلق اولدیغی حالده، سواحل عربیه-سی دوز و قوملقدر. بو دکیزده بر چوق آطه-لر دخی بولنوب، سواحل ایرانیه-یه قریب اولانلری طاغلق و قیبالرله محاط اولدقلری حالده، سواحل عربیه-یه یقین اولانلری آچق اولوب، قوملق صیغلرله محاطدرلر. بو جزایرک اک بیوکلری هر مز بوغازینک ایچ طرفنده و کرمان ساحلی قارشیسندده واقع %۰ کیش آطه-سیله بحرین کورفزی داخلنده بولنان %۰ بحرین \$ جزیره-سیدر، که برنجیسی ایرانیه و ایکنجیسی دولت عثمانیه-یه تابعدر. شط العربک منصبی قریبده اولوب نهر مذکورک ایندیردیکی قوملردن متشکل اولان %۰ بویبان \$ آطه-سی دخی خیلی بیوکدر. عمان و ایران سواحل قریبده دها بر چوق کوچک آطه-لر بولنیور، که اکثری سواحلده چیقاریلان انجیلرله مشهوردر. بو دکیزک عمقی پک آز اولوب، 40 ایله 80 متره آره-سندده-در. فرات و دجله ایله سائر نهرلرک دوکدکلری قوم و چامور کینتدکجه دکیزک قهرینی طولدیرمقده و سواحل شمالیه-سنی جنوبه طوغری اوزاتمقده-در. بر قاچ بیگ سنه اول بو ساحلک قورنه-نک بولندیغی محلدن چوق یوقاری اولوب، فرات ایله دجله-نک منصبلری آیری آیری بولنمش اولدیغی علم الارضک جمله تحقیقاتنددر. بالیقلری پک چوق اولوب، سواحل اهالیسی کلیتله صید، و قوروته-رق هر طرفه اخراج ایدرلر. صدفلری دخی پک چوق اولوب، اینجی صیدیه مشغول اولان اهالینک مقداری 70000 کشی-یه و سفانلی 6000 قطعه-یه بالغ اولور. سنوی یاریم ملیون لیرادن زیاده قیمتندده اینجی اخراج اولنور.

1-1317-2

بُصری

سوریه قطعه-نک %۰ حوران \$ خطه-سندده و حورانک جهت جنوبیه-سندده بر شهر ایدی، که دمشک 90 کیلومتره جنوب شرفیسندده و قدسک 130 کیلومتره شمال شرفیسندده بر اووه-ده واقع اولوب، وقتیلله خیلی معمور و مهم و مستحکم بر شهر اولمغله، حورانک مرکزی ایدی. اسکی رومالیلر زماننده اهمیتی زیاده اولوب، عبده اوئانه مخصوص جسیم عبادتخانه-لری بولنمش اولدیغی کبی، بعد المیلاد دخی خراستیانلغک مراکزندن اولوب، مشهور راهب بحیرایه منسوب بر صومعه-سی وار ایدی. 13 تاریخ هجریسندده حضرت خالد بن ولید طرفندن فتح اولنه-رق، حضرت عمر بن الخطاب (رضه) طرفندن بر جامع شریف تأسیس ایدلمش اولدیغی کبی، بعده دخی بر چوق جوامع و مساجد شریفه و سائر خیراتله و بر طاقم قلاع و استحکاماتله تزیین و توسیع اولنمش ایدیه ده، قرون وسطاده زلزله ایله لاینقطع محاربه-لر خرابنی موجب اولمشدر. الیوم بر قاچ خانه-دن عبارت بر قریه حالنده اولوب، %۰ اسکی شام \$ دینمکله معروفدر. اطرافنده بر چوق آثار عتیقه جاهلیه و اسلامییه مشاهده اولنمقده-در. *- بغداد جوارنده دخی بو اسمله بر قریه اولوب، بعض علمانک مسقط رأسی بولنمشدر.

1-1318-2

بُصری

[[حسن بصری]] ماده-سنه مراجعت بیوریلله.]

2-1318-2

بُصینا

اهوازده %۰ دجله بصری \$ دنیلن نهرک اوزرنده بر کوچک قصبه اولوب، (بصری) اسمیله معروف بر نوع یوک قماشیلله مشهور اولدیغی، و بتون اهالیسنک بو قماشکک نسجیلله و یوکنی اکر مکله مشغول اولدقلرینی یاقوت حموی ذکر ایدیور.

3-1318-2

بُصیره

زور سنجاغنگك شماره قضااسنده ناحیه مرکزی بر كوچك قصبه اولوب، خابور نهرينگ كنارنده و بو نهرك فراته دوكلديكي محلدن بر ساعت قدر يوقاريده اوله-رق، %رقه-\$-نك 150 كيلومتره جنوب شرقيسنده و قرقسيه خرابه-لری قربنده واقعدر. ناحیه-سی 18 قریه-دن عبارتدر.

4-1318-2

بُصیری

مشاهیر شعرادن اولوب، عن اصل خراسانلی اولدیغی حالده، اوننجی قرن هجری اوائلنده شاعر شهیر نوائی ایله ملاجامینک غزللری و سپارشلریله سلطان بایزید ثانی حضر تلرینک نزدینه کلوب، در سعادتده قالمش؛ و طرف پادشاهیدن کنديسنه معاش تخصیص اولنمشیدی. نوائینک ((مجالس النفائس)) عنوانلی اثرنده مذکوردر. لطائف و هزلیاته میلی زیاده اولوب، اکابر زمانيله پک چوق ملاطفه-لری مرویدر. 941 تاریخنده وفات ایتمشدر. رومه کلديکنده قاضیعیسکر بولنان مؤید زاده-یه مراجعتله، منصب طلب ایتدیکنده، مؤید زاده ((شفقت بر مرصدر، او مرض بزه عارض اولمامشدر)) دیه جواب ویرمسيله، صاحب ترجمه شو بیٹی سویلمشیدی:

@@@

منصب وصلن دریغ اینر بو بن افتاده-دن

دلبرم بیرحمرک اولمش مؤید زاده-دن

\$

5-1318-2

بَطالسه

بطلمیوسك جمعیدر. ((بطلمیوس)) ماده-سنه مراجعت بیوريله.]

6-1318-2

بَطحاء

مدینه منوره-نك اسم قدیمیدر. ((مدینه)) ماده-سنه مراجعت.]- * - مغربده (یعنی جز ایرده) تلمسان قربنده دخی بو اسمله بر قصبه اولدیغنی یاقوت حموی ذکر ایدیور. - * - بصره سنجاغنگك منتفك سنجاغنده نفس ناصریه قضااسنه تابع بو اسمله بر ناحیه دخی واردر.

7-1318-2

بَطحان

مدینه منوره-ده-کی اوچ وادیدن برینک اسمی اولوب، دیگر ایکبسی %عقیق\$ و %قناة\$ تسمیه اولنورلر.

8-1318-2

بَطروش

اندلسده %فحص البلوط\$ ناحیه-سنک مرکزی بر قصبه اولوب، بعض مشاهیر علمانک مسقط رأسی بولندیغنی یاقوت حموی سلفیدن نقلاً ذکر ایدیور. - * - (ب)نك و (ر)نك ضمیلده دخی اندلسده (دانیه) اعمالندن بر قصبه اولدیغنی یاقوت حموی راوی مومی الیهدن نقلاً ذکر ایدیور.

ابو جعفر منصور زماننده-کی اطباى نصرانيه-دن اولوب، مشار اليهك امريله بر چوق كتب طبيه-يى و على الخصوص بقراط و جالينوسك آثارينى لسان يونانيدن عربيه ترجمه ايتمشدر.

اسكندرک وفاتندن صکره معيتمده-کی ماکدونیالی رؤسانک تشکیل ایتدکلری طوائف ملوکن مصرده حکومت سورن سلاله-نک اسم مشترکی اولوب، بو اسمله 14 حکمدار کلمشدر، که (بطالسه مصر) دینمکله معروفدرلر. برنجیسی (لاغوس) و (سوتیر) لقبيله ملقب اولوب، ماکدونیا حکمدار فلیبک سردارلرندن (لاغوس)ک فلیبک مفروش-لرندن برندن متولد اوغلی ایدی. مرقومه-نک کندیسینی فلیبک قزانمش اولدیغی دخی مروی اولوب، بو تقدیرده اسکندرک برادری اولور. کندیسى اسکندرک معيتمده آسیا فتوحاتنه کیدوب، جهانگیر مشار اليهک وفاتنده یعنی قبل المیلاد 323 تاریخنده واقع اولان مقاسمه-ده حصه-سنه خطه مصریه دوشمشیدی. مصری استیلا ایدن (پردیقا)ه قارشى مقاسمه آرقداشلیله متفقاً حرکت ایدوب، کندیسینی مغلوب ایتدیکی کبی، (آنتیغون)ه قارشى دخی اتقاقه داخل اولوب، بونک اوغلی %غازه-ده مغلوب ایتمیسی اوزرینه، سوریه و فلسطینک جهت جنوبیه-سنی دخی ضبط ایله، قبل المیلاد 306 تاریخنده حکمدار عنوانی اخذ ایتمشدر. 301 تاریخنده آنتیغونی %بیپسوس-ده مغلوب ایتمکله، برقه، قیریس و فلسطینی دخی ممالکنه الحاق ایده-رک، ممالکنی توسیع، و پایتختی اولان اسکندریه-یی توسیع و تحکیم و نیجه آثار مصنعه ایله تزیین، مشهور (سراپیون) کتبخانه-سنی و بیوک بر موزه تأسیس، و هر طرفدن علمایی جمع و علوم و معارفی حمایه ایتمشدر. بیوک اوغلی (بطلمیوس کراونوس)ی، حشونت طبعنه بناء، وراثندن چیقاروب، 285 تاریخنده ایکنجی اوغلی (بطلمیوس فیلادلف)ی تختنه اجلاس، و ایکی سنه صکره وفات ایتمشدر.

*- ایکنجیسی برنجینک اوغلی اولان مرقوم (بطلمیوس فیلادلف) اولوب، برادرلری حقتده اولان بغض و خصومتندن طولایی کنایه ((محب الاخوه)) دیمک اولان بو لقبه تلقیب اولنمشیدی. برادرلرندن بر قاچنی قتل و بعضنی طرد ایتدکن صکره، پدرینک اثرینه تیبعتله، علوم و معارفک ترقیسنه خدمت ایدوب، بنی اسرائیلک کتب مقدسه-سنی لسان یونانی-یه ترجمه ایتدیرمک اوزره (سبعین) دینمکله مشهور اولان 70 کشیدن مرکب بر انجمن تشکیل، کتبخانه-یی توسیع و علم هیئت ایله سیر سفائن فننک ترقیاتنه یاردیم ایتمشدر. نیل طریقیله آق دکیز ایله بحر احمر آره-سنده اولان جدولی تعمیر، بر چوق لیمانلر انشا، و اکثری کندی لقبنه نسبتله %فیلادلفیا\$ تسمیه اولنان بر چوق شهر و قصبه-لر تأسیس ایده-رک، نوبیه و وادی نیل جهتلرینی دخی کشف ایتمش؛ و رومالیرله بالاتفاق، سوریه حکمداری (أنطيوخس ثئوس)ک تجاوزاتنه قارشى طورمش؛ و (آنتیغون قوناتوس)ه قارشى یونانک استقلالنی مدافعه ایتمشدر. قبل المیلاد 247 تاریخنده 66 یاشنده وفات ایتمشدر. بطالسه-نک اک بیوک حکمداری اولوب، مورخینک بعضی (فیلادلف) لقبيله تلقبنی همشیره-سی (آرسینوئه)-یی سووب تزوج ایتمسنه حمل ایدپورلر.

*- اوچنجیسی ایکنجینک اوغلی اولان (بطلمیوس اورجت) یعنی ((صاحب الخیر)) اولوب، قبل المیلاد 283 تاریخنده طوغمش، و 247دن 222 تاریخنده-دک 25 سنه حکومت سور-رک، سوریه-یی استیلا، و فراتی تجاوزله بابلستان، اهواز و فارس جهتلرینی ضبط، و خراسانه قدر ایلر یلیوب، کیخسروک مصردن آلمش اولدیغی آلهه مصریه هیکلرینی استرداد، و بعده حبشی دخی ضبط ایتمشدر. همشیره-سی مشهوره (برنیکه)-یی تزوج ایتمشیدی.

*- درنجیسی اوچنجینک اوغلی اولوب، پدرینی تسمیم ایتمش اولمغله مظنون ■ علیه بولندیغندن، کنایه (فیلوپاتر) یعنی ((محب الاب)) لقبيله ملقبدر. قبل المیلاد 222 تاریخندن 205 تاریخنده-دک 17 سنه حکم سوروب، بیوک أنطيوخس سوریه-یی استرداد ایتمش؛ و آنجق %رافیا\$ده-کی غالبیت اوزرینه فلسطین ایله فنیکایی محافظه ایده-بیلمشیدی. همشیره-سی و زوجه-سی اولان (آرسینوئه)-یی قتل ایتدیرمکله، عمومک نفرتنه مظهر اولمشیدی.

*- بشنجیسی درنجینک اوغلی اولان (بطلمیوس اپیفان) اولوب، پدرینک وفاتنده، 5 یاشنده اولدیغی حالده، بر طاقم نا اهل وزرانک وصایتی آلتنده تخته جلوس ایتمش؛ و قبل المیلاد 181 تاریخنده-دک 24 سنه حکومت سورمشدر. زماننده سوریه حکمداری أنطيوخسله واقع اولان محاربه مغلوبیتنی منتج اولدیغی کبی، ممالکنک هر

طرفنده دخی عصیان ظهور ایدوب، بر طاقم علوفه-لی یونانی عسکرله و انواع اعتسافاتله نائره عصیانی باصدیره-بیلمش؛ و مسموماً وفات ایتمشدر.

-* آلتجیسی بشنجینک اوغلی اولوب، (فیلمیتور) یعنی ((محب الام)) لقبیله مقبدر. پدرینک وفاتنده 5 یاشنده اولدیغی حالده، سوریه پرنسسلرندن اولان والده-سی قلیوپاتره-نک وصایتیله تخته جلوس ایدوب، مرقومه سوریه حکمداری دردنجی آنطیوخسک تجاوزاتنه مقاومت ایده-بیلمش ایسه ده، میلاددن 170 سنه اول (بطلمیوس فیلمیتور) سوریه-لیلر طرفندن اسیر طونلمغله، یرینه برادری یدنجی (بطلمیوس اورجت) مصر تخته جلوس ایتمشیدی. درت سنه اسارتده قالدقن صکره، خلاص اولوب، مصره عودتنده ایکی سنه دخی برادرلیه مشترکاً حکم سورمش؛ و مرقوم آنطیوخس یکیدن کندیسنه اعلان حرب ایتمش ایسه ده، بو دفعه روما جمهوریتنک توسطیله قورنلمش؛ و ینه جمهوریت مذکور-نک تکلیفی اوزرینه برقه و قبریسی برادرینه و یروب، ممالکنی ایکی-یه تقسیم ایتمشدر. بعده سوریه-ده-کی قاریشقلقن استفاده امیدیه ابتدا الکساندر بالا ایله و بعده دمتریوس ایله اتفاق ایدوب، %اورونته\$ یعنی عاصی نهی کنارنده الدیغی جریحه-دن متأثراً قبل المیلاد 146 تاریخنده وفات ایتمشدر.

-* یدنجیسی مذکور (بطلمیوس اورجت ثانی)در، که سلفنک برادری اولوب، بطلمیوس فیلمیتورک اسارتی زماننده 4 سنه بالاستقلال و بعده 2 سنه برادرلیه مشترکاً حکومت سور دکدن صکره، روما جمهوریتنک توسطی اوزرینه، قبل المیلاد 164 تاریخنده برقه و قبریس حکمداری اولمش؛ و 146ده برادرینک وفاتنده مصره عسکر سوقیله، برادرینک قاریسنی کندیسنه وارمغه مجبور ایده-رک، طفل اولان اوغلی حکومتده تشریک ایده-جکنی وعد ایتمش ایسه ده، متعاقباً طفل مذکوری والده-سنگ قوجاغنده قتل ایتمش؛ و 131 تاریخنده اسکندریه-یی ترک ایله، قاچمغه مجبور اولمش ایسه ده، سردارلرندن (هجلوق)ک سعییله عودت ایدوب، وفاتنه یعنی 117 تاریخنده-دک حکم سورمشدر. ((صاحب الخیر)) دیمک اولان اورجت یرینه خلق کندیسینی (قاكرجت) یعنی ((صاحب الشر)) لقبیله یاد ایدرلردی.

-* سکزنجیسی یدنجینک اوغلی اولان (بطلمیوس سوتیر ثانی) اولوب، پدرینک وفاتنده تخته جلوس ایتمش ایسه ده، والده-سی قلیوپاتره-نک حکمی آلتنده اولوب، متعاقباً مرقومه-نک اسکندریه-ده اشعال ایتدیکی بر عصیاندن طولایی، مصری ترکله، 30000 کشی ایله سوریه-یه قاچمغه مجبور اولمش؛ و اوراده حکم سورن محاربات داخلیه-یه قاریشوب، فلسطین جهتنده بر کوچک حکومت تاسیس ایتمکله 18 سنه اوغراشدقن صکره، قبل المیلاد 88 تاریخنده برادری (بطلمیوس اسکندر اول)ک سقوطنده مصره عودتله، تختی استرداد ایده-رک، 81 تاریخنده-دک حکم سورمشدر. (برنیکه) اسمیله بر قیزی و (اون برنجی بطلمیوس) اسمیله حکومت سورن بر ولد نا مشروعی وار ایدی.

-* طقوزنجیسی یدنجی بطلمیوسک ایکنجی اوغلی و آف الترجمه-نک برادری اولان (بطلمیوس اسکندر اول)در، که برادرینک طرد و اخراجی اوزرینه، والده-سی قلیوپاتره طرفندن 107 تاریخنده تخته اجلاس اولنه-رق، در غقب والده-سیله بوزشمغله، مرقومه-یی قتل ایتدیرمش؛ و 19 سنه حکومت سور دکدن صکره، بیوک اسکندرک تربه-س اوزرنده-کی تزیناتی غصب ایتمکله، اهالینک نفرتنه مظهر اولوب، فراره مجبور اولمش؛ و بعده عودتله تختی برادرندن ضبط ایتمکه چالیشمش ایسه ده، موفق اوله-میوب، واقع اولان محاربه-ده قتل اولنمشدر. بعده (بطلمیوس اسکندر ثانی) نامیله حکم سورن بر اوغلی وار ایدی.

-* اوننجیسی طقوزنجینک اوغلی اولان (بطلمیوس اسکندر ثانی)در، که قبل المیلاد 81 تاریخنده، عمیجه-سی (بطلمیوس سوتیر ثانی)نک وفاتی اوزرینه، روما سردارلرندن (سیلانک) معاونتیله ادعای سلطنته قالیقشوب، 6 ای صکره مرقوم بطلمیوس سوتیرک قیزی برنیکه-یی تزوج ایتمکله، اونکله مشترکاً 47 کون حکومت سور دکدن صکره، مرقومه-یی قتل ایتمش؛ و بر قاچ ای صکره کندیسینی دخی عصیان ایتمش اولان عسکری طرفندن قتل اولنمش؛ و بر روایتده طرد اولنوب، بر مدت %صور\$ده حکم سورمشدر. بونکله بطالسه-نک سلاله مشروعه-سی منقرض اولمغله، رومالیلر بر وصیته استناداً مصری تحت حمایه-لرینه آلمق ادعاسنه قالیقشمشدر.

-* اون برنجیسی (اولیت) یعنی ((دودوکجی)) لقبیله ملقب اولوب، بطلمیوس سوتیر ثانیینک ولد نا مشروعی ایدی. قبل المیلاد 80 تاریخنده مصرلیلر طرفندن بطالسه تختنه اجلاس اولنمش ایسه ده، روما جمهوریتی طرفندن تصدیق اولنمیوب، نهایت 59 تاریخنده (پومپیوس)ک تحت حمایه-سنه کیرمکله، کندینی تصدیق ایتدیرمش ایسه ده، بو حرکتندن طولایی مصرلیلرک خصومتتی قرانوب، 58ده فراره مجبور اولمش؛ و 3 سنه صکره ینه رومالیلرک امدادیه عودت ایدوب، رومادن کوندریلن (غال) عسکرینک تحت محافظه-سنده اوله-رق، 3 سنه ده حکومت سور دکدن صکره، قبل المیلاد 52 تاریخنده وفات ایتمشدر.

-* اون ایکنجیسی اون برنجینک اوغلی اولان (بطلمیوس دنیس) اولوب، پدرینک وفاتنده تخته جلوسله، 13 یاشنده اولدیغی حالده، 17 یاشنده بولنان همشیره-سی مشهوره قلیوپاتراییی تزوج ایتمشیدی. قلیوپاترا حکم و نفوذی کندیسینی ایله آلمق ایستدیکندن، زوجنک وصیلری طرفندن اویندیریلان فساد اوزرینه، تبعید اولنمشیدی. بطلمیوس دنیس وصیلرینک نصیحتیله مصره التجا ایتمش اولان روما سردارلرندن (پومپیوس)ی قتل ایتدیرمش

ایسه ده، بونک رقیبی اولان قیصر قلیوپاترانک حسن و جمالنه مفتون اولمغله، اونک طرفنی التزام ایتدیکندن، بطلمیوس مغلوب اولوب، فرار ایدرکن، قبل المیلاد 480 تاریخنده نیلده غرق اولمشدر.

*- اون اوچنجیسی اون برنجیک اوغلی اولوب، ((چوجق)) لقبیله ملقبدر. قبل المیلاد 48 تاریخنده قیصر طرفندن مصر تختنه اجلاس اولنه-رق، 11 یاشنده قلیوپاتره-نک ایکنجی قوجه-سی اولمش ایسه ده، 4 سنه صکره، ظنه کوره، مسموناً وفات ایتمشدر.

*- اون درنجیسی (قیصریون) لقبیله ملقب اولوب قبل المیلاد 47 تاریخنده قیصر ایله قلیوپاتره-نک اجتماع نا مشروعدن تولد ایتمش؛ و 42 تاریخنده روما حکومتی طرفندن مصر تختنه اجلاس اولنه-رق، 32 تاریخنده ((حکمدار لر حکمداری)) کی قورو بر عنوانیله تبجیل اولنمش ایسه ده، 30 تاریخنده آغستوسک امریله قتل اولنه-رق، بونکله بطالسئ مصر سلاله-سی بسبتون منقرض اولمشدر.

1-1321-2

بطلمیوس

بو اسمله ماکدونیا حکمدار لرندن دخی ایکی کشی کلمشدر: برنجیسی (آلوریتس) لقبیله ملقب اولوب، اوچنجی آمینتاسک ولد نا مشروعی ایدی. مرقوم آمینتاسک قیزی (اوریونه-) بی تزوج ایدوب، قائن والده-سی (اوریدیکه) دخی کندیسنه عشق ایتمش، و کندیسيله مناسبات نا مشروعه-یه کیریشمش اولدیغندن، بونی تخته اجلاس ایچون، قوجه-سنی قتل ایتمکه تشبیت ایتمش ایسه ده، موق اوله-مامش؛ و بطلمیوس قبل المیلاد 372 تاریخنده دخی تختی غصب ایتمکه تشبیت ایدوب، 3 سنه صکره ایکنجی آلساندرك وفاتنده، ماکدونیا نك بر پارچه-سنی ضبط اید-بیلمش ایسه ده، 3 سنه صکره (پلوپیداس) ك مداخله-سیله موق اقتدار دن اسقاط اولنمشیدی.

*- ایکنجیسی (کراونوس) یعنی ((یلدریم)) لقبیله ملقب اولوب، بطالسئ مصر دن (بطلمیوس سوتیر اول) ك بیوک اوغلی ایدی. پدري طرفندن وراثتدن تحریم اولنمغله، قبل المیلاد 285 تاریخنده ماکدونیا و تراکی حکمداری (سلفقوس) ه النجا ایتمش اولدیغی حالده، 281 تاریخنده مرقومی قتل، و معارضلرندن آنتیغون غوناتوسی بر محاربه بحریه-ده مغلوب، و دیکر لرینی دخی بلا حرب دفع ایتدکن صکره، (لیسیماخوس) ك زوجه-سی (آر سینوئه-) بی تزوجه، ایکی اوغلی قتل ایتدیر دکن صکره، کندیسینی تطلیق ایتمش؛ و بر سنه حکومت سور دکن صکره، (بلجیوس) ك قوماند-سی آلتنده اولان غولوالرله ایتدیکی محاربه-ده قتل اولنمشدر.

2-1321-2

بطلمیوس، قلودی

1#

مشاهیر ریاضیون و فلکیوندن اولوب، ایکنجی قرن میلادی اوائلنده اسکندریه-ده نشأت ایتمشدر. کندیسینی یازدیغی فنونک هیچ برنده ارباب کشفدن دکلسه ده، اسلافنک آثارندن بر چوق معلومات و حقایق فنیه-بی جمع ایدوب، آثار مذکوره ایسه بعده بولنه-ماز اولدقلرندن، کشفیات فنیه قدیمه بر چوق وقت بو ذاته اسناد اولنمشدر.

هیئت و جغرافیایه و علوم ریاضیه و میخانیکیه و سائر-یه متعلق بر چوق تألیفاتی اولوب، اک بیوک و اک مشهورلری علم هیئته دائر ((مجسطی)) عنوانیله شهرت بولان اثریدر، که اصل اسم یونانیسی (ماتیماتیکی سینتاقسیس) یعنی ((ترکیب ریاضی)) اولوب، ((اکبر)) دیمک اولان (مجسطی) اسمیله دخی معروف بولنمش اولدیغندن، عربلر عئنده بو اسمله بللنمشدر. ایکنجی درجه-ده اولان تألیفی جغرافیایه اولوب، بر خیلی وقت بو فنده بوندن مفصل و مکمل کتاب یازیله-مامشیدی. طول و عرض درجه-لرینی و هر محلک موقعی درجاتله تعیین ایتمکی اک اول بو کتاب تفصیل ایتمشدر. بو ایکی کتاب اسکندریه علمای یونانیه-سنگ دستور العملی حکمنده اولدیغی کی، مدنیت اسلامیه-نک تا ابتداسندن دخی عربی-یه ترجمه اولنه-رق، بر خیلی وقت علمای اسلام بطلمیوسک آثارینی شرح و تحشیه ایتمکه اکتفا ایتمشلر سه ده، بعده کرك علم هیئته-کی ترقیلری و کرك جغرافیایه اولان معلومات مکتسبه-لری بطلمیوسک آثارنده کوردکلری بر چوق خطیاتی تصحیح و بر چوق نقابصنی اکمال ایتلرینه مساعد بولنمشدر. مع هذا بو ایکی فنده ینه بطلمیوسک تألیفاتی اساس اتخاذ اولنمقن واز کچلمه-مشیدی. بطلمیوسک زیجلری دخی مشهوردر. بو ذاتک آثارنده-کی معلومات و کشفیاتک اکثری حکیم مشهور (هیپارخوس) یاخود (ابرخس) ك زاده فکر و تدقیقیدر. هیئتك کره ارضی مرکز اتخاذ ایتمکن عبارت اولان اصول قدیمه-سی دخی (بطلمیوسک اصولی) نامیله شهرت بولوب، بو اصول سقیم (قوپرنیق) ك زمانه-دک مرعی و معتبر بولنمشدر. بطلمیوسک آثاری و علی الخصوص مجسطیسی عربیدن لاتین لساننه

ترجمه اولنه-رق، ((المجسطی)) دن محرف اوله-رق (آماجست) اسمبله شهرت بولمش؛ و نیجه وقت صکره متن اصلی یونانیسی بولنمشدر. کلیات آثاری آوروپاده دفعاتله طبع و اکثر السنه-یه ترجمه اولنمشدر.

1-1322-2

بطلیوس

اسپانیاده-کی (بادایوز) شهرینه عربلر طرفندن ویریلن اسم اولوب، بو شهرده ظهور ایتمش اولان بر چوق علمای اسلام دخی (بطلیوسی) نسبتیله مشهوردرلر. ((بادایوز)) ماده-سنه مراجعت بیوریلله.

2-1322-2

بظمان چایی

دجله ایرماغی تابعلرندن بر نهردر، که بتلیس ولایتک کنج سنجاغی طاغلرندن آقان بر چوق دره-لرله دیار بکر ولایتک منتهای شمالندن اینن بعض صولردن بالنتشکل، ولایتین مذکورترین حدودی آر-سندن شمالدن جنوبه طوغری آقه-رق، تقریباً 100 کیلومتره-ک مسافه قطع ایتمکدن صکره، دجله-یه منصب اولور.

3-1322-2

بظنه

جزایرک قسنطینه ایالتده، قسنطینه-نک 110 کیلومتره شرفنده و بسکره-نک 100 کیلومتره شمالنده بر قصبه اولوب، فرانسه حکومتی طرفندن مرکز عسکری اتخاذ اولنمشدر. اطرافنده خیلی پیاغی چیقار.

4-1322-2

بظیحه

فراتک دجله ایله برلشمزدن اول صول جهتده و شط الحیک ایکی جهتده واقع واسع بر یردر، انههارک فیضانی زماننده طاشان صولرله مملو اولوب، بر چوق بطاقلقری جامعدر. بو یرک بر قسمی بغداد ولایتک حله و بر قسمی ده بصره ولایتک منتفک سنجاقلری داخلنده بولنیورلر. زمان قدیمده نهرلره مکمل سدلر یاپلمش اولدیغندن، صولر طاشمیوب، بو یر شهر و قصبه-لر و قریه-لرله مملو غایت معمور و محصولدار ایدی. ملوک ساسانیانک اوخرنده دجله و فراتک فوق العاده طاشمسيله سدلر منهدم اولوب، محل مذکوری صو باصمش؛ و اوائل دور اسلامده دخی سدلر تعمیر و تجدید اولنه-میوب، بو بطاقلقرک آر-لرنده آطه حالنده قالان یرلر آل بویه و سلچوقیلر زماننده ظهور ایدن بعض باغیلر طرفندن ملجأ و مامن اتخاذ اولنمغله، بطیحه-ده او صره-لرده پک چوق وقوعات سیاسییه جریان ایتمشیدی. بعده خلافت عباسیه طرفندن سدلر تجدید اولنه-رق، بطیحه یکیدن اعمار اولنمش ایسه ده، مؤخرأ یکیدن صو باصوب، ینه بطاقلق حالنی کسب ایتمشدر؛ و الیوم او حالده بولنمقده-در.

5-1322-2

بُعاث

مدینه منوره جوارنده بر موقع اولوب، زمان جاهلیتده بو موضعه (اوس) ایله (خزرچ) قبیله-لری بیننده (یوم بعاث) دینمکله مشهور بر حرب وقوع بولمشدر.

6-1322-2

بَعقوبا

بغداد ولایت و سنجاغنده واقع خراسان (و دها طوغریسی طریق خراسان) قضاستانک مرکزی اولان بر قصبه اولوب، بغدادک 60 کیلومتره شمال شرقیسنده و دیاله نهری کنارنده واقعدر. یاقوت حموی بو قصبه-نک جوامع و مساجدی چوق اولدیغنی، و نهرک ایکی کنارنده ایکی چرشیبسی اولوب، بر کوپری ایله اختلاط اولندیغنی، و بو کوپرینگ آلتنده سفائن کچدیکنی بیان ایدیور.

7-1322-2

بعل

1#

امم قدیمه سامیه-دن فنیکه-لیلرله کنعانیلرک و کلدانی و آثوریلرک اک بیوک معبودی اولوب، شمسدن کنایه ایدی. (عشتروت) اسمنده بر معبوده دخی قمردن کنایه ایدی. بعض مورخین بعلی مشتریدن و عشتروتی زهره-دن کنایه عد ایتمشلردر. بعل کلمه-سنک اصل معناسی ((رب)) اولوب، دیکر بعض کلمه-لرله مرکب اوله-رق، امم مذکور-نک دیکر بعض آلهه باطله-لرینه علم اولدیغی کبی، بابلیلر (بعل) یاخود (بل) ویا (بلوس) صورتنده بعض حکمدارلرینه دخی اطلاق ایدرلردی. بن اسرائیل دخی دفعاتله عبادت الاهی ترک و فراموشله، جوارلرنده-کی امم مشرکه-نک بو معبودینه عبادت ایتمشلردر. صور و صیداده و فنیکه-لیلرک سائر شهرلرنده بو معبوده مخصوص جسیم هیکلر بولنوب، صنمک ایکی آنده طوتدیغی بر جسیم مجمرده کوچک چوقلر احراق و انسانلر ذبح ایدرلردی. بعل کلمه-سندن مرکب اولان آلهه کاذبه اسملرندن اک مشهورلری (بعل شمین) یعنی ((رب السماوات))، (بعل فغور) و (بعل زبوب) یاخود بعلزبوت #1 یعنی ((رب الذباب))در، که مشرکین عندنده سینکلری دفعه موکل براله زعم اولنورکن، بنی اسرائیلک کتب مقدسه-سنده ابلیس مقامنده مستعملدر. (بالتازار) و (آنیبال) کبی اسماء خاصه-ده کوریلن (بال) لفظی دخی (بعل)دن غلطدر.

1-1323-2

بعلبک

سوریه-ده آثار عتیقه-لریله مشهور اولان اسکی شهرلرک اک جسیملرندن اولوب، ایوم شام سنجاغنده همنامی اولان بر قضانک مرکزیدر. دمشق شامک 80 کیلومتره شمال غربیسنده و طرابلس شامک 85 کیلومتره شرق جنوبیسنده اوله-رق، %بقاع\$ دنیلن وادی داخلنده و 1200 متره قدر ارتفاعی اولان بر محله واقعدر. شمیدیکی حالده 1000 قدر اهالیسی، 7 جامع و مسجدی، 8 تربه-سی، 3 کلیسایسی، 100 دکانی و 1 حمامی واردر. ایچندن %رأس العین\$ اسمیله صویب پک ابی بر چای جریان ایدیور. بو شهر وقتيله پک بیوک اولوب، ایچنده بعلک عبادتنه مخصوص بر بیوک معبدله بو معبدک بر هیکل عظیمی بولندیغندن، %بعلبک\$ تسمیه اولنمشیدی. ماکدونیا لیلرله رومالیلر اسمنی لسان یونانی-یه بالترجمه %هلیوپولیس\$ یعنی ((مدینه الشمس)) تسمیه ایتمشلردی. فنیکه-لیلر زماننده-کی معموریتندن بشقه رومالیلر زماننده دخی بو شهر بر چوق معبدلر، هیکلر، قلعه-لر و سائر ابنیه جسیمه مصنعه ایله تزیین و توسیع اولنمشیدی. خرتیانلغک ظهورندن صکره بعلبک بر پسقپوسلق مرکزی اتخاذ اولنه-رق، بعله مخصوص اولان اک بیوک معبدی دخی روم ایمپراطورلرندن قسطنطین طرفندن کلیسایه تحویل اولنمشیدی. 14 تاریخ هجریسنده ابو عبیده بن جراح طرفندن فتح اولنه-رق، اوائل دور اسلامده دخی خیلی مهم و تجارتکاه بر شهر بولنمش، و ایچندن خیلی علما و سائر مشاهیر اسلام ظهور ایتمشدر. اهل صلیب وقوعاتی صره-سنده واقع اولان لاینقطع محاربه-لرندن خیلی سکتهدار اولدیغی کبی، بر ایکی دفعه زلزله-دن و بر دفعه سیل باصمه-دن خراب اولمش؛ و 803 تاریخ هجریسنده تیمورلنک طرفندن ضبط اولنه-رق، بسیتون تخریب، و اهالیسی قتل عام اولنمش ایدی. 922 تاریخنده یاوز سلطان سلیم خان حضرتلری طرفندن محاصره، و جزار احمد پاشا ییدله فتح اولنه-رق، ممالک عثمانیه-یه الحاق اولنمش ایسه ده، 1173 تاریخ هجریسنده واقع اولان بر زلزله قائم اولان ابنیه-سنی دخی بیقه-رق، او شهر شهیری بر ویرانه حالنه قومشدر. اسکی معبدلرینک و سائر ابنیه-سنک خرابه-لری ایوم زوار و سیاحینک انظار دقتنی جلب ایتمکده-در. ستونلرک و اویمه-لرک مهارت فوق العاده-سیله برابر ابنیه-بی ترکیب ایدن طاشلرک جسامتی جالب انظار حیرتدر. چایک اوزرنده بر قاچ کوپری خرابه-لری کوریلور. اطرافنده-کی سور خراب حالنده اوله-رق باقی اولوب، مستطیل شکلنده اولدیغی حالده، محیط دائره-سی 3 کیلومتره-در. حضرت الیاسک قبری بو شهرده اولدیغی کبی، حضرت ابراهیمک دخی مقامی موجوددر. ازواج مطهره حضرت نبویدن حضرت حفصه بنت عمر (رضها) ایله مالک اشترک قبرلری اولمق اوزره ایکی مزار دخی کوستریلیورسه ده، مالک اشترک قبر

صحيحی مدینه-ده اولدیغی کیی، بعلبکده مدفونه اولان حفصه دخی ازواج مطهره-دن اولمیوب، فتح شامده ابو عبیده-نک معیتنده بولنمش اولان **معاذ؟ بن جبلك** همشیره-سیدر.
*- بعلبک قضاوسی شام سنجاغنگ منتهای غرب شمالیسنده اولوب، شمالاً حما سنجاغیله، غرباً جبل لبنانله، جنوباً بیروت ولایتیله، شرقاً دخی نفس شام قضاوسیله محدود و محاط اولدیغی حالده، جبل لبنان ایله جبل شرقی سلسله-لری آره-سنده اولان بقاع وادیسندن عبارت اوله-رق، 76 قریه-دن مرکبدر. اهالیسی 12000 کشتی راده-لرنده اولوب، قسم اعظمی مسلم و قصوری مارونی و سائره-در. درون قضاذه 38 جامع و مسجد و 19 کلیسا و مناستر واردر. اراضیسی منبت و محصولدار اولوب، میاه جاریه-سی دخی چوقدر. محصولاتی حبوبات متنوعه ایله ایپکدن عبارتدر.

2-1323-2

بُغار

جزائرده و جزائرک 116 کیلومتره جنوبنده بر قصبه اولوب، 10000 اهالیسی و جوارلرنده بر چوق اورمانلری واردر. 1839 تاریخ میلادیسنده امیر عبد القادر طرفندن تحکیم، و 1841ده فرانسز طرفندن ضبط و احراق اولنه-رق، بعده یکیدن تعمیر و تحصین ایله، مرکز عسکری اتخاذ اولنمشدر.

3-1323-2

بغار

1#

بو اسمله اون ایکنجی قرن میلادیده آما و فرنسه طرفلرنده بر طاقم آدملر ظهور ایدوب، درویشانه و قلندارانه بر عمر سوردکلری حالده، صوفیون اسلامدن مستعار بر طاقم افکار متصوفانه-نک نشرینه چالیشمشلردر. رئیسلی (ژان اسقوت اریژن) ایدی. 1311 تاریخ میلادیسنده ویانه انجمن روحانیسی بو طریق تحت ممنوعینه آلمشدر.

1-1324-2

بغچه جک

ازمید سنجاق و قضااسنده و ازمیدک جهت جنوبیه-سنده ناحیه مرکزی بیوجک بر قریه اولوب، موقعی مرتفع و هواسی کوزل اولمغله، یازین ازمیدن اورایه تبدیل هوایه کیدیلیر. ناحیه-سی 34 قریه-دن مرکبدر.

2-1324-2

بغچه سرای

قریم شبه جزیره-سنک اک بیوک قصبه-لرندن اولوب، سیواستپولک 30 کیلومتره شمالنده واقعدر. 14000 اهالیسی اولوب، قسم اعظمی تاتار و مسلم، و قصوری ارمنی، یهودی، روس و سائره-در. اسکی قریم خانلرینک مقری بولنمش اولمغله، خانلره مخصوص اولان سرای الیوم باقیدر. متعدد جوامع شریفه-سیله بر قاچ مدرسه-سی حمام و سائر مؤسسات اسلامیه-سی واردر. اهالی مسلمه-سنک و علی الخصوص ارباب حمیتدن بلدییه رئیسلی اسماعیل بکک همتیله کندیلرینه مخصوص اصول جدیده اوزره نکور و انات ایچون آیری آیری مکتبلر دخی کشتاد اولنوب، تاتار لساننده ((بغچه سرای)) عنوانیله بر غزته دخی نشر اولنیور.

3-1324-2

بغچه قپوسی

استانبولدن غلطه-یه کیدن کوپرینک استانبول جهتده-کی باشنک شرق جنوبی جهتده و یکی جامع جوارنده بر محل اولوب، مغازه-لر و تجارت خانلریله مستوردر. وقتیلله استانبول سورینک بوراده بر قیوسی اولوب، قیونک خارچنده بر کوچک لیمان بولنمغله، روملر زماننده ((لیمان قیوسی)) #1 و غلط اوله-رق ((کوزل قیو)) #2 تسمیه اولنوردی. بعد الفتح دخی مذکور لیمان باقی اولوب، سرای همایون قایقارینه مخصوص ایدیسده ده، قیونک ایچ طرفنه قدر سریق باغچه-سی ممتد اولدیغندن، %بغچه قیوسی\$ تسمیه اولنمشدر. الیوم سور منهدم اولمغله، قیو اولمدیغی کبی باغچه دخی یو غیسده ده، اسمی باقیدر.

4-1324-2

بغچه کوی

استانبول بوغازینک روم ایلی ساحلنده واقع بیوک دره قربنده و ساحل بحر دن 5 کیلومتره-لک مسافه-ده بر قریه-در.

5-1324-2

بغچه لی صو

بیغا سنجاغنده بوغازک خارچنده اوله-رق آطه-لر دکیزینه دوکیان %مندرس\$ نهری تابعلرندن بر چای اولوب، آیواجق قضااسنده نبعانله، شمال غربی-یه طوغری جریان ایده-رک، اینه قصبه-سنگ ایچندن کچدکن، و تقریباً 35 کیلومتره-لک مسافه قطع ایئتدکن صکره، مذکور مندرس نهرینه منصب اولور.

6-1324-2

بغداد

آسیای عثمانینک اک مشهور و اک بیوک شهرلرندن اولوب، همنامی اولان ولایتک و بتون عراق عربک مرکزیدر. دجله-نک ایکی طرفندن اوله-رق، "50' 19' 33° عرض شمالد ایله "15' 2' 42° طول شرقیده واقعدر. شهرک قسم اعظمی دجله-نک شرق جهتده اولوب، %صافه\$ تسمیه اولنور؛ شهرک جهت غربیه-سندده-کی قسمی ایسه بر محله-دن عبارت اولوب، %کرخ\$ و %زوراء\$ اسمیله معروفدر. شهرک بو ایکی قسمی آره-سندده دوبه-لر اوزرینه قونلمش 250 متره طولنده بر کوپری واردر. شهرک ایکی طرفی خرما آغاجلریله و سائر اشجارله مزین اولوب، پک کوزلدر. شهرک نهیر بویجه طولی 7 کیلومتره اولوب، موقعی و منظره عمومی-سی غایت دلنشین ایسه ده، سوقاقلاری طار، معوج و پیس اولدیغندن، ایچندن کوزللیکی کورینمز. اهالیسنگ مقداری حقنده-کی تخمین و روایتلر مختلف ایسه ده، مقدار صحیحی 125000 ایله 130000 آره-لرنده اولدیغی آکلاشلیبور. بونلرک قسم کلیسی مسلم اولوب، نصفی سنی و نصف دیکری شیعیدر؛ سائر اهالیسی یهودی، ارمنی، کلدانی، سریانی و سائر-در. اهالی مسلمه-سی عرب، ترک، ایرانی و کرد جنسیتلرینه منسوب اولوب، لسان محلی برنجی درجه-ده ترکجه و ایکنجی درجه-ده عربجه-در. اولری طوغله-دن اولوب، اولدقجه کوزل ایسه ده، چوغی باغچه-لر ایچنده و دیوارلرله محاط اولدقلرندن، حسنلری یالکز داخلدن کوریلور. شهرک هواسی یازین خیلی صیجاق اولوب، اهالی کوندوزین (سرداب) تعبیر ایئتدکلری مخزنلرده و اقتسامدن صکره طاملرک اوستنده امرار اوقات ایدرلر. قیشین ایسه خیلی صونوق اولور. بغدادک جوامع و مساجد شریفه-سی پک چوق اولوب، اک بیوکی و اک کوزلی عبد القادر کیلانی حضرتلرینک جامع شریفیدر. کرک بغداد داخلنده و کرک جوارلرنده ائمه و مشایخ واجله علما و سائر مشاهیر اسلامدن بر چوق ذواتک تربه-لری موجود اولوب، از جمله امام موسی کاظم، امام اعظم ابو حنیفه، امام حنبل، جنید، شبلی، سری سقطنی، معروف کرخی، عبد القادر کیلانی کبی ذواتک مرقد شریفلری زیارتگاه انامدر. هارون الرشیدک زوجه-سی مشهوره (زبیده)-نک دجله-نک صاغ طرفنده و سورک خارچنده واقع تربه-سی غایت مصنع اولوب، خلفای عباسیه زمانندن قالمه اثرلرک باشلیجه-سیدر. شهر قسماً خراب اولان و 7 کیلومتره طولی بولنان بر سور و بر خندقله محاط اولوب، شمال غربی قسمنده و حکومت قوناغنگ قربنده خیلی اهمیتی حازر بر قلعه-سی دخی واردر. حکومت قوناغی دخی شهرک اک کوزل و اک بیوک ابنیه-سندندر. چارشوسی بیوک و متین اولوب، 1200 دکانی حاویدر. شهرک غرب جهتده دجله-ده سفائن اعمالنه مخصوص بر حوض و دستکاه و بونک جوارنده بر اصلاحخانه ایله بر مطبعه و یهودی تجارندن بری طرفندن تأسیس اولنمش بر بیوک مکتب واردر.

بغداد آلتنجی اردوی ہمایونک دخی مرکزی بولنمغله، بر مکتب اعدادی عسکریسی، ایکی رشدیہ عسکریہ-سی و بر رشدیہ ملکیہ-سی و بر خستہ-خانہ-سی دخی وارد. نهرده ایشلمک اوزره ((عمان عثمانی)) عنوانیله بر اداره-سی اولوب، 12 واپوری وارد. بر انکلیز قومپانیہ-سی دخی ایشلیور. شهرک اطرافی باغچه-لرله محاط اولوب، نزهتگاهلری چوق اولمغله، شهردن ایکی ساعت خارجه قدر ایشلمک اوزره بر تراموای دخی یاپلمشدر. بغداد ممالک عثمانیہ-نک اک تجار تگاه شهرلرندن اولوب، بر طرفدن بصره واسطہ-سیله هندستانله و دیگر طرفدن ایران و موصل و دیاربکر و حلب و شامله دائمی صورنده مناسبات تجاریہ-سی جاریدر. شهرک ایچنده ایپکدن چارشف، کتفیہ، شال، مثلح کبی شیلرله یوک و پاموقدن دخی بعض منسوجات و باقیر و آلتون و کموشدن بعض اوانی اعمال اولنور. دجلہ-نک فیضاننده بعض بطاقلقر تشکیل ایتمسی بغدادک هواسنی اخلاص ایدوب، بعض علل ساریه تولیدینه سبب اوله-کلمشدر.

بغداد شهری خلفای عباسیہ-نک ایکنجیسی اولان ابو جعفر منصور طرفندن بنا اولنه-رق، 145 تاریخ هجریسنده بناسنه شروع، و 149ده اکمال ایله، مقر خلافت اتخاذ اولنمشدر. مداین شهر قدیمی خرابه-لرندن پک چوق آثار اخذ اولنه-رق بو شهرک بناسنده استعمال اولنمشدر. ابتدا دجلہ-نک صاخ طرفنده بنا اولنه-رق، (دار السلام) تسمیه اولنمشیدی. بغداد اسمی ایسه فارسی بر اسم اولوب، بر روایتده شهرک تأسیسندن اول اوراده بولنمش اولان بر باغچه-نک اسمی ایدی. اشتقاقی حقتده روایتلر مختلف اولوب، ((عدالت باغچه-سی)) دیمک اولان %۱۰ باغ داددن مأخوذ اولدیغی روایتی احتمالہ ده قریب کورینور. هارون الرشید دجلہ-نک صول طرفنده بر سرای یاپدیروب، اوراده اقامت ایتمکله، آز زمان طرفنده نهرک او جهننده-کی ابنیه چوغاله-رق، شهرک بو قسمی ده زیادہ توسیع و تزیین اولنمشیدی. رشید ایله مأمونک زمان خلافتلرنده بغداد بتون عالم اسلامک مرکزی اولمغله، تزیینات مادیہ-سندن بشقه، رصدخانه-لر، کتبخانه-لر، مدرسه-لر و سائر مؤسسات علمیہ دخی چوغالمش؛ و ممالک اسلامیہ-نک هر طرفندن ارباب علم و هنر بغداده تجمع ایتمکله باشلامشیدی. او صره-لرده بغدادک مقدار اھالیسی ایکی ملیونی متجاوز اولوب، جوارلرنده-کی قصبات و قرا دخی بربرلرینه کسب التصاق ایده-جک درجه-ده صیق و بیوک اولمغله، بغدادک هر خانگی جانینه کیدلسه ایدی، بر قاچ کون بر معموره-نک ایچندن کچلمک اقتضا ایپردی. بغداد خیلی تدنی ایئتکدن صکره دخی ایچنده هر بری بر قصر معلا کبی 30 جسیم مدرسه بولندیغی او وقتلرده یازیلان جغرافیا و سیاحت کتابلرندن منفهم اولوب، بو مدرسه-لرک اک مشهوری نظام الملکک تأسیس کرده-سی اولان ((نظامیہ)) مدرسه-سی ایدی، که اک مشهور علما اوراده تدرس و تدریس ایتمشدر. خستہ-خانہ-لری دخی مشهور اولوب، اک معروفی عضد الدوله بن بویهک تأسیس کرده-سی اولان (بیمارستان عضدی) ایدی. خلافت عباسیہ-نک صوکی اولان 656 سنه هجریہ-سنه دکن بغدادک معموریتی باقی ایدیسه ده، آل بویه و آل سلجوقک تسلطلری زمانلرنده وقوع بولان محاربه-لر، دجلہ-نک دفعاتله طاشوب صو باصمه-سی، متعدد حریقلر، طاعونلر و قحط و غلاسنہ-لری دفعاتله تکرر ایدوب، بغدادک معموریتی خیلی رخنہ-دار، و اھالیسنی تنقیص ایتمشدر. نهایت تاریخ مذکورده هلاکو مغول عسکرله بغدادی ضبط ایدوب، اھالیسندن 700000 کشی اتلاف، و شهری احراق ایله، ابنیه مشهورہ-سیله سائر اسباب عمر اننی اما ایتمشدر. دیمک اولیور که او حال تنیدہ دخی بغدادک بر ملیوندن زیادہ نفوسی وار ایدی. متعدد و جسیم کتبخانه-لرنده مغوللرک بولوب ده دجلہ-یہ آتقلری کتابلردن کونلرجه نهرک صوی سیاه آدیغی مشهوردر. آل چنگیزدن قورتلمش اولان آثار عمرانی دخی تیمورلنکک 795 و 804 تاریخلرنده واقع اولان ایکی هجومنده اما اولنه-رق، هله ایکنجی استیلاسنده تیمور بغداد اھالیسنک قسم اعظمی قتل، و قصورینی فراره اجبار ایدوب، شهری بسبتون خرابه زاره چویرمشیدی. 906 تاریخنده شاه اسماعیل صفوینک ابنیه کچوب، 940 تاریخنده قانونی سلطان سلیمان خانک دورننده طرف دولت عثمانیہ-دن ضبط اولنمش ایسه ده، بعده دفعاتله ملوک صفویہ طرفندن استرداد اولنه-رق، نهایت 1048 تاریخنده سلطان مراد خان رابع طرفندن قطعاً ممالک عثمانیہ-یہ الحاق اولنمشدر. او وقتدن بری بغداد یواش یواش یکیدن کسب عمران ایتمکله، و هر نه قدر ابتدا امید برونی و بعده سویش قنالی طریقلرینک کشادی آسیای شرقی و جنوبی ایله آروپا آرہ-سنده اجرا اولنان تجارتک بغداددن مرورینه محل بر اقامش ایسه ده، ینہ موقعنک اهمیت تجاریہ-سی خیلی بیوک اولدیغندن، مرور زمانله اسکی معموریتی اکتساب ایده-جکی ممولدر. بغدادک اک مکمل تاریخی 463 تاریخ هجریسنده وفات ایدن مشهور خطیب بغدادی 14 بیوک جلد اوزره یازوب، 563ده وفات ایدن مشهور انساب صاحبی سمعانی بونک 5 جلد اوزره ذیلنی یازدیغی کبی، 597ده وفات ایدن کاتب ابو عبد الله محمد دخی 3 جلد اوزره ذیل سمعانینک ذیلنی، و 637 تاریخنده وفات ایدن (ابن الدبیتی) (صله) نامیله بونک ذیلنی یازمشدر. بو اوچ ذیلدن بشقه خطیب بغدادینک تاریخنه 643 تاریخنده وفات ایدن ابن النجار بغدادی 30 جلد اوزره بر مکمل ذیل یازمشدر، که بونک دخی بری 774ده وفات ایدن تقی الدین محمد بن رافع، بری ابو بکر بیمارستانی و بری تاج الدین علی ابن الساعی بغدادی طرفندن یازلمش بربرینی متعاقب اوچ ذیلی وارد. بو وجهله بغدادک اللی آلتمش جلدن مرکب مکمل تاریخی موجود دیمکدر. 697ده وفات ایدن شیخ ظہیر الدین کازرونی دخی ((روضۃ الاریب)) عنوانیله بغدادک 27 جلد اوزره بر تاریخی یازمشدر.

